



雜阿毗曇心論

宋天竺三藏僧伽跋摩等譯

雜阿毗曇心論



清刻龍藏佛說法變相圖

雜阿毗曇心論卷第一上

鼓一

尊者法救造

宋天竺三藏僧伽跋摩等譯

序品第一

古昔諸大師

於諸甚深法

多聞見聖跡

已說一切義

鼓一

精勤方便求

未曾得異分

阿毗曇心論

多聞者已說

或有極總略

或復廣無量

如是種種說

不順脩多羅

光顯善隨順

唯此論為最

無依虛空論

智者尚不了

極略難解知

極廣令智退

我今處中說

廣說義莊嚴

廣說梵音云毗婆沙以毗婆沙中義莊嚴處中之說諸師釋法勝阿毗曇心義廣略不同法勝所釋最為略也優婆扇多有八千偈釋又有一師萬二千偈釋此二論名為廣也和修祭頭以六千偈釋法密速玄曠無所執著於三藏者為無依虛空論也

敬禮尊法勝

所說我頂受

我達磨多羅

說彼未曾說 弟子咸勸請 毗曇毗婆沙
專精思惟義 賢眾所應學 正要易解了
離惱濟群生

復次為顯現清淨煩惱對治依阿毗曇毗婆
沙所應故大德法勝及我達磨多羅共莊嚴
雜阿毗曇心離諸廣略說真實義問且置真
實義云何名阿毗曇云何名毗婆沙答於牟
尼所說等諦第一義諦甚深義味宣揚顯說
真實性義名阿毗曇又能顯現修多羅義如
燈照明是慧根性若取自相則覺法是阿毗
曇若取眾具是五陰性名者諸論中勝趣向
解脫是名阿毗曇復次毗婆沙者於牟尼所
說性真實義問答分別究暢真要隨順修多
羅開悅眾心所謂性相名字地依行緣念智
根定世善及界學見諦斷義緣方便得亦離

欲得何處初起攝相應因緣果有果等無量
諸法種種義生說種種類種種說是名毗婆
沙論如佛世尊略說二智法智比智毗婆沙
論無量分別所謂彼法智者是無漏慧性是
智相名者初知法故是名法智在六地依欲
界十六行境界故一四諦四念處智即智相三根
三三昧相應三根者喜樂捨也三三昧謂有
覺有觀無覺有觀無覺無觀也
墮三世緣三世及離世是善緣三種謂善不
善無記
是不繫緣欲界及不繫是學無學緣三種謂
學無學非學
非無學也是不斷緣三種謂見諦斷修
道斷不斷也名緣
及義緣方便得離欲得欲界起法界法入行
陰所攝意界法界意識界相應三因自性三
因所生四緣自性四緣所生是初生無漏依
果及功用果俱生者唯功用果有果者三果
謂前二及解脫果不說增上果如是一切法

應當知問已知久遠緣起根本阿毗曇毗婆沙說彼對治何故說真實義者為知真實義故若不分別諸論難可了知以不知故實智不生實智不生故不知真實不知真實故不見煩惱諸行過惡以不見過故墮於惡趣與彼相違則生解脫問已說所以說當說真實義答是論於諸論中最高殊勝具足顯示一切境界於阿毗曇論增廣智慧五濁世增時命智慧念皆悉損滅觀察是等於廣大論聞持恐怖為利自他略說真實三時善說哀愍鼓一外道邪論諸師遠慕前勝正論法主及諸聖眾普於是中生大敬信開發眾生佛法僧念故顯示三寶真實功德為造論端故說是偈心界品第二

頂禮前最勝 離惱安教尊 所說悉具足

羅漢見真諦
頂禮者起善心轉愛果舉體敬禮也前者先也何者為先謂最勝也示供養處故最勝者有何義伏諸煩惱故名最勝如偈所說憂波伽當知如我等諸佛悉已離諸漏是故名最勝離惱者煩惱諸纏燒其身心世尊曠劫悉安眾生熾然永盡故名離惱安樂說故當知離惱是故次說安教安者謂安隱也教謂言說也教有所安故曰安教略說自安安他離惱者自安也安教者安他也不顛倒故故知安教是故次說所說悉具足說者言說也即是安教具足者辯正深妙顯現決斷說不顛倒到真實義不違二諦故曰具足是故禮彼各供養法阿羅漢者到究竟處法相滿足是故次說阿羅漢真實福田應彼供養故曰阿

羅漢此一向說無學也說無學已次說學見
真實真實者四聖諦不顛倒謂已學入忍入
智見彼真諦故名見真實雖住見道未周四
諦必當見故亦名見真實問何故敬禮答
牟尼尊悉知 法聚二種相 亦為他顯現
我今說少分
牟尼者身口意滿故曰牟尼悉者凡一切智
所說修多羅毗尼阿毗曇流布至今知者知
見覺義也法者持也持自性故名法法有積
聚故名法聚彼善法善法聚不善無記法亦
如是二者數名相者相貌也問云何二相答
自相及共相自相者不共即此非餘如礙相
是色如是比共相者共此及餘如色無常如
是比問若礙相是色自相者亦是共相觀四
陰故是自相觀十種色故是共相如是自相

即共相觀故二種自相共相則為不成答一
自故礙者色相故名色自相衆色差別故說
十種汝言觀故自相共相不成者不然何以
故不壞故如父子如果種如苦集諦如聽制
若觀自相則非共相若觀共相則非自相如
一人亦名父亦名子以父故名子以子故名
父若觀父則不觀子若觀子則不觀父若言
不成者不然何以故已成故是為父子義成
若善若惡正見邪見於中廣說起無間業若
無父義亦無無父邪見及有父正見此若無
者淨穢亦無淨穢無者解脫亦無若無無間
業者亦無因果因果無者一切法亦無莫言
非過是故父子義成不可已成更成若已成
更成此則無窮是故自相共相義成問佛所
知法一切當說耶答不也問何所說答亦為

他顯現我今說少分顯現者開示義也他者受化人也若義饒益隨順梵行如申恕林契經說於彼為他說法中我今說少分如來所知深廣無量如舍利弗等尚不能盡說況復餘人問世尊說何法答有漏無漏如是一切一切有漏行 離我樂常淨 不見有漏故計我等妄受

此諸有漏行不自在故離我三苦成故離樂緣力故離常煩惱處故離淨問何等是有漏行答諸煩惱所生五陰問若有漏行離我樂常淨者云何衆生而於中受答

不見有漏故 計我等妄受

衆生於有漏行不知相已便受我樂常淨作業所覆故不知非我威儀所覆故不知是苦相似相續覆故不知非常為薄皮覆故不知

不淨如是不知故受我樂常淨問何相為有漏行答

若增諸煩惱 是聖說有漏 以彼漏名故 慧者說煩惱

若依若緣增長身見等諸煩惱如使品說彼諸行從漏生故生漏故漏處故是故說有漏無漏緣不增長輒中上者不然增依故非不增增依不增緣問何故答

以彼漏名故 慧者說煩惱

煩惱者說名漏一切入處常漏故心漏連注故是故增煩惱諸行當知是有漏問彼更有名耶答

亦名為煩惱 受陰及與諍 煩受諍起故 是諸賢聖說

即此有漏行名為煩惱受陰諍何以故

故一

六

煩受諍起故 是諸賢聖說

身見等諸煩惱惱衆生故名煩惱受自身故名受擾亂心故名諍諍有三種煩惱諍陰諍闢諍煩惱諍者百八煩惱陰諍者死闢諍者各各相違當知此中說煩惱諍身見等諸煩惱生諸有漏行從煩惱生故說煩惱從受生故說受陰從諍生故說諍已說受陰想陰相今當說

若行離煩惱 亦解脫諸漏 此及前受陰是陰聖所說

若行離身見等諸煩惱及諸漏故當知是無漏行此諸無漏行及前說受陰是名為陰想陰受陰差別者轉不轉合是陰轉者是受陰問何者是答 所謂色受陰 想行及與識 是五陰次第

麤細隨順說

是五陰謂色陰受想行識陰云何色陰一切諸色過去未來現在如是廣說彼已起已滅是說過去未起未滅是說未來已起未滅是說現在在自身名為內在他身及非衆生數名為外復次內外義如入處說麤者名有對細者名無對若言不成是則不然觀故觀故不成者不然若觀麤則非細染汙名惡色不染汙名好色過去未來名為遠現在名為近遠義四種如行品說彼一切一向略說色陰此名略非事略如色陰受想行識亦如是於中差別者自身受名為內他身受名為外內緣外緣方便力起境界力起麤者五識身細者意地染汙不染汙界地亦如是乃至識陰亦如是行是行陰外者衆生非衆生數當知

問色乃至識有何相答礙相是色相隨覺是受相順知是想相造作是行相分別是識相彼過去色雖不礙曾礙故當來色雖未礙當礙故極微一一雖不礙衆微集則礙無作雖不礙以作色是礙故彼亦礙如樹動影亦動如色陰過去未來餘四陰亦如是問何故前說色陰乃至識陰答是五陰次第麤細隨順說彼五陰中色陰最麤五識依故六識境界故是故前說受陰雖非色行麤故如色說如我首足等受隨轉如是乃至識陰最細是故後說復次從不可知本際已來男爲女色女爲男色染著處故是故前說樂受貪故起色欲想顛倒故起樂受貪煩惱故起想顛倒依意故起煩惱復次二種色觀故入佛法中爲甘露門謂不淨觀及安般念彼不淨觀者觀

造色安般念者觀四大是故前說色陰觀色已見受過見受過已想不顛倒想不顛倒已煩惱不行煩惱不行已心則堪忍此則順說五陰今當逆說淨穢之生以心爲本是故前觀識陰觀識陰已煩惱薄煩惱薄已起法想起法想已則貪受不生貪受不生故觀察色是故先說色陰乃至識陰問云何分別說陰

答

十種謂色入 及無作假色 是分別色陰 牟尼之所說

十種謂色入者眼色耳聲鼻香舌味身觸無作假色者如業品說是諸色一一說色陰所名爲識陰 此即是意入 於十八界中亦復說七種

謂識陰即是意入十八界中說七心界

餘則有三陰 無作三無為 是則說法入
亦復說法界

餘則有三陰者受陰想陰行陰無作三無為
者虛空數滅非數滅此七法說法入亦說法
界問以何等故受想別立陰餘心法立一行

陰答

輪轉於生死 當知二諍根 是故別受想
建立一種陰

二事故衆生輪轉生死謂樂受貪及顛倒想
樂受貪故行愛倒想計著故行見二諍根者
習欲愛貪欲縛從受生見欲縛從想生受修
諸禪想修無色復次心法或根或非根根法
是受非根法是想是故隨義說問五陰一切
是行何故說一行陰答
五陰雖是行 而一受行名 有爲法多故

說行陰非餘

以行陰中有相應不相應等有爲行多相應
者思願等不相應者諸得等問一切悉是行
陰何故契經說一思爲行陰非餘答勝故增
上故前故作想是行想彼思是作性若有餘
陰悉入五陰中今當如實說

廣說諸法陰 其數有八萬 戒等及餘陰
悉是五陰攝

八萬法陰皆色陰攝以佛說語性故有說名
性者行陰攝餘戒等五陰彼戒陰色陰攝定
慧解脫解脫知見陰皆行陰攝若有餘陰名
悉入五陰中問齊何當言法陰數答

法陰謂經論 如是一一說 及諸對治行
悉名法陰數

有說一一經論名爲法陰如是經論其數有

六千復有說一一陰處是法陰處又說陰處界處等爲法陰數如是說者謂衆生有八萬行是故世尊隨彼所行爲說對治悉是法陰數問前說十種謂色入亦無作假色是名爲色陰何等爲入答

所謂眼耳鼻舌身及與意色聲香味觸餘則說法入

彼眼入者眼識所依四大所造淨色不可見有對耳鼻舌身亦如是差別者隨識所依意入者是心意識名義業世施設彼名等所作差別應當知名者名爲心名爲意名爲識義者集起是心義思量是意義別知是識義業者遠知是心前知是意續生是識世者過去世是意當來世是心現在世是識施設者界施設心入施設意陰施設識復次貪恚癡等

分別則無量境界定心名不亂此相違染污心名爲亂懈怠相應心名爲下精進相應心名爲舉少習淨心及染污心名爲少多習淨心名爲多少根易得少對治少隨轉諸染污心名爲小此相違善心名爲大於彼得修習修不修習如是染污心名不修此相違善心名爲修自性解脫及在解脫於彼染污心名不解脫此相違善心名解脫或有心自性解脫非在解脫或有心在解脫非自性解脫或有心自性解脫亦在解脫或有心非自性解脫亦非在解脫自性解脫非在解脫者是學無漏心在解脫非自性解脫者是無學有漏心自性解脫亦在解脫者是無學無漏心非自性解脫亦非在解脫者是學有漏心及凡夫心色入者三種謂色處俱色者青黃赤白

如是廣說處者身作色俱者如造晝等聲入者三種謂因受四大聲因不受四大聲因俱聲因受四大者謂咽啖脣舌因緣發聲因不受四大者謂風鈴樹等因緣發聲因俱聲者謂擊鼓吹貝等因緣發聲彼聲一一有二種謂可意不可意香入者三種謂好香惡香非好惡香味入者六種謂辛酸甜苦鹹淡問若嘗味時別味者為舌識先覺為身識耶答若先覺冷煖等則先身識後舌識若先別辛等味者則先舌識後身識觸入者十一種謂四大及十種造色七種造色者謂澀滑輕重大煖饑渴澀者麤強滑者細軟輕者不可稱重者濃厚冷者求煖饑者欲食渴者欲飲問何大增故澀滑乃至饑渴答或有說無徧增者彼業報先得澀四大果乃至饑渴復有說水

火增故滑地風增故澀地水增故重風火增故輕水風增故冷風增故饑火增故渴問幾觸能起身識答有說從澀至渴一一能起又說五觸能起四大與澀如是乃至饑渴復有說者十一種起身識等是身識境界故無過有二種自相事自相及入處自相事自相者等境界入處自相者自相境界故此十一種二種欲界繫饑及渴非色界繫九種欲界色界繫色界衣雖不可稱餘亦可稱亦可積聚雖無冷煖之患而有長養調適饑渴者或說依果以飲食能斷故阿毗曇者說報色不可斷已更續麪實者說饑渴是善不善報障故不可知食消已還復可知是故富者饑渴是善報貧者饑渴是不善報法入者四種無作色如業品說心法如行品說心不相應行如

雜品說無為此品後當說內入中眼入境界
 麤故前說外入中色入自性麤故前說苦樂
 所入問故說入處又殺義是入處義心心法
 於此中滅問入處觸入處何差別答觸入處
 即是入處或入處非觸入處外入是也若內
 入處非分者是入處非觸入處緣差不起觸者名非分也
 觸所住故名觸入處觸空者唯是入處觸所
 入門故如窻牖天竺謂窻牖為風入也觸所住故如聖
 住亦應該受入處觸長養心依法觸所持來
 觸所轉故觸力故現在前是故說觸入處聖住者中國名聖住邊地名彌離車住也問云何一身具十二入答
 雖於一身中 所作事各異 依緣自性故
 十二種分別
 於一身中具十二入但事各異若事是眼入
 此事乃至非法入若事是法入此事乃至非

眼入問何等為眼入事乃至法入事答眼以
 見色為事色以眼所行為事如是乃至法入
 譬如一室十二人止事業各異彼亦如是又
 依緣差別說十二謂六識身有六依六緣又
 有自性分別說十二若眼自性乃至非法自
 性若法自性乃至非眼自性問十三十入處及一
 入少分是色何故獨說一入處為色入答
 雖有眾多色 但說一色入 當知一色入
 三眼境界故
 於彼入中三眼境界者名為色入肉眼天眼
 聖慧眼以色麤故說二十種所謂青黃赤白
 長短正不正方圓高下雲烟塵霧光影明闇
 彼長等八事三種分別餘悉無記問一切十
 二入盡是法性何故但說一法入答
 彼一切諸法 雖盡是法入 法中眾多故

一法入非餘

彼一切雖盡是法入但一入中衆多法故謂色法無色法相應不相應法有爲無爲法是故但說一法入復次三有爲相彼法相不違彼相入法入中是故但說一法入又一切諸法以名顯現彼名入法入中法者真實相謂空解脫門以前法覺法故是空入法入中身見能自覺者不然顛倒轉故法者第一義謂寂滅涅槃是法入法入中問世尊契經說無量入何故但說十二入答
彼十一切入 八入二四入 及五解脫入 皆悉十二攝
十一切入中前八入及八勝處是無貪善根性悉入法入中若取眷屬則五陰性悉入意入法入中十一切入中後二入及四無色入

是四陰性悉入意入法入中二入者謂無想

衆生入及非想衆生入無想衆生入十入性

除香味入說四無色則已說非想入五解脫

入是慧性眷屬是五陰性悉入三入中聲入

意入法入五解脫入者一者佛說即得解脫

得四者因他說法得問所說十八界爲種有

十八爲名有十八答

界種說十七 或說爲十二 境界依者依

分別十八種

十八界或十七種或十二種若取眼界則失

六識若取六識則失意界譬如別取樹則失

林若取林則失樹指拳等譬亦如是若取意

界則失六識若取六識則失意界問若然者

云何說十八界答境界依者依分別十八種

三事故說十八界依故依者故境界故依謂

六依眼界乃至意識界依者謂六識界眼識界乃至意識界境界謂六外界若言阿羅漢最後心不生後識非意識者此則不然以餘緣故後識不續如地無種復次因觸故立十八界眼觸三因緣生謂眼色識如是乃至意識器故食故食者故器謂眼界食謂色界食者謂眼識界問應說二十一界二眼二耳二鼻為六舌界身界七心界六外界答

二眼說一界 以二一自故 耳鼻亦如是 二共說一界 為令身端嚴 彼皆不一

雖有二眼而說一界以^{廿一}一自故共^{十五}一四大造故一自見故非一自有二根一識所依故二眼眼識依亦不應二根一識依一入處故一入境界亦俱受一入境界故二眼共取一色以一眼見色則不明了二眼見色則明了二

耳二鼻成一界亦如眼說為莊嚴身故生二眼二耳二鼻以一眼者人不愛敬故是故眼等生二身舌生一如佛世尊雖說種種界悉入十八界中今當次第說

若有諸餘界 世尊契經說 各隨其自性 悉入十八界

若世尊說餘界悉入十八界中以三事故依故依者故緣故如世尊說憍尸迦世有種種界謂諸見以界名說彼悉入法界中若彼說六十二界如多界經說及餘契經以界名說者各隨其義悉入十八界中問界入陰何差別答

界說一切法 彼即十二入 除三無為法 餘則說五陰

一切法說十八界以不離依故依者故緣緣

故彼一切法即說十二入七心界為意入此
即義差別除三無為餘法說五陰積聚勢故
問若一切法說界即是入除三無為說陰
何故世尊三種說答

牟尼觀衆生 欲解根不同 性行愚差別
故說陰入界

衆生三種欲解廣略中廣者為說界中者為
說入略者為說陰輒中上根亦如是恃性憍
逸為說界性義是界義恃財憍逸為說入輸
門義是入義恃命憍逸為說陰以陰死法故
始行者為說界少行者為說入已行者為說
陰愚於色心為說界愚於色為說入愚於心
法為說陰問陰入界有何義答

聚積是陰義 輸門義說入 種性義說界
是三種差別

雜阿毗曇心論卷第一

雜阿毗曇心論卷第一下

鼓二

尊者法救造

宋天竺三藏僧伽跋摩等譯

心界品第二之餘

十一種無量色等總說色陰如庫藏如軍衆

譬如四種軍其類各別名爲軍衆色亦如是

雖有十一同一色相名爲色陰如阿毗曇說

善觀色陰者一極微攝一界一入一陰少分

不善觀者言一極微攝一界一入一陰如色

陰受想行識陰亦如是輸門義說入者通苦

樂故種性義說界者如一山中多有諸性金

性銀性等如是一身中種種性各異故說十

八界問以何等故說十八界十二入五陰不

增不減答

境界依者依 度量法所應 是故界入陰

不增亦不減

界度量所應者六依六依者六緣彼依若增

則非依以無依者故若減則依者無所依故

如是一切入亦以依緣爲量陰者何故染著

色樂受著故何故樂受著想顛倒故何故想

顛倒煩惱相應故煩惱依意意即依意如所

說意緣法生意識離是依更無餘依故已說

界入陰自性及因緣今當廣說界

界中一可見 又說一切界 無記謂八種

餘則善不善

界中一可見者十八界中色界可見可視在

此在彼是故可見復次示人心行是故可見

復次自現故謂眼所行當知十七不可見無

彼相故又說一切界皆可見慧眼境界故如

所說偈彼一切諸法慧者見無我如阿毗曇

說學見迹見四真諦迹故是故十八界一切
皆可見無記謂八種者八界無記謂五情香
味觸無愛不受果可記故說無記餘十界可
記善及不善故謂色聲法界七心界善身動
是善色不善身動是不善色餘色無記如是
聲口動淨心七識界是善無慙無愧相應心
是不善餘則無記法界若心相應如心說若
不相應如雜品說善有四種自性相應共起
第一義自性善者慙愧及三善根相應者即
彼相應心心法共起者即彼所起身口業及
心不相應行第一義者謂涅槃是為四種善
自性不善者無慙無愧三不善根相應者即
彼相應心心法共起者即彼所起身口業及
心不相應行第一義者輪轉危嶮俱相違者
是無記問一切法者十二入即是世尊所記

何故說無記答不以一向不說故名無記善
者記為善不善者記為不善不記善不善故
說無記若因果時則記因果異則無記或有
不說名無記如記論契經說
一切皆當死 是論一向記 一切死復生
是名分別論 若問生殊勝 是名詰問論
衆生五陰異 是名止記論
一向記論者若有問一切衆生悉當死耶應
一向答一切衆生皆悉當死分別論者若有
問一切皆當死復生耶應分別答有煩惱
者死而復生無煩惱者死已不生詰問記論
者若有問人生殊勝不應反問汝方何趣故
問若言方天趣應答言劣若言方惡趣應答
言勝止記論者若有問陰與衆生為異為同
耶應當止何以故以不應故譬如問石女

兒善恭敬不石女無兒何得答言恭敬不恭敬如有陰而無衆生何得有同異耶以不應故不答阿毗曇者說一向記論者若有問如來無所著等正覺耶善說教法耶世尊弟子善向耶色無常受想行識無常耶善分別苦集滅道耶應一向答義饒益故分別論者若言爲我說法應問言法有衆多若過去若未來若現在欲說何法若言爲我說過去法應問過去法亦多或色陰或受想行識陰爲說何者若言色陰應問色陰亦多或善不善無記爲說何者若言善色應問善色有七種不殺生乃至不綺語爲說何者若言不殺應問不殺有三種不貪不恚不癡爲說何者若言不貪應問言不貪有二種作及無作爲說何者如是等論名爲分別記論詰問論者若

有問法應反詰法有衆多汝問何者不爲分別若過去未來現在乃至作無作若軟心者爲分別說若諂曲者則還反問令彼自答是名詰問論止記論者若有問言世有邊耶世無邊耶如是等如虛空華鬘不可記言香與不香是名止記論已說記無記十二有對今當說

十二界有對 一界說少分 十界七有對
 一少分亦然 說境界有對 障礙及與緣
 眼耳鼻舌身界及七心界此十二界說有對
 法界中少分亦說有對謂心法又十色界說
 有對七心界及法界少分亦說有對問此中
 說何等有對答
 說境界有對 障礙及與緣
 三種有對境界有對障礙有對緣有對境界

有對者如施設經所說眼與色對乃至意與法對已說眼界當知已說七心界及法界少分是故當知十二界一界少分是有對五外界法界少分是無對如彼經等說若觀陸則不觀水如是廣說障礙有對者謂各各相對各各處障礙若彼有一則無第二住極微聚故障礙故可分故據處所故當知八無對此中應廣說緣有對者心心法於境界轉應如是言若法境界有對彼法障礙有對耶應作四句或境界有對非障礙有對者七心界及心相應法界或障礙有對非境界有對者五外界或境界亦障礙有對者五內界或非境界亦非障礙有對者法入所攝色無為心不相應行若法境界有對彼緣有對耶謂緣有對是境界有對或境界有對非緣有對謂五

數二

五

內界

有漏有十五 餘二三三有 欲界中有四十一在二有十五界一向有漏五內界五外界五識界漏所生故生漏故漏處故漏於中起故說有漏如道有怖畏與漏俱故說有漏如雜毒食餘二者意界法界意識界此三界二種或有漏或無漏若漏所生是有漏相違則無漏三三有者意界法界意識界三有中可得欲有色有無色有無漏者是不繫雖三界身中得非自性得欲界中有四者香界味界及此境界識非色無色界離搏食欲故三入是搏食性彼亦應無觸者此則不然觸入性有二種或是搏食性或非搏食性者在色界彼無搏食性以身微妙故香味一向搏食性是故彼無

境界無故彼識亦無問彼無香味亦無彼識者鼻界舌界亦應無答具諸根故諸根展轉相持故十一在二有者欲有色有五内界色聲觸界及此境界識此十二非無色界離色性故

有覺有觀五 三行三餘無 有緣當知七

法入說少分

有覺有觀五者五識界有覺有觀麤故乃至梵世非上地三行三者三界三種意識界心相應法界欲界及初禪有覺有觀禪中間無覺有觀上地及一切不相应法界無覺無觀問有覺有觀地法有四種或有覺有觀無覺有觀無覺無觀非有覺有觀非無覺有觀非無覺無觀云何有覺有觀答曰欲界及初禪除覺觀諸餘心心法云何無覺有觀答

註二

六

曰覺云何無覺無觀答色心不相应行云何非有覺有觀非無覺有觀非無覺無觀答曰觀餘無者謂餘非有覺非有觀無緣故有緣當知七法入說少分者七心界說有緣有此緣故故曰有緣如人有子謂之有子法界少分有緣者心法少分無緣者非心法謂眼識及相應法緣色乃至身識及相應法緣觸意識及相應法緣一切法謂以一切法為境界耳非攀緣義上眼身識亦同此九不受餘二 為無為共一 一向是有為當知十七界九不受者九界不受受名若色現在根數及不離根若此斷壞破裂逼迫心心法受於彼止住故異則不受謂九界不受七心界聲界法界無斷壞故餘二者五内界現在是受起

斷等知故過去未來是不受心心法不住故
色香味觸若現在及不離根是受如心心法
根中止住彼中亦爾不離根故為無為共一
者一法界有為無為於中三種常故無為餘
法無常故有為是故為無為共一一向是有
為當知十七界者十七界無常故一向有為
生滅故三有為相所成故有因故墮陰故墮
世故輒中上故與上相違是無為
有罪及有報 染汙及隱沒 修習則有十
一界中有見 亦說有心法 一界是見性
七心界色聲法界二種或有罪或無罪穢汙
是有罪不穢汙是無罪如有罪如無罪如是
染汙隱沒亦如是五識界色界聲界若善不
善是有報若無記是無報意識界法界
若不善善有漏是有報若無記無漏是無報

問以何等故不善善有漏是有報無記無漏
是無報答譬如外種三事和合生有種堅實
溉之以水覆以草土自性眾具力故芽葉得
生有種雖堅實不以水溉不草土覆眾緣不
具故芽葉不生有種不實雖溉以水覆以草
土自性不實故芽葉不生如外種三事差別
如是內因緣起亦三事差別如初種如是不
善善有漏法堅固溉以愛水覆以餘結以自
性眾緣力故有芽得生如第二種如是無漏
法堅固無愛水溉及餘結覆因緣不具故有
芽不生如第三種如是無記法雖溉以愛水
覆以餘結自性不實有芽不生修習則有十
者七心界色聲界善者修不善無記者不修
法界善有為修不善無記及數滅不修問以
何等故不善無記及數滅是不修答為愛果

故修不善無記無愛果故不修數滅性是果不相續生故不修當知八界無罪無報無染汗無隱沒不修一界中有見者法界中有八種見身見等五見世俗等見學見無學見見者觀視故決定故堅受故緣深入故如陰夜見色穢汗慧見法亦如是如晴夜見色世俗等見亦如是如陰晝見色學見亦如是如晴晝見色無學見亦如是亦說有心法者即此法界有心法謂受想等有此心法故說有心法當知十七界及一界少分非心法一界是見性者一界是見性謂眼界能視故當知十六界及一界少分非見問云何見為眼見為眼識見為眼識相應慧見為和合見彼何所疑一切有過若言眼見者餘識俱時何故不見何故不俱得一切境界若言眼識見者識

相非見相無眼者亦應見若言眼識相應慧見者復以耳識相應慧聞耶若言和合見者此則不定或時眼識二十二法或二十一法或十二答
 自分眼見色 非彼眼識見 非慧非和合
 不見障色故
 自分眼見色是故餘識俱時則不見以餘識俱空眼現在前非自分故以是因故不俱得一切境界自分諸根不俱識住根故名自分無有二識俱行無第二次第緣故問若眼識識不見色者是則識見非眼見眼復何用答識成彼則成彼非分則因非分故如受不離想想不離受彼亦如是若眼識見者誰復識耶若慧見者誰復知耶若和合見者此等諸法事業各異其義有間則無和合若和合見

者則應有二決定自法是義不然若眼識見者應見障色以無對故慧及和合亦復如是以眼識無對不識障色謂不見者不然應分別故分別者應言何故眼識不識障色應說眼一境界轉故是故眼識不識障色眼有對故眼有對故不見障色是故眼識不識識應有二自性若識若見餘亦如是又復眼識見者何故不識已知眼識不識障色復應知眼一境界轉故當復說礙有對依故不識障色者不然有無對依故眼識二種依眼及次第滅意若有對依故不見障色無對依應見障色異說有過眼是不共依意是共依不見障色者不然依者於色等相非分亦非眼是色故眼識是色亦非眼無緣故無緣亦非眼不相應故不相應如是等皆有過復次意亦是

不共依若依意眼識生未曾依彼餘識生心一一相續轉故是故意亦是不共依見識無間識即見者不然四種不壞故世尊說見聞覺識四種不壞若識即見者唯聞覺識三種見即識故不如是是故當知眼見識用分別建立四種者不然不見障色先已說過識見有間名義各異眼光照名為見心隨分別名為識若復言眼見彼應稱眼量者彼自生過識無限量故識無限量世尊所說如世尊說眼有見而謂識見者不然如言意識法復有餘法於中識耶若言即意識法者當知眼亦如是如所說梵志眼是門為見色者此見之異名汝於所說妄解心心法無方處而言出入者不然即彼契經說意是門為識法故更無異法於中識法是故眼中即見從眼識非見至此凡

七章初詰問辯非餘六章辯析釋識等非見
抑異人叙其所執終則檢實罰違以成已義
也

極微數有十 九界四大造 二界說少分
內界說十二 此即是根性 一界中有根
極微數有十者十色界是極微聚有分故覆
障故大礙故據處所故當知八界非極微聚
九界四大造者除觸界餘九色界四大造四
大所生故四大因故四大與此諸界五因生
生因依因建立因養因長因二界說少分者
二界當分別觸界法界或四大造或非四大
造觸界中四大性非四大造七種造色四大
造法界中身業口業四大造餘法界非四大
造七心界非四大造十一種四大眼入所依
乃至法入所依非意入造色亦十一種眼入
乃至法入非意入或有說眼入所依四大生

敬二

十一

眼入餘亦如是復有說者眼入所依四大生
三入眼入身入觸入如是乃至舌入所依是
中差別者說自根身入所依生二入身入觸
入色聲香味入所依亦如是觸入所依唯生
觸入又復作是說一切四大生色聲一切欲
界色不離香味法入所依亦如是眼入所依
生七入眼入身入及五境界如是乃至舌入
所依身入所依生六入除眼等四根法入所
依亦如是色入所依生五入乃至觸入所依
亦如是復有說者眼入所依生十一入乃至
法入所依亦如是於此四大因緣分別異相
四大起異相造色應作四句有同相四大起
異相造色有異相四大起同相造色有異相
四大起異相造色有同相四大起同相造色
云何同相四大起異相造色謂觸相四大起

十一種造色云何異相四大起同相造色謂堅濕煖動相四大起觸相造色云何異相四大起異相造色謂堅濕煖動相四大起十一種造色云何同相四大起同相造色謂觸相四大起觸相造色問四大造色何差別答四大是因造色是果堅濕煖動相是四大若色因四大生而無四大相彼是造色復次不可見者四大可見不可見者造色如是等說內界說十二者內五色界及七心界此十二是內界當知六界是外問法故說內人故說內耶若法故說內者一切法無自若人故說內者法無有人答法故說內但非一切法心心法所依故說內彼境界亦依亦依者彼五色界是依非依者心法雖是依者而非依餘非依亦非依者此即是根性者即此十二說根

敬二

十二

一界中有根者法界中十一法是根餘者非根當知五外界及一界少分非根分餘分十七 一界說有分 十七界墮世一少分三業分餘分十七者除法界餘界說有分及餘有分彼眼界有分者三種世分別故過去已見色現在今見色未來當見色餘有分者四種過去不見色已滅現在不見色而滅未來世二種謂不生法及生法生法者不見色當滅餘色界亦是七心界若未來不生法彼餘有分餘者是有分一界說有分者法界一向是有分非餘有分以一切法界意識境界故若言餘界亦應非餘有分者此則不然彼不以意識故立有分餘有分謂眼見色是有分不見色是餘有分謂色眼所見是有分所不

見是餘有分差別者若眼是一有分餘一切亦有分若一餘有分餘一切亦餘有分色若見者是有分非餘耳鼻舌身聲香味觸亦如是第一義如眼說俗數如色說問頗共有法或有分或餘有分耶答有十色入或餘有分^{十二}彼生等相是有分法界攝故若不生法意是餘有分彼相應共有法是有分法界攝故問有分餘有分有何義答有分時說有分問眼界有二種有業及無業分彼有業分爲無業分所分故說有分彼無業分亦爲有業分所分故亦說有分二分俱得有分相問何等分數名分答無業分爲有業分所分故說餘有分何以故得有業分力故如人有子彼亦如是十七界墮世者十七界墮三世事故說三世或過去或未來或現在若起已滅是過去

若未起是未來已起未滅是現在復次若未作是說未來若作是說現在若作已滅是說過去一界當分別法界若有爲墮三世若無爲則不墮世三業者三界有業謂色聲法界色界身作是業餘色界非業聲界口作是業餘聲非業法界身口業及思是業餘法界非業業相業品當廣說

非學非無學 當知十五界 彼悉修道斷餘界俱三種 於彼三界中 說持戒犯戒非學非無學當知十五界者十色界五識界是非學非無學有漏故即此諸界修道斷智對治故餘界俱三種者餘三界意界法界意識界俱三種或學或無學或非學非無學或見斷或修斷或無學斷相應意是學謂苦法忍乃至金剛三昧相應意是學無學相應意

是無學謂盡智無生智及無學等見相應意
 是無學非學非無學相應意是非學非無學
 謂善染汙無記善有三種方便得離欲得生
 得染汙有二種不善及隱沒無記無記有四
 種威儀工巧報生變化如意界意識界亦如
 是法界或學或無學或非學非無學謂學身
 口業受想行陰是學此即無學法界所攝有
 漏身口業受想行陰及無為是非學非無學
 學無學義業品當廣說此三界忍對治是見
 斷智對治是修斷無漏是無斷見斷修斷義
 使品當廣說於彼三界中說持戒犯戒者謂
 色界善身作是持戒不善身作是犯戒聲界
 是口作法界唯無作持戒犯戒相業品當廣
 說
 十七說有上 一界說二種 果有果十七

一三覺所說

十七說有上者除法界彼十七界有上有為
 故一界說二種者法界或有上或無上有為
 法界及虛空非數滅是有上數滅善故常故
 說無上果有果十七者除法界餘十七界是
 果有果以有為法性劣展轉相因生故一三
 覺所說者法界有三種或果非有果或果有
 果或非果非有果果非有果者數滅果有果
 者有為法界非果非有果者虛空非數滅
 三界三種緣 一依亦復然 五一或分別
 餘緣唯說一
 三界三種緣者眼耳意識界三種緣善不善
 無記一依亦復然者意識界所依亦三種善
 不善無記五一者五識依一種或分別者謂
 俱起五根及次第滅意若取俱起依則一無

記以五根唯無記故若取次第滅意則三種以意界善不善無記故復次眼識依分次第緣分應作四句或依分非次第緣分或次第緣分非依分或依分亦次第緣分或非依分非次第緣分依分非次第緣分者眼識俱起眼根次第緣分非依分者彼次第滅心法依分亦次第緣分者次第滅意非依分非次第緣分者除上爾所事乃至身識依亦如是問意識依是次第緣耶答曰如是意識依是次第緣頗次第緣非意識依耶答意識依相應心法問若眼識以意界為依者何故名眼識不名意識耶答眼是不共依故如種芽如鼓聲眼是眼識不共依意是共依以六識身展轉次第緣生故餘緣唯說一者鼻舌身識界此三界唯緣無記以香味觸一向無記故意

界即六識身離是無餘故不記法界若心相應如心說

若眼隨生見 耳界隨生聞 三界隨生覺
意界隨生識

若眼隨生名為見耳隨生名為聞三事隨生名為覺意隨生名為識彼三界以方便得離欲得修得神通性四支五支定果是故彼隨生各別建立餘三隨生無彼相分故共建立一問覺有何義答

境界唯無記 覺心於中轉 隨生三種識

是則名為覺

香味觸一向無記無記故說覺是故隨生三識名為覺

二境不近受 遠近境界一 餘一向近受
依及境界等

二境不近受者眼識耳識不近受境界如逼
 眼色不見故耳亦如是逼則不聞雖深在內
 而遠聞外聲若言遠亦不見聞者此則不論
 意識者遠近境界悉受除自己及相應共有
 餘一切法悉受餘一向近受者鼻舌身識近
 境界依緣無間故依及境界等者謂鼻識舌
 識身識此三識依取等境界鼻根香微均而
 生識舌身根微亦如是謂根塵合處乃生識
 二界說不定 一界境亦然 五界依或俱
 一界依說遠
 二界說不定者眼識耳識依緣俱不定眼識
 界或依大而緣小如見毛端或依小而緣大
 如見山或依緣等如見蒲萄果耳識亦如是
 一界境亦然者意識境界不定境界或大或
 小一切法境界故依無形故大小不可說離

意界六識無別體故不說心法如心說五界
 依或俱者五識身或與依俱者謂五根遠
 者次第滅意一界依說遠者意識界依說遠
 謂彼次第滅意
 十一界有二 六三一四種 事及長養報
 剎那與依種
 十一界有二者五內界聲界五識界二種六
 三者色香味觸意識界此六界三種一
 四種者法界四種問云何種說二三四答事
 及長養報剎那與依種彼眼界二種報及長
 養彼報生者善不善業報果三惡道是不善
 業果人天是善業果眼及眾具梵行正受所
 長養故是長養無別依性故不說依剎那事
 亦爾如眼耳鼻舌身界亦如是聲界亦二種
 長養及依問何故聲非報答現在方便生故

聲者現在方便生報者前業所起聲者隨欲
 生報非隨欲生復次聲聲有間報報無間若
 聲是報者應如色一切時不斷而聲有斷是
 故非報五識界報生及依色香味觸界三種
 報依長養意識界三種報依剎那剎那者苦法
 忍俱生意界意識界亦是法界四種報剎
 那依事彼報者善不善業報果剎那者苦法
 忍眷屬依者除苦法忍眷屬餘善有為法界
 除報餘不隱沒無記有為法界染汙法界無
 為法界唯有事

生身眼色界 自地及他地 若彼眼識生
 自他地亦然
 生欲界欲界身欲界眼欲界色欲界眼識生
 如是生初禪地初禪地身初禪地眼初禪地
 色初禪地眼識生是名自地他地者生欲界

十八

初禪地眼見欲界色彼欲界身初禪地眼欲
 界色初禪地眼識生見初禪者彼欲界身初
 禪地眼色初禪地眼識生欲界二禪地眼
 見欲界色彼欲界身二禪地眼欲界色初禪
 地眼識生見初禪地者彼欲界身二禪地眼
 初禪地色初禪地眼識生見二禪者彼欲界
 身二禪地眼色初禪地眼識生欲界三禪
 地眼見欲界色彼欲界身三禪地眼見欲界
 色初禪地眼識生見初禪者彼欲界身三禪
 地眼初禪地色初禪地眼識生見二禪者彼
 欲界身三禪地眼二禪地色初禪地眼識生
 見三禪者彼欲界身三禪地眼色初禪地眼
 識生欲界四禪地眼見欲界色彼欲界身
 四禪地眼見欲界色初禪地眼識生見初禪
 者彼欲界身四禪地眼初禪地色初禪地眼

識生見二禪者彼欲界身四禪地眼二禪地
色初禪地眼識生見三禪者彼欲界身四禪
地眼三禪地色初禪地眼識生見四禪者彼
欲界身四禪地眼色初禪地眼識生如說生
欲界乃至生第四禪亦如是有差別者謂下
地眼不見上地色生上地下地眼不現在前
眼界如前說 鼻舌界自地 身觸即地說
意識則衆多

眼界如前說者如前說眼識耳識亦如是鼻
界說自地者生欲界欲界身欲界鼻欲界香
欲界鼻識生舌界亦如是身觸即地說者身
識有差別故生欲界欲界身欲界觸欲界身
識生初禪亦如是生二禪二禪身觸初禪地
身識生以覺自地觸故非他地生第三第四
禪亦如是意識則衆多者或自地意自地法

自地意識生或他地彼自地者生欲界欲界
意欲界法欲界意識生乃至生有想無想處
亦如是他地者生欲界正受時欲界善心次
第初禪正受起彼欲界意初禪地意識生法
或三界繫或不繫初禪次第欲界善心現在
前彼初禪意欲界意識生法或三界繫或不
繫初禪次第第二禪正受彼初禪意二禪意識
生法或三界繫或不繫如是第二禪初禪初
禪第二禪初禪第三禪第三禪初禪乃至有
想無想處逆順次第超越應廣說有差別者
此正受爲意界彼正受爲意識若禪爲意識
者法或三界繫或不繫若無色爲意識者彼
法自地上地及不繫又復正受淨初禪次第
欲界初禪果變化心現在前彼初禪意欲界
意識生法者欲界化即彼欲界初禪果次第

淨初禪現在前彼欲界意初禪意識生法或
 三界繫或不繫乃至第四禪亦如是生者彼
 欲界没生初禪地彼欲界意初禪地意識生
 法或色無色界繫或不繫初禪地没生欲界
 彼初禪地意欲界意識生法或^二三界繫或不
 繫乃至有想無想處亦如是彼没者是意受
 生者是意識但彼法自地上地及不繫
 若彼得眼界 或彼所依識 二俱得不得
 亦色及與捨
 若彼得眼界者或眼界不成就得成就非眼
 識界謂無色界没生第二第三第四禪生欲
 界漸得眼根或彼所依識者或眼識界不成
 就得成就非眼界謂上三禪地没生欲界及
 初禪若即住彼眼識現在前二俱得者或眼
 及眼識界俱得謂無色界没生欲界及初禪

俱不可得者非眼界不成就得成就亦非眼
 識界不成就得成就謂生欲界不失眠根及
 梵天上若命終生梵天及欲界第二第三第
 四禪没生第二第三第四禪無色没生無色
 界亦色者若色界不成就得成就彼即眼界
 不成就得成就或眼界非色界者生欲界漸
 得眼根若色界不成就得成就彼眼識界耶
 應作四句色界不成就得成就非眼識界者
 無色界没生上三禪中眼識界不成就得成
 就非色者即彼三禪没生欲界及初禪若即
 住彼眼識現在前^三色界不成就得成就亦眼
 識界者無色界没生欲界及初禪非色界亦
 非眼識界者除上爾所事及與捨者如說得
 捨亦如是廣說
 色界二識識 乃至觸亦然 諸餘十三界

一向意識緣

色界二識識者謂色界二識識眼識及意識
眼識界自相意識界自相及共相乃至觸亦
然者聲界二識識耳識及意識耳識界自相
意識界自相及共相乃至觸界二識識身識
及意識身識自相意識自相及共相以五識
身自相境界故不思惟故現在境界故一念
故諸餘十三界一向意識緣者五色根七心
界及法界此十三界一向意識識自相及共
相此意識二種壞緣又不壞緣不壞緣者即
此十三界緣壞緣者十三與五境界一一合
緣乃至十八界總緣
思惟識三種 是意欲有中 色無色分別
一種謂餘界
思惟識三種是意欲有中者欲界意識有三

種思惟自性思惟隨憶思惟分別思惟彼自
性思惟者謂覺也隨憶思惟者意地念也分
別思惟者意地不定慧也此三思惟欲界意
識思惟也色無色分別者色無色界意識或
三種謂初禪地不定入定者二不定者三三
禪意識不定者二除自性思惟若定者一隨
憶思惟有說無色界無不定者彼唯一種隨
憶思惟若說有不定者定者一不定者二一
種謂餘界者五識身說餘唯有自性思惟不
利故問如是分別法相已云何攝法為自性
為他性答自性註二何以故
諸法離他性 各自住已性註三故說一切法
自性之所攝
諸法離他性者眼界離十七界異性故餘界
亦如是不應說若離性是攝以異相故故說

自性之所攝非他性各自住已性者一切性各住自相此性非他相故應說若住者是攝非餘故說一切法自性之所攝攝義謂自性自性不空非餘如色色不空又復說相持義是攝如契經說如樓觀中心衆材所依爲樓觀之最如所說如線持衣如戶樞持扇如斧持薪或說方便攝如所說此五根慧爲首謂攝故或說和合攝謂四攝事能攝衆或說隨順攝如所說等見等志等方便是慧身或說攝取故名攝謂和上以財法攝此等世俗言說非究竟攝自性自性攝者是究竟第一義三段攝此中說者是自性攝如是自性攝不捨第一義故已說自性攝眼界攝一界一入一陰不攝十七界十一入五陰復次右眼攝右眼左眼攝左眼右眼二種長養及報長養

註二

二十三

攝長養報攝報報復二種善業報不善業報善業報攝善業報不善業報攝不善業報不善業報三種謂三惡趣畜生攝畜生餓鬼地獄亦如是善業報二種謂人天人攝人天攝天過去攝過去未來現在乃至刹那攝刹那界中說一界 陰入亦復然 如是陰入界則攝一切法 一界者法界一入者意入一陰者色陰也

雜阿毗曇心論卷第一

音釋

嶮 虛儉切 與險同 詰 去吉切 擗 度官切 以 漑 古代切 漑 徒刀切 也 苟 切

雜阿毗曇心論卷第二

鼓三

尊者法救造

宋天竺三藏僧伽跋摩等譯

行品第三

已說諸法相住法生今當說若以諸法攝自

性謂以自力生者不然何以故

至竟無能生用離等侶故一切眾緣力

諸法乃得生

至竟無能生用離等侶故者諸行自性羸劣

不能自生問若不自生當云何生答一切眾

緣力諸法乃得生如人船相假得渡彼岸彼

心心法展轉力生攝受境界亦如是先當說

心心法由伴生

若彼心起時是心必有俱諸心法等聚

及不相應行

諸行展轉相因生彼心若依若緣若剎那生
彼心法等聚生問云何心法等聚答

想欲及觸慧念思與解脫憶定及與受

此說心等聚

想者於境界取像貌欲者於緣欲受觸者於

依緣心和合生觸境界慧者於緣決定審諦

念者於緣記不忘思者功德惡俱相違造作

轉心解脫者於緣作想受彼限量是事必爾

憶者於緣發悟定者受緣不亂受者可樂不

可樂俱相違於境界受

一切心生時是生聖所說同共一緣行

亦復常相應

此十法一切善不善無記心俱生大地可得

故說大地同共一緣行者一切心同一緣轉

不相離無二決定亦復常相應者展轉共俱

及與心俱常相應辦一事故問相應有何義
答等義是相應義問心法或多或少云何等
義是相應義答事等故若一心中一想二受
者非相應義以一心一想生餘心法亦爾以
是故等義是相應義復次時依行緣等義是
相應義時等者一刹那時生故依等者若心
依眼生心法亦爾行等者若心行青生心法
亦爾緣等者若心緣色生彼亦緣色是故說
常相應已說心法通一切不通今當說
諸根有慙愧 信猗不放逸 不害精進捨
一切善心俱
諸根者二善根不貪不恚心於生及資生具
壞貪著名不貪於衆生數及非衆生數壞瞋
恚名不瞋恚於諸過惡自厭名為慙於諸過
惡羞他名為愧於三寶四諦淨心名為信身

心離惡名猗息作善方便離惡不作名不放
逸不逼迫他名不害斷起未起惡生起未起
善欲方便慙修不息名精進心平等名為捨
此善十法通一切善心中若有漏無漏五識
相應意識相應故說善大地已說善大地煩
惱大地今當說
邪解不正憶 不順智失念 不信懈怠亂
無明掉放逸
顛倒解名邪解邪受境界名不正憶顛倒決
定名不順智邪記忘受名失念於三寶四諦
不淨心名不信不斷起未起惡不生起未起
善不勤方便名懈怠境界所牽散隨諸緣名
為亂前際等不知名無明躁動不息名為掉
離作善方便名放逸
煩惱大地十 一切穢汙心 無慙及無愧

說不善大地

煩惱大地十一切穢汙心者此邪解脫等十法一切染汙心俱謂欲界色界無色界五識身意識地是故說煩惱大地問睡亦一切穢汙心俱何故不立煩惱大地答順正受故謂衆生睡速發定是故不立若大地彼煩惱大地應作四句或有大地非煩惱大地謂受想思觸欲或煩惱大地非大地謂不信懈怠無明掉放逸或大地亦煩惱大地謂憶解脫念定慧或非大地非煩惱大地除上爾所事已說煩惱大地不善大地今當說無慙及無愧說不善大地謂於諸過惡不自厭名無慙於諸過惡不羞他名無愧此二法一向不善一切不善心相應故是故立不善大地中已說不善大地小煩惱大地今當說

忿恨誑慳嫉 惱諂覆高害 如此諸煩惱

說爲小大地

於饒益不饒益應作不作非作反作瞋相續生名爲忿於可欲不可欲應作不作非作反作忿相續生名爲恨爲欺彼故現承事相名爲誑於財法惜著名爲慳於他利恭敬名譽功德不忍心忌名爲嫉不欲事會所欲事乖思惟心熱名爲惱覆藏自性曲順時宜名爲諂爲名利故自隱過惡名爲覆妨他姓族財富色力梵行持戒智慧正業心自舉恃名爲高欲逼迫他名爲害此十法說小煩惱大地不通有故修道斷非見道斷在意地非五識非一心俱生行各異故有一則無二問大地善大地煩惱大地不善大地小煩惱大地何差別答大地四種善不善隱沒無記不隱沒

無記善大地唯善煩惱大地二種不善及隱沒無記不善大地唯不善小煩惱大地中誑諂高二種不善及隱沒無記餘一向不善不善心品中心法二十一 欲三見一減二見除三種

不善心品中心法二十一者不善謂欲界煩惱相應除身見邊見轉成不愛果故名不善不善有八種貪恚慢疑邪見見取戒取不共及彼相應無明彼貪恚慢疑心二十一法共生十大地及懈怠等十法謂懈怠無明不信放逸掉睡覺觀無慙無愧欲三見一減者欲界邪見見取戒取彼相應心二十法共生除慧二見除三種者欲界身見邊見彼相應心十八法共生除慧及無慙無愧餘如前說除無慙無愧一向不善故無兩慧使見即慧故

鼓三

五

欲善二十二 不共有二十 無記說十二 悔眠俱即增

欲善者謂欲界淨心轉成愛果有三種生得及聞思彼心二十二法共生十大地十善大地覺觀不共有二十者不共名彼心獨一無明煩惱二十心法共生除一煩惱無記說二者欲界不隱沒無記心四種報生威儀工巧變化心彼四種無記心十二心法共生十大地覺觀悔眠俱即增者心追變名為悔是善不善無記心品中增悔餘如前說當知悔三種善不善及不隱沒無記非餘自力故毗婆沙者不欲令悔有無記以悔捷利故眠名身心昏昧略緣境界名為眠彼一切五品心俱生即彼心品增眠若悔眠俱生於三品中增二問此說欲界心色界復云何答

初禪離不善 餘知如欲有 禪中間除覺
於上觀亦然

初禪無不善彼有四品心善不共隱沒無記
不隱沒無記此諸心品除無慙無愧餘如欲
界說彼善品二十二愛慢疑俱生十九五見
及不共俱生有十八不隱沒無記十二無慙
無愧一向不善故彼色無色界無悔眠亦爾
禪中間除覺餘如初禪說於上觀亦然者第
二第三第四禪及無色界無觀已說心心法
伴力生色今當說

極微在四根 十種應當知 身根九餘八
謂是有香地
極微在四根十種應當知者四根十種極微
共生四大色香味觸眼根身根耳鼻舌根亦
爾身根九者謂餘身根有九種彼唯有身根

數三

六

種餘如前說餘八者離根色香味觸極微八
種問此諸極微何界說答謂是有香地欲界
中極微與香合香味不相離有香則有味色
界極微非搏食性故離香味色界四根極微
八種餘身根極微七種外極微六種問若眼
根極微十種者云何不眼即是色即是餘種
如是則法性雜亂與阿毗曇相違阿毗曇說
眼根一界一入一陰攝答二種極微事極微
聚極微事極微者謂眼根極微即眼根極微
餘極微皆說自事極微故阿毗曇說眼根一
界一入一陰攝聚極微者衆多事此中說聚
極微住自相故法相不雜亂如心相應法其
相各異非爲雜亂彼亦如是四種遠義比品
後當說問前說若心生必心法共生及不相
應行於中已說心法心不相應行云何答

一切有為法 生住及異滅 此亦有四相
展轉更相為

一切有為法生住及異滅者一切有為法有
四相生住異滅世中起故生已起自事立故
住已住勢衰故異已異勢壞故滅此相說心

不相應行問若一切有為法有四相者應相

復有相答此亦有四相即此相俱生生生住

住異異滅滅問若爾者便無窮答展轉更相

為相隨相展轉相生非無窮前生生生生生

生生前生如是住住住各各相住異異異各

各相異滅滅滅各各相滅問相隨相展轉相

為前相為幾法答

當知前四相 相各為八法 隨相亦應知

相相唯一相

前四相一一為八法前生除自己生八法三

相四隨相及彼法住者除自己住八法異者
除自己異八法滅者除自己滅八法三相四
隨相及彼法自性不自為故自性不自滅如
指端不自觸問隨相為幾法答隨相亦應知
相相唯相一此四隨相各為一法隨生生前
生隨住住前住隨異異前異隨滅滅前滅已
說諸行展轉相生如一時生不亂今當說
異性相說遠 處所時亦然 戒種及大地
諸識性分別
異性相說遠處所時亦然者遠有四種所謂
異性遠相遠處所遠時遠問何等遠法答所
謂戒種及大地諸識性分別彼異性遠者謂
如一身中善戒惡戒無作相續生雖於一身
中一時起同無作性而性各異故說遠相遠
者如四大種展轉相養共一處住合為一體

其相各異故說遠處所遠者如天竺震旦地雖一時生合成一體然彼處異故說遠時遠者如眼生眼識彼後生前生時聞遠故說遠已說諸行一時生不亂諸行從因生彼因今當說

所作共自分數三一切相應報 從是六種因

轉生有爲法

謂所作因共有因自分因一切徧因相應因報因此六因攝一切因此六因生一切有爲行已說因名一一相今當說

相似不相似 各除其自性 一切是作因生時無障故

相似不相似各除其自性一切是作因者若相似不相似法除自性展轉爲因說所作因何以故生時無障故法生時除自性一切性

各自住異分等生不障礙如因地故作淨不淨業因空故得往來如眼識生時十七界不障礙故生如是一切界問何以故自性於自性非所作因答自性不自爲故不自依故自性於自性不養不損不受不害不持不懷不增不減不成不敗不障礙名所作因自性於自性無不障礙故不立所作因問若不障礙是所作因者以何等故不一切法一時生耶一時滅耶生時滅耶滅時生耶答不和合故雖有所作因要須數三和合生亦非一切法一時和合生和合滅亦非一和合二果問若如是者有一殺衆生餘衆生不爲障礙何故殺者有罪非餘衆生耶答無惡心分又不作業故盜等亦如是問若外物是一切衆生增上所生者何以故不與取不於一切衆生邊得盜

罪答無受分故無人功果故若一切衆生於彼悉有受分及人功果者取者於彼則得盜罪亦非一物一切衆生受及人功果三種增上自增上法增上世增上自增上者彼起煩惱境界現在前能自守護不爲罪業莫令我受苦法增上者如有多聞者彼起煩惱境界現在前爲護法故而不爲罪世增上者如有一名聞大德彼起煩惱境界現在前護世間故而不爲罪已說所作因共有因今當說一起性有依 亦復說無依 當知共有因展轉爲因果

一起性有依亦復說無依當知共有因者一時生心心法隨心轉心不相應行道共定共戒及共生四大此諸法說共有因展轉爲因果者若一時起展轉爲果是共有因十一入

雖一時生彼不展轉爲果自分因者異時共一果共有因者諸行展轉力一時生如心於心法隨心轉心不相應行隨心轉色此亦於心也眼於生等生等於眼及四大種展轉共有因有對造色非展轉果故非共有因問隨轉有何義答若有心則有彼法如下則下中則中上則上如是比彼有十隨轉所謂一起一住一滅一果一依一報善則善不善則不善無記則無記墮一世生已說十種隨轉於中有漏斷結道八種隨轉除不善無記世俗方便道解脫道勝進道及餘善有漏心七種隨轉除不善無記及解脫果無漏斷結道七種隨轉除不善無記及報無漏方便道解脫道勝進道六種隨轉除不善無記解脫果及報不善心七種隨轉除善無記及解脫果無

記心六種隨轉除善不善解脫果及報有共有亦共有因有共有非共有因彼眼於八法共有亦共有因謂四相四隨相相於眼共有共有因隨相於眼共有非共有因生於八法共有共有因除生自性眼及餘相隨相生此五法於生共有共有因餘隨相共有非共有因如是餘相隨相亦如是乃至觸入亦如是意入於五十八法共有共有因謂十大地大地相四十意入相隨相八法於餘共有非共有因有五十四法於意入共有共有因除四隨相又說十四法於意入共有共有因謂十大地心相四餘八十四法共有非共有因地亦如是說五十四法於心共有共有因除心隨相是說為善若異此者與眾事分阿毗曇相違故如彼說除身見等法生住異滅諸

數三

十一

餘穢汙苦諦如是一切法盡當知已說共有因自分因今當說
前生與後生 亦說彼未生 自地相似因 或說於他地
前生與後生者謂過去前生於過去後生及現在自分因問為已生已生因復未生因耶答亦說彼未生未生者謂未來如是前生後生因當知過去現在於未來自分因未來於未來無自分因無前後故問云何一切前生於後生未生自分因為不答自地欲界欲界因非他地乃至非想非非想非想非非想地因非他地何以故因果斷地故問云何一切自地一切自地因為不答相似自分因自地亦相似相似自分因非不相似如善善因穢汙穢汙因無記無記因以相似相似法相續

如習善生善習不善生不善習工巧生工巧習威儀生威儀是說內分外分隨種生亦如是問一向自地自分因復爲他地耶答或說於他地他地當分別若無漏法一切九地展轉因離愛故不墮界故下與勝因非勝下因有漏者愛縛故墮界故唯自地已說種種自分因謂善法非一切善法因今當說

穢汙有九種 展轉更相因 謂受生所得方便生非下

穢汙有九種者此染汙九種下下乃至上上展轉更相因以展轉相續現在前故及彼彼受生一切頓得故問穢汙九種展轉相因餘者復云何答謂受生所得若受生得善彼亦九種展轉相因問方便生者復云何答方便生非下若方便生謂聞思修生彼於等及增

卷三

十二

因非下如下下因乃至上上因上上唯上上因乃至非下因復次聞聞因思因修因復次思思因及修因非聞因以下故修唯修因非餘以下故復次修慧四種煖頂忍世間第一法彼煖法四種因頂三忍二世間第一法唯世間第一法因非餘此說善有漏法不隱沒無記四種報生威儀工巧變化心彼報生四種因威儀三工巧二化心唯化因是說有漏無漏法者苦法忍苦法忍因乃至無生智因無生智唯無生智因非餘已說自分因如此自分因受果與果今當說
善等自分因 受果而不與 或與而不受 或俱不俱說
有善自分因受果而不與應作四句受而不與者謂善根斷時最後捨得或與而不受者

謂善根續生時最初生得或俱者不斷善根
餘自性住俱非者除上爾所事復次穢汙受
而不與者謂當得阿羅漢果時穢汙得最後
捨與而不受者阿羅漢果退時最初得俱得
者未離欲餘自性住俱非者除上爾所事已
說無緣有緣法受而不與者善心次第穢汙
及無記心現在前與而不受者穢汙及無記
心次第善心現在前俱者善心次第善心現
在前俱非者除上爾所事穢汙及無記心亦
如是說已說自分因一切徧因今當說

苦集於自地 疑見及無明 說一切徧因
諸煩惱前起

苦集於自地疑見及無明說一切徧因者長
養境界故一向決定故二種使故一切煩惱
苦集諦攝故見苦集所斷煩惱種見疑即彼

相應無明及不共無明此諸使不慙方便亦
熾然故及徧煩惱故說一切徧因斷知分別
故界分別故自地非他地問為誰徧因為何
分是徧因答諸煩惱前起過去過去現在未
來一切徧因現在未來一切徧因又復諸煩
惱心相續生如我見審爾計著以見力故起
常審爾計著誇真諦相受第一及清淨於諦
猶豫貪恚癡慢等諸過差別生如是一切一
切徧應當知一切徧使品當說已說一切徧
因相應因今當說

謂同一行法 一依亦一時 及一境界轉
是說相應因

若行若依若時若境界心轉即彼行彼依彼
時彼境界受等心法轉若彼心法轉即彼心
轉性羸劣故展轉力生如束蘆是故說心於

心法相應因心法於心法及心因非心於心因何以故三事故無一刹那二心俱生前心不待後心一切諸法自性不自顧色心不相應行無相應因無緣故已說相應因報因今當說

不善善有漏 故三 三世之所攝 十四 以彼有報故說名為報因

若善有漏及不善墮三世行於生死中生生相續果報生謂善愛果不善不愛果有業一入果報生謂命根若得意入則二入謂意入法入觸入亦如是若得身入則三入謂身入觸入法入色香味入亦如是若得眼入則四入謂眼入身入觸入法入耳鼻舌入亦如有業或五六七八九十十一入報以業種種故當知果報亦種種如外種種果亦種種

如稻甘蔗蒲萄等非種種者如薺麥等當知內緣起亦如是有一世業二世報無三世業一世報果不滅因故如是一刹那業多刹那果非多刹那業一刹那果欲界一陰報因得一果謂得也二陰報因得一果謂身業口業四陰報因得一果謂善不善心心法色界一陰報因得一果謂得及無想正受二陰報因得一果謂初禪作色四陰報因得一果謂無隨轉業善心心法五陰報因得一果謂有隨轉業善心心法無色界一陰報因得一果謂得及滅盡正受 故三 四陰報因得一果謂善心心法一業種一身種類非多謂現報業等各別故與阿那律陀契經相違者不然彼說初故如是說一施報故生大姓家生識宿命自見施果已更增淨業果報增廣乃至漏盡說彼

根本如一粒種子又復說彼一施時有衆多行於一緣中發願或願天上或願人中已說因自性如此因受果與果今當說

五中世受果 亦說二與果 已盡與果一
二因當分別

五中世受果者現在名中世五因住現在世受果亦說二與果者若相應因共有因住現在世與果於此時受果即於此時與果故說二與果已盡與果一者已盡名過去報因於過去世住與果二因當分別者謂自分因及徧因或住現在世與果或過去世所作因不說以亂故已說因受果與果世建立今當說作因一切法 二因說二世 餘三說三世 增依報果 作因一切法二因說二世餘三說三世者有

爲無爲一切法說作因自分因一切徧因說過去現在餘三因說三世已分別三世諸因若果因有果今當說增依報果作因有增上果自分因徧因有依果報因有報果相應因共有因有功用果已分別諸因諸法從因生今當說

生今當說

報生心心法 及與諸煩惱 悉從五因生

是義應當知

報生心心法及與諸煩惱悉從五因生者彼

報生心心法及煩惱心心法從五因生報生

心心法五因所作共有自分相應報因所作

因者彼法生時相似不相似法住不障礙共

有因者展轉力生展轉爲伴及心不相應行

伴生自分因者彼前生自分法相應因者彼

俱一緣中轉報因者彼善不善此則彼果除

徧因報無記故煩惱心心法除報因染汙故
從徧因生餘四因如前說

若彼不相應 諸餘相應法 除其初無漏
是從四因生

報色及心不相應行從四因生除徧因無記
故除相應因無緣故穢汙色及心不相應行
從四因生除相應因無緣故除報因染汙故
諸餘相應法除其初無漏者謂善有漏心心
法威儀工巧變化心心法除苦法忍相應諸
餘無漏心心法從四因生除徧因報因

謂餘不相應 自分當知三 及諸餘相應
初生無漏法

謂報生穢汙餘若有自分因除初無漏從三
因生所作因共有因自分因非相應因無緣
故二因前已除及諸餘相應初生無漏法者

註三

十七

如苦法忍相應法亦三因生所作因共有因
相應因無前生無漏故無自分因亦無徧因
報因

於中不相應 是從於二因 若從一因生
當知必無有

於中不相應是從於二因者初無漏品中色
心不相應行從二因生所作因共有因已說
一切有為法於彼廣說中從一因生者必無
有何以故自性羸劣故乃至一極微生亦除
自己諸餘一切法所作因及共生生住異滅
亦共有因此總說義略說四種法報生穢汙
除報及初無漏諸餘不穢汙彼初無漏彼報
生相應不相應乃至初無漏法彼報生相應
從五因生除徧因報生不相應四因生除徧
因相應因如是穢汙相應不相應差別者唯

除報因從一切徧因生除報及初無漏諸餘不染汗相應四因生除徧因報因不相應三因生除徧因相應因報因初無漏相應三因生相應因共有因所作因不相應二因生所作因共有因已說諸因如此因世尊教化力及覺真實相力故說緣今當說

次第亦緣緣 增上及與因 法從四緣生世尊之所說

一切法性緣力境界力攝受生性羸劣故一切緣皆四緣攝彼與開導方便是次第緣任持方便是緣緣不障礙分是增上緣種子法方便是因緣

除羅漢後心 諸餘心心法 常有行已生是說次第緣

除阿羅漢最後心相應諸餘過去現在心心

三

十八

法一一相續生彼諸心一一生相續無間故名次第緣彼阿羅漢最後心相應非次第緣無餘心相續故未來心心法未起故無餘心相續亦無次第緣亦非未來先後次第方便立若未來先後次第方便立者壞正方便修義正方便修邪方便修應隨分次第生若言一心次第建立二心善及穢汗若正思惟時善心生穢汗心非數滅若邪方便思惟時穢汗心生善心非數滅如種子亦為芽亦為麤若芽具和合芽則生麤則不生若麤具和合麤則生芽則不生此則不然何以故前已說先後非分故以阿羅漢最後心是意界故應是次第緣者不然緣分異故若言阿羅漢最後心不為意識依亦名意界者得依相故如是阿羅漢最後心無間相續亦名次第緣此

亦不然何以故緣分異故相故立界如無分
眼不見色以眼識空故亦名眼界亦得依相
故阿羅漢最後心如前說緣生者業故建立
阿羅漢最後心作次第緣業無間相續生非
分心法亦如是說常者非如自分徧因問
以何等故色心不相應行非次第緣答以亂
故不亂者說次第緣色心不相應行亂故非
次第緣以一時善不善無記漏無漏異界行
現在前故欲界三種思惟聞慧思慧生慧非
修慧不定故彼欲界聞慧思慧次第聖道現
在前聖道次第三種思惟現在前色界三種
思惟聞慧修慧生慧非思慧色界定故彼聞
慧修慧次第聖道現在前聖道次第聞慧修
慧現在前無色界二種思惟修慧生慧彼修
慧次第聖道現在前聖道次第修慧現在前

此義擇品當廣說
或法心次第 非彼心無間 無間非次第
俱不俱當知
或法心次第非彼心無間者除初正受剎那
諸餘正受剎那相續及起定心無間非次第
者初正受剎那彼生住異無常及諸常續心
彼生住異無常俱者初正受剎那除起定心
諸餘常續心不俱者除初正受剎那彼生住
異無常諸餘相續正受剎那等彼生住異無
常若法心次第彼正受無間應作四句或法
心次第非正受無間者初正受剎那除起定
心諸餘常續心正受無間非心次第者除初
正受剎那彼生住異無常諸餘相續正受等
彼生住異無常俱者除初正受剎那諸餘相
續正受及起定心不俱者初正受剎那彼生

住異無常除起定心生住異無常諸餘常續
心彼生住異無常滅盡正受心所牽心所作
故心次第心相違故非心次第緣起定心前
雖有定無間相續以非心故還以心為次第
緣已說次第緣緣今當說

境界於一切

數三

心及諸心法

二十

是故一切法

說名為緣緣

一切法是心心法緣隨其事謂眼識及相應
以色為緣乃至意識及相應以一切法為緣
於一色眼識生一決定知言並見眾色者此
則不然以速故非俱言俱者增上慢如旋火
輪非輪輪想增上慢若不了了見色差別者
則可總受如觀叢林聲香味觸亦應如是知
已說緣緣增上緣今當說

若彼所作因

此即增上緣

所謂因緣者

當知餘因說

前說所作因當知即是增上緣除自性一切
性不障礙故法生時自作已事以勝故名增
上緣已說增上緣因緣今當說所謂因緣者
當知餘因說除所作因餘因說因緣已說緣
諸法隨緣生今當說

心及諸心法

是從四緣生

二正受從三

謂餘說於二

心及諸心法是從四緣生者心心法從四緣
生前開導故生是彼次第緣境界是彼緣緣
除自己餘一切法是彼增上緣餘因隨其所
應說因緣二正受從三者無想正受滅盡正
受從三緣生二正受前心心法是彼次第緣
自地前生善法及彼共起四相是彼因緣增
上緣如前說謂餘說於二者除無想定滅盡

定餘心不相應行及色此諸法二緣生謂因緣增上緣已說諸法從緣生有為法分齊今當說

分齊有三種 名色及與時 初分說一字極微刹那餘

分齊有三種名色及與時者一切有為法立三種分齊隨其事名分齊色分齊時分齊問此云何答初分說一字極微刹那餘少名者謂一字名之至少極於一字故說一字為名分齊少色者謂一極微若真實行智分析色相色之至細極於一微故說一微為色分齊少時者謂一刹那時之至少極於一念故說刹那為時分齊刹那量者有說如壯夫疾迴歷觀衆星隨其所歷一星一刹那如是一切又說如壯夫彈指頃經六十四刹那又說如

壯夫以極利刀斷迦尸細縷斷一縷一刹那如是一切又說世尊不說刹那如所說比丘當知四善射夫執弓俱射如彼廣說已說時極微如是色增長今當說

七微成阿耨 七耨成銅塵 水兔羊毛塵 當知從七起

七極微成一阿耨彼是最細色天眼能見及菩薩轉輪王見七阿耨為銅上塵七銅上塵為水上塵七水上塵為兔毫上塵七兔毫上塵為一羊毛上塵

牛毛及向塵 數三 蟻五麩麥等 十二 小大是轉增

皆從七數起

七羊毛塵成一牛毛塵七牛毛塵成一向遊塵七向遊塵成一蟻七蟻成一蟲七蟲成一麩麥

如是七麤麥 轉增為一指 二十四指量
名之為一肘

七麤麥為一指二十四指為一肘

四肘為一弓 五百拘屢舍 去村拘屢舍
是名為空處

如是應當知彼數即身量四肘為一弓去村
五百弓名空處是摩竭提一拘屢舍北方名
拘屢舍半間已知剎那乃至拘屢舍八拘屢
舍名一由旬當說身量以何為身量容彼數
即身量前所說肘量及拘屢舍當知即是身
量彼人間肘作身量閻浮提人長三肘半或
四肘弗婆提人長八肘瞿陀尼人十六肘鬱
單越人三十二肘以前說拘屢舍為天身量
四天王身拘屢舍四分之一三十三天半拘
屢舍帝釋身一拘屢舍炎摩天身拘屢舍四

數三

二十三

分之三兜率陀天身一拘屢舍化自在天身
一拘屢舍及拘屢舍四分之一他化自在天
身一拘屢舍半此是欲界天身量色界梵天
身半由延梵福樓天身一由延大梵天身一
由延半少光天身二由延無量光天身四由
延光音天身八由延少淨天身十六由延無
量淨天身三十二由延徧淨天身六十四由
延福愛天身百二十五由延福生天身二百
五十由延廣果天身五百由延無想天身亦
爾無憍望天身千由延無熱天身二千由延
善見天身四千由延善現天身八千由延色
究竟天身萬六千由延此說色界天身量此
名色分齊問如前說時分齊一剎那餘時今
當說答

剎那百二十 說名怛剎那 六十名羅婆

三十摩睺羅

百二十刹那名一怛刹那六十怛刹那名一羅婆七千二百刹那也三十羅婆名一摩睺羅多二十一萬六千刹那也

三十摩睺羅 說名一日夜 欲界或晝夜於上以劫數

三十摩睺羅多為一日一夜有六百四十八萬刹那也已知日夜刹那數壽命今當說欲界或晝夜於上以劫數者欲界衆生壽即以上晝夜數為欲界壽量或劫數閻浮提人壽或無量或十歲弗婆提人二百五十歲瞿陀尼人五百歲鬱單越人千歲人間五十歲為四天王天上一日一夜即以是日三十日為一月十二月為一歲如是日月歲數四天王天壽五百歲人間九百萬歲是等活地獄一

數三

千四

日一夜即以是日三十日為一月十二月為一歲如是日月歲數等活地獄壽五百歲人間百歲為三十三天一日一夜如是日月歲數三十三天壽千歲人間三億六百萬歲是黑繩大地獄一日一夜如是日月歲數黑繩大地獄壽千歲人間二百歲為炎摩天上一日一夜如是日月歲數炎摩天壽二千歲人間十四億四百萬歲是衆合大地獄一日一夜如是日月歲數衆合大地獄壽二千歲人間四百歲為兜率陀天上一日一夜如是日月歲數兜率陀天壽四千歲人間五十七億六百萬歲是呼地獄一日一夜如是日月歲數呼地獄壽四千歲人間八百歲為化樂天上一日一夜如是日月歲數化樂天壽八千歲人間二百三十億四百萬歲是大呼地獄

一日一夜如是日月歲數大呼地獄壽八千
 歲人間千六百歲為他化自在天上一日一
 夜如是日月歲數他化自在天壽一萬六千
 歲人間九百二十一億六百萬歲是熱大地
 獄一日一夜如是日月歲數熱大地獄壽一
 萬六千歲數三衆熱大地獄壽半劫無擇大地獄
 壽一劫畜生趣極長壽亦一劫如持地龍王
 餓鬼極長壽五百歲問已說欲界壽上界復
 云何答於上以劫數彼色界梵身天壽半劫
 梵福樓天壽一劫大梵天壽一劫半少光天
 二劫無量光天四劫光音天八劫少淨天十
 六劫無量淨天三十二劫徧淨天六十四劫
 福愛天一百二十五劫福光天二百五十劫
 廣果天五百劫無想天亦如是無惔望天千
 劫無熱天二千劫善見天四千劫善現天八

千劫色究竟天萬六千劫無色界空處二萬
 劫識處四萬劫無所有處六萬劫非想非非
 想處八萬劫一切三界皆有中天唯除鬱單
 越及兜率天最後身菩薩及無想天問以何
 等故此諸法說行答

多法生一法 一亦能生多 緣行所作行
 是行應當知

無有法自力生一法以多法力故生多法亦
 以一法力故生如是一切有為法是故說緣
 行所作行是行應當知緣彼行故有所作故

說緣行行所作故作彼行故說作行

雜阿毗曇心論卷第二

音釋

羸劣 羸力追切 躁則到切 不誑 誑古况切
 諂丑瑛切 蔗之夜切 麤古猛切 蟻居豈切
 諂諛也 與麤同 蟻居豈切 音

雜阿毗曇心論卷第三上 鼓四

尊者法救造

宋天竺三藏僧伽跋摩等譯

業品第四

已說諸行展轉因緣力生彼諸行所起種種
生生生差別勝者唯業彼業今當說

業能莊飾世 趣趣各處處 是以當思業
求離世解脫

業能莊飾世趣趣各處處者如是一切五趣
種種性生種種業莊飾以業為種彼有芽生

業差別故生差別如種差別故芽差別是以
當思業求離世解脫業於受生勝故是故欲
背生死者當善觀察問誰業答

身口意集業 在於有有中 彼業為諸行
嚴飾種種身

身口意集業在於有有中者身業口業意業
此三業生種種果眾生住於本有死有中
生有中修集諸業問云何立三業為自性故
為依故為等起故若自性者應一業謂語業
若依者一切依身亦應一業謂身業若等起
者一切從意起亦應一業謂意業答此亦如
是三事故彼自性者語業以語即業故依者
身業以業依身故身作故身合故身運故等
起者意業雖身業口業意業所起然不共受
名如眼識問如所說業何所為答彼業為諸
行及受種種身此說一切眾生增上果謂外
眾具名為行若眾生形相壽命等是彼業果
問若彼內外分種種相者此云何為四大種
種相為造色種種相為業種種相答三種悉
有生因依因建立因養因長因故是四大種

種相自分因故是造色種種相報因故是業
種種相雖外分無報因然衆生作善行彼得
好色好處若作惡行得惡色惡處以業種種
故内外分亦種種是業相今當略說

身業當知二 謂作及無作 口業亦如是

意業當知思

鼓四

二

身業當知二謂作及無作者身業二種作性
及無作性作者身動身方便身作無作者身
動滅已與餘識俱彼性隨生如善受戒穢汗
無記心現在前善戒隨生如惡戒人善無記
心現在前惡戒隨生口業亦如是者口業二
種作無作性如前說意業當知思者意業是
思自性有欲令意業是無作性此則不然意
非作性非色故及三種故無作亦名不樂亦
名離亦名捨亦名不作以不作之名是無作

言非業者不然何以故作故若善不作不善
若不善不作善亦名作如捨覺支不以名捨
故捨修道止餘事故名為捨彼亦如是又復
作因故作果故見因說果如世尊說形質故
是色無作亦非色以作是色故彼亦名色彼
亦如是已說五業如此業種種差別今當說
作當知三種 善不善無記 意業亦如是
餘不說無記

作當知三種善不善無記者身作及口作三
種善不善無記彼善者淨心身口動如施戒
等不善者不善心身口動如殺生等無記者
無記心身口動意業亦如是者意業亦三種
善心相應是善不善心相應是不善無記心
相應是無記餘不說無記者餘二業身無作
及口無作彼二種善不善無無記何以故無

記心羸劣故強力心能起身口業餘心俱行
相續生如手執香華雖復捨之餘氣續生非
如執木石等問已知五業思非色性大地中
已說故餘業有何性答

色性不染 不染汙五地 隱沒繫在色
不善在欲界

色者一切身業口業是色性因四大故彼身
作可見有對口作不可見有對無作俱不可
見無對問身口業幾種答染汙不染汙彼色
二種染汙不染汙染汙者煩惱所起彼有二
種隱沒無記及不善隱沒無記者無報無慚
無愧不相應一果煩惱等起不善者有報無
慚無愧相應二果煩惱等起不染汙亦二種
善及不隱沒無記善者得愛果彼亦二種有
漏及無漏此品後當廣說不隱沒無記者不

隱沒無記心等起謂威儀工巧非報生強力
心能起身口業報生心羸劣故不起是故身
口業非報性若報生心能起身口業者彼身
口業亦應是報但不爾現在方便生故若報
心生不應名威儀工巧是故身口業非報問
幾地所攝答不染汙五地欲界及四禪此則
總說若善作唯至初禪非上地問何故善身
口作至初禪非上地答麤心起身口作業彼
心細故外向心起作業彼心内向故覺觀起
作業彼地無故善無作者五地欲界及四禪
禪有無作禪律儀無漏律儀不隱沒無記身
作亦五地如前說差別者欲界作威儀工巧
心等起色界作威儀心等起彼無工巧心問
已說上地無起作心云何有作答彼初禪力
起作心現在前故起若說善亦應爾者不然

以生上地下地善心不現在前以彼劣故隱沒繫在色者若隱沒無記身口業在色界初禪非上地無起作心故非生上地下地染汙心現在前離欲故亦不在欲界修道斷煩惱等起身口業而欲界修道斷煩惱一向不善故見道斷心不起身口業此品後當說不善在欲界者若染汙中不善者在欲界非色界何以故彼善心易得故正受長養故無無慙無愧故無苦受故不善者受苦受眷屬報色無色界無無有色界業受欲界報界異故因果斷界故已說身口業自性種地謂無作律儀差別今當說

若作無作戒 略說有三種 無漏及禪生依別解脫戒

若作無作戒略說有三種者無作戒若律儀

鼓四

五

所攝略說當知三種問何者是答無漏及禪生依別解脫戒彼無漏戒與道一果道俱行謂學無學禪生者彼禪戒與禪一果禪俱行正語正業正命正命者建立身業口業無別體故身業口業從無貪無恚無癡生無恚無癡生者名正語正業無貪生者名正命雖一心中有三善根以增上故說如貪等行如動風藥如字音依別解脫戒謂受戒式又尸羅隨轉亦有斷律儀契經品當廣說問是身業口業何等不隨心轉何等隨心轉答無作在欲界 作依於二有 當知非心俱謂餘心俱說

欲界無作不隨心轉謂受戒已不善無記心亦隨轉亦不與善不善無記心隨轉異相故又復覆惡戒故由作故不定故作者欲色界

亦不隨心轉由身故非心一果故謂餘心俱說者禪律儀無漏律儀是餘彼隨心轉心一果故由心故已說建立業成就戒今當說無漏戒律儀 得道則成就 禪生若得禪持戒生欲界

無漏戒律儀得道則成就者得道謂一切聖道從苦法忍乃至無生智成就無漏律儀此無漏律儀在六地未來中間根本四禪彼須陀洹斯陀舍向及果成就一地無漏戒阿那舍向或成就一地或六地阿那舍果或三地乃至六地阿羅漢六地禪生若得禪者若得禪成就禪律儀謂得不失此亦六地持戒生欲界者若受戒則成就別解脫律儀此律儀謂欲界人非餘無受分故已略說成就戒世分別今當說

教四

六

謂住別解脫 無作於轉時 當知恒成就 盡不捨過去

謂住別解脫無作於轉時當知恒成就者別解脫律儀現在無作戒常成就念念得未曾得盡不捨過去者住別解脫律儀無作若滅而不捨則成就過去捨事此品後當說

若有作於作 即時立中世 已盡而不捨 當知成過去

若有作於作即時立中世者中世謂現在住身口求受戒爾時成就現在身口作已盡而不捨當知成過去者若作盡不捨爾時成就過去作非現在以作不念念相續生故

若得禪無作 成就滅未至 中若入正受 作亦如前說

若得禪無作成就滅未至者若得禪彼則成

就過去未來禪律儀若初得禪彼無始生死
 滅過去者今悉得之中若入正受者如禪正
 受現在彼無作亦爾隨心生故作亦如前說
 者如前別解脫作求時成就現在若滅已不
 捨爾時成就過去非現在住禪者作亦如是
 問若生色界云何成就故四答世尊到色界色
 界諸天禮敬右繞乃至未竟爾時成就過去
 作
 悉成就當知 得道若未生 中間道在心
 盡不捨前世
 悉成就當知得道若未生者一切聖人一切
 時成就未來無漏律儀中間道在心者若道
 現在爾時成就無漏無作律儀盡不捨前世
 者前世是過去若彼無作滅已不捨是成就
 過去

若作不善業 立戒成就二 至彼纏所纏
 盡已盡當知
 若作不善業立戒成就二者謂住別解脫禪
 生無漏律儀若以不善極惱纏起加拳等不
 善作無作此則成就作無作此說未離欲行
 不善故問幾時成就答至彼纏所纏乃至纏
 未捨住非律儀盡已盡當知者若彼纏盡作
 無作亦盡
 若住不律儀 無作成就中 能受不受果
 或復盡不捨
 若住不律儀無作成就中能受不受果者住
 不律儀謂屠膾等彼一切時現在成就不善
 無作念念不善無作生故或復盡不捨者彼
 無作滅不捨則成就過去
 若剎那住作 即時說中世 已盡而不捨

善於上相違

若剎那住作即時說中世者彼住不律儀者受不律儀時成就現在作已盡而不捨者彼作滅而不失則成就過去非現在不相續故善於上相違者如住律儀說不善住不律儀說善

故曰

若處中所作 是則立中世 若盡而不捨或二亦復一

若處中所作是則立中世者處中謂非律儀非不律儀若受善時心不淳淨成就現在善作若住不善時不極惱纏成就現在不善作若盡而不捨者滅已不捨彼成就過去作非現在不相續生故或二者若言淳淨心不善極惱纏受彼現在成就作及無作亦復一者謂第二剎那起唯無作現在若過去現在分

別若善不善分別亦爾

隱沒不隱沒 二作俱非盡 及淨不淨等一切無生說

隱沒不隱沒二作俱非盡者若隱沒無記及不隱沒無記作不成就過去羸劣心等起故餘勢不強故若現在受作時則成就現在剎那成就故亦不說無作以無記無俱故及淨不淨等一切無生說者若善不善隱沒無記及不隱沒無記作悉不成就未來以無住未來世受作故問何等為律儀不律儀答

故曰

流注相續成 善及不善戒 於一切眾生律儀不律儀

彼別解脫律儀者謂受戒於一切眾生一切時戒不斷或十二種或二十一種隨轉不律儀者謂住不律儀於一切眾生一切時惡戒

不斷問何等住不律儀答十二種住不律儀
所謂屠羊養雞養猪捕鳥捕魚獵師作賊魁
膾守獄呪龍屠犬伺獵屠羊者謂殺羊以殺
心若養若賣若殺悉名屠羊養雞養猪亦如
是捕鳥者若殺鳥自活捕魚獵師亦如是作
賊者常行劫害魁膾者主殺人自活守獄者
以守獄自活呪龍者習呪龍蛇戲樂自活屠
犬者旃陀羅伺獵者王家獵主若屠羊者雖
不殺餘衆生而於一切衆生所得不律儀何
以故若一切衆生爲羊像在前者於彼一切
悉起害心一切衆生有作羊理故若復無作
羊理者於彼亦有害心故得不律儀如住慈
心仁想普周當知住餘不律儀亦如是若王
若典刑若聽訟官有害心者悉墮不律儀義
問得不律儀齊何時答

謂受律儀戒 盡壽或日夜 不律儀盡壽
二俱無增受

謂受律儀戒盡壽或日夜者受別解脫律儀
有二種或盡壽者謂七衆七衆者比丘比丘
尼式又摩尼沙彌沙彌尼優婆塞優婆夷日
夜者謂受齋有二種時分齋日夜及盡壽問
不律儀復云何答不律儀盡壽謂不律儀盡
形壽非日夜問以何等故律儀得日夜非不
律儀答彼無受性故無有言我日夜受不律
儀者以可羞厭故善律儀有受性可欣慶故
二俱無增受者律儀不律儀俱無增受半月
一月六月善惡怖望不究竟捨日夜戒亦如
是過者不然無分齋性故二種分齋前已說
問別解脫律儀云何得答
受別解脫戒 當知從他教 隨心中上

得三品律儀

受別解脫戒當知從他教者別解脫律儀從他教得若衆若人若法衆者謂白四羯磨受具足人者謂善來法者謂佛及五比丘等又問樂謂須陀耶律毗婆沙說十種受具足所謂自起謂佛超昇離生謂五比丘善來謂耶舍等師受謂摩訶迦葉問樂者謂須陀耶受重法謂摩訶波闍波提遣使謂法與律師第五人謂邊地十衆謂中國三歸三說問何等得律儀答隨心中上得三品律儀若下心受別解脫戒彼得下戒下心果故若極方便行善乃至離色無色界欲種三乘種子衆生種類相續彼猶下品隨轉若中心受戒得中律儀若極方便行善若不捨戒作諸惡行彼猶中品隨轉若增上律儀心受戒得上律儀

鼓四

乃至種類相續猶增上隨轉或有年少比丘得增上律儀雖復阿羅漢猶成就下心戒有別解脫戒從下中從中上謂先以下心受優婆塞律儀次以中心受沙彌律儀後以上心受比丘律儀從中下上從上下中謂住律儀有於一切衆生起非一切支非一切因有於一切衆生起一切支非一切因有於一切衆生起一切支一切因有於一切衆生起一切支因非一切支者無也彼衆生者謂蠕動類支者不殺生乃至不綺語因者下中上心又說無貪無恚無癡有於一切衆生起非一切支非一切因者謂下心受優婆塞戒下心受沙彌戒有於一切衆生起一切支非一切因者謂下心受三種戒或中或上或二有於一切衆生起一切支一切因者謂三種心受三種

戒是故於一切衆生起一切因非一切支者無有也若以初下心受日夜戒次中心受優婆塞戒後上心受沙彌戒謂言應說於一切衆生起一切因非一切支者此義不然彼爲盡壽故說問住何等心得別解脫律儀答於一切衆生起慈心若言我於此受不於彼受不得律儀惡心隨故如言我受不獵獸以少分故是善業不得律儀以別解脫戒普於一切能不能所得律儀故若異此者律儀應有增減以能者生不能處不能者生能處故如是有何過謂非捨時應捨別解脫律儀應頓得別捨應不受而得別解脫律儀於現在陰界入得衆生處所得故非過去未來墮法數故以是故應作四句有陰界入得別解脫律儀非禪無漏律儀者謂於現在起前後眷屬

註四

十二

及制罪有陰界入得禪無漏律儀非別解脫律儀者謂於過去未來起根本業道有陰界入得別解脫律儀亦禪無漏律儀者謂於現在起根本業道有陰界入不得別解脫律儀及禪無漏律儀者謂於過去未來起前後眷屬於生草等得軋時捨者不然生草處起故謂能不能如是說者不然衆生前後同性生草等後非性於此論阿羅漢般涅槃同此說後非性故此義擇品當廣說問已說別解脫律儀禪律儀云何得答
得色界善心 得禪律儀戒 是捨彼亦捨無漏有六心
得色界善心得禪律儀戒者若有得色界善心彼得禪律儀以色界善心戒常隨故除六心初禪三識身心聞慧心起作業心命終心

以不定故定心戒常隨轉以三識身心外向起故起作業心亦如是聞慧心名處起故死時心羸劣故第二禪第三禪第四禪有二不定心謂聞慧心命終心問無色界何故無戒耶答彼無色性故戒者是色彼中無色無四大性故若彼有四大者應有戒無色界無四大戒者惡戒對治非無色界惡界對治惡戒者在欲界無色界四遠遠故所謂依遠行遠緣遠對治遠根本禪一切比智品雖非斷對治然有持對治及遠分對治若苦法智集法智有壞對治根本禪攝故未來禪有斷對治若滅道法智根本禪攝者非壞對治無漏緣故問云何捨答是捨彼亦捨若失色界心彼律儀亦失由心故問無漏律儀云何得答無漏有六心無漏律儀六地心共得禪未來乃

至第四禪以六地有見道非上地上地不廣境界故若依未來超昇離生修一地見道無間等邊修二地等智謂禪未來所攝及欲界乃至依第四禪超昇離生修六地見道無間等邊修七地等智問何故無色界無見道耶答無忍及法智性故無拘舍羅善根故拘舍羅者言業行也無戒故不緣欲界故問禪律儀無漏律儀有何差別答禪律儀有垢無漏律儀離垢又說禪律儀是根本禪戒無漏律儀一切無漏戒此應作四句或禪律儀非無漏者謂根本禪世俗戒無漏律儀非禪者謂未來中間無漏戒亦禪無漏律儀者謂根本禪無漏戒非禪無漏律儀者謂未來中間世俗戒得四句亦如是問不律儀云何得答若作及受事 而得不律儀 隨心中上

三品惡戒生

若作及受事而得不律儀者有二因緣得不律儀謂作及受事作者謂不律儀家生乃至未殺生未得不律儀若殺生彼得不律儀受事者若生餘家作是言我當作此業以自活彼即得不律儀問以何名住不律儀為具耶不具耶答有說不具亦名住不律儀謂不律儀家生彼性不能語而殺生得身業性非口業毗婆沙者說如律儀不具足不名住律儀不律儀亦如是但以惡怖望具故生不律儀家雖性不能語而以身表語義故從彼得不律儀問若住不律儀而受日夜律儀法爾時得律儀捨不律儀至明相出彼復捨律儀還得不律儀耶答有說得捨不律儀得律儀捨律儀得不律儀有說不得若一身種類不殺

生乃至身種類盡不得不律儀無作無受故捨不律儀得律儀捨律儀得不律儀亦非不律儀問云何得不律儀答隨心中上三品惡戒生若初以下心殺衆生若受事彼得下殺生無作及下不律儀謂於餘一切衆生得不律儀所攝彼後若以中上心殺生彼得中上殺生無作不律儀先已得從中上起亦如是有住不律儀於一切衆生起非一切支非一切因有於一切衆生起一切支非一切因一切因有於一切衆生起一切支非一切因有於一切衆生起一切支有於一切衆生起非一切支非一切因者謂以下纏殺衆生若中若上而不作餘業道有於一切衆生起一切支非一切因者謂以下纏殺衆生乃至綺語非中上有於一切衆生起一切因非一切

支者謂以下中上纏殺衆生非餘業道有於一切衆生起一切因一切支者謂以下中上纏殺衆生乃至綺語彼說不具足不律儀不名住不律儀者彼說於一切衆生起及一切支而因不定問諸律儀幾時捨答

別解脫調伏 是捨於四時 若捨及命終斷善二根生

別解脫調伏是捨於四時者別解脫調伏當知四時捨問何時答若捨及命終斷善二根生謂捨戒身種類滅善根斷二形生持律者云法沒盡時彼說戒結界羯磨一切息阿毗曇者說法沒盡時先所受律儀相續生不捨未曾得律儀不得是故說一切息有說犯初衆罪名捨律儀此則不然若捨律儀者犯根本罪名還俗應得更出家已捨律儀故佛言

非比丘者以非第一義比丘故此說無過也犯初衆罪於別解脫律儀是比丘於無漏律儀非比丘盡壽律儀有四時捨齋律儀至明相起時捨謂住律儀而犯律儀者是犯戒非捨戒當知彼人住持戒犯戒也彼若悔者即捨犯戒住持戒也如富人員債名富者亦名負債者若還債已唯名富者彼亦如是

謂禪生律儀 當知二時捨 若起煩惱退生上及下地

禪律儀二時捨問何時答若起煩惱退生上十六及下地謂禪退時捨彼律儀由禪故及生上

生下時

無漏戒律儀 是說三時捨 退及得聖果增益根當知

無漏律儀三時捨問何時答退及得聖果增

益根當知退者失勝功德得果者謂得須陀洹果乃至阿羅漢果增益根者謂信解脫得見到時解脫得不動問不律儀云何捨答

不律儀四時 受戒及命終 速得諸禪定二根生亦然

不律儀四時捨受戒時捨身種類時得禪律儀時二根生時間住不律儀若捨殺具名捨不律儀不答名爲止業若不受律儀不名捨不律儀非對治故如不服藥而捨病因病則隨生問已知律儀不律儀捨時彼具離者作善戒惡戒捨時云何答

彼謂限勢過 及與悌望止 亦捨於方便是說善惡捨

彼俱離者若善戒惡戒三時捨謂限勢過悌望止捨方便限勢過者若欲作善戒惡戒事

按四

十七

時先作齊限限過則止如陶家輪勢極則住悌望止者彼發心念言後更不作捨方便者息身口行彼俱離者作善行惡行盡身種類無作隨生謂作是誓言不供養佛終不先食若以香華讚歎敬禮及餘種種日日供養盡身種類無作隨生有作是誓言不施他乃至一搏終不先食彼亦盡身種類無作隨生若作定期施若日若月若歲作是誓言我盡壽作即出少物以供彼用彼盡身種類無作隨生若起塔若四方僧舍若僧舍若別房若園觀浴池若橋船如是等有三因緣無作不斷若悌望若身若事惡戒者彼亦作是誓言我當日日於彼怨家常作不饒益事若一打若一惡言彼盡壽不善無作隨生已說捨色業無色今當說

善無色捨時 斷退生諸地 穢汙唯離欲
當知是意業

善無色捨時斷退生諸地者若善有漏無色
法三時捨謂斷善根時退時生諸地時穢汙
唯離欲者穢汙無色法離欲時捨若此品對
治生即捨此品已說諸業自性及成就如此
業世尊種種分別今當說

若業與苦果 當知是惡行 復有意惡行
貪瞋恚邪見

若業與苦果當知是惡行者若身口業及思
不愛報果生故當知是惡行問唯此惡行耶
答復有意惡行謂貪瞋恚邪見不善思是意
惡行如前說復有貪恚邪見
是相違妙行 最勝之所說 若於中增上
說名十業道

跋四

十八

是相違妙行最勝之所說者惡行相違悉是
妙行若身善業悉是身妙行若口善業悉是
口妙行若意善業無貪無恚正見悉是意妙
行隱沒不隱沒無記業無報故非惡行非妙
行若彼不隱沒無記巧便者如行行如說說
與此相違不隱沒無記及隱沒名不巧便問
一切善行惡行皆業道所攝耶答若於中增
上說名十業道此諸善行惡行中增上業勝
者是業道彼妙行增者說善業道惡行增者
說不善業道若言不定者不然以根本業道
多增上極逼迫故極恐怖故事究竟故是故
說增上者是根本業道問何等為業道答殺
生乃至邪見彼殺生今當說
有欲殺生心 衆生想殺生 是名為殺生
盜淫亦如是

有欲殺生心衆生殺想生者謂欲殺他衆生
定不定衆生起衆生想殺彼衆生名作無作
或復一向名無作是身業殺生非餘不具自
在者口語及仙人意所嫌而殺謂是口意業
自性者不然業自性異故事不究竟故若謂
有心無心殺彼衆生俱應得殺罪如觸火食
毒者不然非譬故若手執刀若手擲刀若有
心若無心觸火不燒若呪毒若藥雜毒服者
若有心若無心不死殺生不如是是故非譬
若復謂於火毒得不燒不死因緣而殺生不
得不殺因緣者不然得不惡心故如彼刀呪
衆藥等是不燒不死因緣不惡心是不殺因
緣亦如是以不惡心殺生則非殺生如執刀
觸火不燒問無心害衆生不死耶答死雖殺
生不得殺罪無惡心故逼迫他不得殺罪謂

此非說者不然如不逼迫不攝他而罪福長
養故謂斷善根得慈心是故不非說盜者物
他所有他物想知不與欲取作已有想名作
無作或一向名無作是身業盜邪姪者父母
等護起護想道非道行無護者非處非時是
不應行而行名作無作是身業邪姪
謂彼異想說 別離不軟語 無義不誠說
是則口業道
見聞等事顛倒不顛倒覆藏想起名作無作
或一向名無作是口業妄語或身動或默然
謂布薩事是亦名妄語若言身意業性者不
然業性異故著身口業故譬如著身若身放
作者是身業譬如曾眼更後身觸得長等譬
如受戒時口作得身業譬如受具足時若默
然若無心得身業別離者若壞若不壞欲壞

想若已壞不令和合名作無作或一向名無作是口業兩舌不軟語者惱亂心若惱不惱名作無作或一向名無作是口業惡口無義不誠說者不善心非義非時不應法言隨入一切口惡行如無明隨煩惱如音聲隨字

鼓

二十

雜阿毘曇心論卷第三上

音釋

捕薄故切膾古外切伺息利切旃陀羅梵語也此
云屠者旃諸廷切蠕乳充切蟲動貌

雜阿毘曇心論卷第三下 鼓五

尊者法救造

宋天竺三藏僧伽跋摩等譯

業品第四之餘

眾生相違害 是名為瞋恚 他物已想貪

邪見謂何見

鼓五

眾生相違害是名為瞋恚者於他眾生惡心
欲殺欲打與慈悲相違是名瞋恚他物已想
貪者愛他物欲為己有想名為貪是一切欲
界貪邪見謂何見者於施等作無見名為邪
見問何業道誰究竟答

殺生與惡口 及瞋恚業道 皆由瞋恚成

眾生處所起

殺生與惡口及瞋恚業道皆由瞋恚成者殺
生惡口瞋恚當知從瞋恚成究竟時惡與瞋

恚俱問從何處生答眾生處所起此三業道

當知從眾生處所起

身二業及貪 貪欲所究竟 皆由貪欲成

眾具處所起

身二業及貪貪欲所究竟皆由貪欲成者偷

盜邪婬及貪是三業道當知貪究竟問此復

何處起答眾具處所起此三業道當知從眾

具處所起

謂有餘口業 是皆三所成 從名處所起

明智之所說

謂有餘口業是皆三所成者妄語兩舌綺語

當知從貪欲瞋恚愚癡究竟問彼復從何處

起答從名處所起明智之所說此三口業道

當知從名起

邪見名色起 亦從愚癡成 一切諸業道

三種為方便

邪見名色起亦從愚癡成者謂邪見從名色處所起問此誰究竟答亦從愚癡成此邪見當知從愚癡究竟問一切業道方便如根本究竟為有異耶答一切諸業道三種為方便

第五一切十不善業道貪欲瞋恚愚癡悉為作方便貪殺者為皮肉筋骨等故殺為已故或為親友故瞋恚殺者殺怨家及怨親友令其憂惱愚癡殺者言殺諸毒蟲等因緣無罪以害人故殺諸禽獸等因緣無罪為人食故波私國說如父母老若惡病應殺因緣無罪貪盜者盜所須物為已他故瞋盜者若盜怨若怨親物令其憂惱癡盜者如婆羅門說一切地所生物悉施婆羅門婆羅門弱劣故刹利等受用是故婆羅門言自取已物無罪而彼取

時作他物想故名盜貪邪婬者於衆生所貪心方便若他所受及自所受若為財利非貪方便則瞋恚起謂於怨家及怨親所受癡邪婬者如說橋船野田華果道路女人一切衆生悉共受用如婆羅門說婆羅門應有四婦利利應三鞞舍應二首陀羅唯一口業若貪起當知從貪生若恚起當知從恚生若癡起當知從癡生貪者若貪次第起是即從貪生若瞋所起是從瞋恚生愚癡所起是從愚癡生瞋恚邪見亦如是問云何業道定是作無作非耶答

第五根本業無作 或復說有作 方便終則異貪不貪等起

根本業無作或復說有作者色自性七業道定無作或復作邪婬定有作以自究竟故非

他餘業道不定若自作則有作若使他作者一向無作問頗非身作而得殺生耶答有謂口作頗非口作而得妄語耶答有謂身作頗非身口作而得二罪耶答有謂仙人起惡心謂布薩事若欲界色性善業道定有作及無作禪無漏律儀唯無作非作由心故方便者有作若淳淨心及極利纏作有無作若不淳淨心及不極利纏作者唯有作無作終則異者業道終唯無作業已息故問何等爲業道方便何等爲終答殺方便謂屠羊者若捉若買若牽來一打二打乃至命未盡悉名方便斷命時刹那頃作及無作是根本業道後乃至於是處不善身所作及無作是殺生後乃至綺語亦如是是名爲終貪恚邪見無方便現在前則是根本起有說身口業道一

切十業爲方便及終此云何如欲殺彼衆生殺此衆生爲因然後殺彼謂殺生祈請助力殺彼或劫他財以資殺事或婬彼所愛令殺其主或於彼知友妄語惡口兩舌綺語以離其親或貪彼財或復瞋彼或起邪見長養殺法後殺彼子復婬彼婦次第乃至十不善業道當知是終如是一切盡當知貪不貪等起者不善業道貪恚癡爲方便亦爲終善業道以不貪不恚不癡起捨不善業道方便即是善業道方便捨根本即是根本捨終即是終問此云何答如沙彌受具足入戒場周匝禮僧求和尚受衣鉢白一羯磨乃至二羯磨皆是方便第三羯磨彼刹那頃作及無作是根本業道次說四依如是乃至於是處身口所作及無作是名爲終問何處有幾業道答

地獄五業道 鬱單越後四 餘方具有十
及餘惡趣天

地獄五業道者地獄衆生有五不善業道惡
口綺語貪恚邪見無相殺故無殺業道無受
財故無盜無執受女人故無邪淫異相說故
名妄語彼無異想故無妄語常離故無兩舌
爲苦所逼故有惡口不時說故有綺語貪及
邪見成就而不行瞋恚者俱有鬱單越後四
者有後四不善業道壽分定故無殺生無受
財故無盜無執受女人故無邪淫欲行欲時
將彼女人往詣樹下樹自曲枝而覆其上然
後行欲去已還復若樹不覆並愧而離無欺
他故無妄語常和故無兩舌柔軟故無麤言
有歌歎故有綺語意業道雖成就而不行餘
方具有十者除鬱單越餘三方有十業道或

兼述

五

不律儀所攝或離不律儀所攝及餘惡趣天
者畜生餓鬼及欲界天有十業道離不律儀
雖天不害天而害餘趣又說天亦有截手足
斷而還生若斬首若中截則死展轉相奪等
乃至十業道一切悉有色無色天無有不善
業道問何處有幾善業道答

地獄鬱單越 有三善業道 等現於無色
彼聖成就十

地獄鬱單越有三善業道者地獄有無貪無
恚正見鬱單越亦爾等現於無色者無色界
即此三現在前行彼聖成就十者無色界聖
人成就無漏十善業道

如此亦復異 謂色界律儀 畜生餓鬼異
餘如是亦異

如此亦復異謂色界律儀者色界禪律儀所

攝具十善業道亦成就亦現在前聖人生彼則有無漏業道畜生餓鬼異者畜生餓鬼亦有十善業道離律儀亦不律儀餘如是亦異者閻浮提弗婆提瞿陀尼及欲界天說餘彼有十善業道是律儀所攝或離律儀謂欲界天唯有禪無漏律儀問幾不善業道一時與思俱轉答

不善業道起 一與思俱轉 二三乃至八當知次第增

此身自性三不善業道彼一一與思俱轉謂殺生偷盜邪淫二俱轉者殺他衆生而盜取三俱轉者遣二使已自行邪淫以此行自究竟非他故若彼種類和合者則一切俱究竟口業道一俱轉者謂綺語二俱轉者攝妄語非時說綺語攝欲別離說非時說綺語攝惡

數五

六

口說非時說綺語三俱轉者攝欲別離說妄語非時說綺語攝惡口妄語非時說綺語攝惡口欲別離說非時說綺語四俱轉者攝欲別離妄語惡口非時說綺語意業道者一一俱轉行別故不二如是五七八俱轉遣六使自行邪淫不由他故若彼種類和合者則一時俱究竟及貪現在前如是八不善業道與思俱轉問幾善業道一時與思俱轉答所謂善業道 二三及與四 六七九與十一時思俱轉

欲界善五識身現在前初禪地三識及依無色盡智無生智此二善業道與思俱轉謂無貪無恚欲界善意識現在前色界不定心及無色界又依無色無漏正見三事與思俱轉優婆塞及沙彌染汙及無記心受律儀四即

此善五識住六即此善意識住及比丘染汙無記心非心七比丘善五識住若依禪盡智無生智俱心九即此比丘善意識住及色界定心依禪無漏正見現在前十善業道與思俱轉問何業道有幾果答

一一果有三 跋五 所謂為報果 七 依果及增上
是名業道果

一一業道皆有三果謂報果依果增上果彼業道修習多修習生地獄中是報果從地獄出來生人中受相似果謂殺生者短壽盜者失財邪淫者妻不貞良妄語者惡名譏謗兩舌者親友乖離惡口者常聞惡聲綺語者言語不正貪者增貪瞋者增瞋邪見者增癡是為依果此諸業道增上果者謂眾具麤惡無有光澤多遭霜雹塵垢汙濁臭穢不淨居處

嶮曲荆棘惡刺果實零落甚少微細極大苦澀無有華果問云何果相似答

苦他惡道苦 傷壽則短命 外具不光澤壞彼光澤故

苦他惡道苦者謂殺生令彼受苦得惡道苦

此是相似問殺何等陰為色陰耶為五陰耶答有說色陰以色可斷壞故四陰非觸有說五陰四陰雖非觸彼依色陰轉殺色陰亦殺彼如瓶破則失乳問為殺無記為三種耶答有說無記以無記受刀杖故餘三非觸又說一切三種如前說問殺何陰過去耶未來現在耶若過去者彼已滅若未來者不可得若現在者彼剎那頃不佳答有說未來現在在世住壞未來和合又說未來現在以現在受刀杖不相續陰滅傷壽則短命者謂彼殺者斷

彼命故而得短壽外具不光澤壞彼光澤故者謂彼殺者壞彼光澤故所得眾具悉不光澤一切業隨其所應當知盜及邪淫雖不令彼苦以壞怖望故如不別離亦名兩舌彼雖不惱亦名惡口已說業道分差別今當說

謂現法果業教五 次受於生果八 後果亦復然當知分各定

三業現受生受後受現法受業者若業此生作即此生熟名爲現受若第二生熟者名爲生受第二生後熟者名爲後受或有欲令四業前三及不定受前三者不轉不定者轉轉者謂持戒等護故譬喻者說一切業轉乃至無間彼說若無間不轉者亦無有越第一有若越第一有者故知無間業亦轉彼有說現法業不必現報熟若熟者現法受非餘如是

說者說八業現法報或定不定乃至不定受業亦如是是故彼說分定熟不定應作四句或分定熟不定或熟定分不定或分定熟亦定或非分定亦非熟定問此四業幾一身種類種答三除現法受欲界四種業種色無色界亦如是地獄趣四種不善業種善者三種除現受業餘趣俱四種生欲界凡未欲愛未盡欲界四種種若欲愛盡梵天愛未盡若不退種性法者欲界三種種除生受梵天亦三種除現受若退種性法者梵天如前說欲界四種善業種教五如是隨其義一切地生九凡夫聖人亦如是說已說現受等樂受今當說欲界中善業 及色界三地 說名爲樂受此亦定不定欲界中善業及色界三地說名爲樂受者欲

界善業得樂受及眾具報色界乃至第三禪業皆得樂報問禪中間業得何等報答有說初禪樂根此非說以阿毗曇說或業得心受非身耶答有善無覺業又說禪中間業不得受報唯有色心不相應行問此分亦定耶答此亦定不定若定若不定此四地中善皆有樂報

得不苦不樂 是說為上善 若受於苦報是說不善業

得不苦不樂是說為上善者第四禪地善業及無色地善業說不苦不樂報以彼得不苦不樂受及眾具故問下地何故無不苦不樂報耶答有說下地麤而彼受細故下地不寂靜而彼受寂靜故若下地作善業皆為樂受故無有求不苦不樂受者雖不求苦報以求

樂故作惡行是故雖不求而受苦報若受於苦報是說不善業者不善業說苦報苦受果故非獨業受報四陰五陰亦受報但業勝故說業受報當知此亦定不定問幾種受答所謂自性受 相應與報受 現在及境界是說五種受

五種受謂自性受相應受報受現前受境界受自性受者受也相應受者受相應法報受者樂受等業現前受者現在受如大因經說若樂受現在前時二受則滅境界受者眼觸敬五生覺受色是攀緣義此五種受中當知說報受非餘問世尊說黑報等四業云何建立答色中有善業 是白有白報 黑白在欲中俱黑說不淨色中有善業是白有白報者色界善業一向

無瞋恚離黑問無色界業勝非色界何故不
說答二報故色界受中陰及生陰無色界唯
有生陰如是色無色可見不可見有對無對
受報又彼有三業五陰十善業道受報故說
黑白在欲中者欲界善業雜不善業故是故
說黑白又一身中二種業可得亦二種報是
故如是說非黑即是白黑異相故俱黑說不
淨者不善業說黑彼有黑報彼因穢汙穢汙
故說黑及鄙賤可惡故說黑報唯鄙賤黑非
穢汙黑不染汙故
若有思能壞 彼諸業無餘 此說無礙道
謂是第四業
若道能滅彼三業彼道相應思是第四業此
業不染汙故不黑不可樂故不白不墮界故
無報問何業幾思斷答

鼓五

十一

說有十二思 斷於黑報業 四思能斷白
一思二俱離

說有十二思斷於黑報業者黑業十二思斷
見道四法忍相應思及離欲界欲八無礙道
相應思四思能斷白者四思斷白業初禪離
欲第九無礙道相應思乃至第四禪離欲亦
爾以善有漏法最後無礙道斷故一思二俱
離者欲界離欲第九無礙道相應思滅黑業
及黑白業問世尊說曲穢濁此云何答

曲者從諂起 穢從瞋恚生 欲生謂為濁
世尊之所說

曲者從諂起者諂者說曲於曲相法所起業
名為曲彼曲果故諂者以不直故名為曲以
諂所礙難出生死難入涅槃譬如曲木穢從
瞋恚生者二種穢穢自身及他身故瞋恚者

名為穢於穢相法所起業名為穢彼果故欲生謂為濁世尊之所說者欲者染性故名為濁若業欲所起名為濁彼果故似果因說問幾種等起答

等起有二種 因及彼刹那 如前所迴轉此亦隨迴轉

等起有二種因及彼刹那者有二種等起因等起者我當作所作彼刹那等起者若心住作彼業問此二等起何等轉何等為隨轉答轉者謂彼前若彼因等起者名轉後者說隨轉彼刹那等起說隨轉問六識身何等為轉何等為隨轉答

若識修道斷 在意有二種 五種心說一餘者說有漏

若識修道斷在意有二種者修道所斷意識

教五

十二

亦轉亦隨轉以彼俱能起業故彼亦善不善無記彼善轉即善隨轉不善無記亦如是無記者威儀工巧彼威儀心轉即彼隨轉善穢汙心現在前去者不然以速起故如旋火輪工巧心亦如是前已說報生心不起身口業五種心說一者五識身說隨轉受自作故非轉無思惟故餘則說有漏者見道斷心說餘彼是轉能為因等起故非隨轉不以見道斷心等起身口業以微細故內向故若復見道斷心等起身口業者彼業為見道斷為修道斷為俱道斷若言見道斷者無有色見道斷明無明相違故若言修道斷者修道斷法而見道斷心等起者此則不應若言俱斷者則有可分此亦不然如契經說邪見人身口業說是見彼亦說因等起問何等為淨答

一切妙行淨 無學身口滿 所謂意滿者
即是無學心

一切妙行淨者若所有妙行一切說淨若身
妙行是說身淨如是比問有漏法有垢云何
說淨答煩惱相違故引導第一義淨故問云

何滿答無學身口滿無學身口妙行說滿所

第五

十三

謂意滿者即是無學心無學心說意滿牟尼
相故問以何等故色陰識陰說滿非餘答麤
細故心者第一義滿以身口業比知止息增
廣故煩惱熱不損故意語不壞故是故說阿
羅漢滿非餘問妙行淨滿何差別答所作是
故說妙行清淨故說淨牟尼故說滿復次愛
果故說妙行離煩惱故說淨離癡故說滿已
說業業果今當說
相似說依果 報則不相似 淨以不淨果

是則說為報

依果者謂善生善如是比當知說自分因報
果者謂淨不淨果如前說報因與果相似者
謂依果不相似者善不善因無記果

所謂解脫果 離欲見真說 以功力所得
是說功用果

所謂解脫果離欲見真說者解脫果謂斷也
以功力所得是說功用果者若果以功力所
招及斷是說功用果

種種相諸法 其果唯一相 是說增上果

除前所起法

若多相諸法相似不相似唯一果謂增上果
謂所作因除前所起法者除前生於後生非
果問增上果功用果何差別答所作事成為
功用果受用為增上果謂種植者有二果受

用者有增上果已總說果若彼果是業有今當說

有漏斷結業 五果是有果 無漏斷結道

彼則有四果

有漏斷結業五果是有果者世俗斷結道彼

業有五果彼後相似及增上枝五是依果彼業報

是報果彼結斷是解脫果彼所招及斷是功

用果除自己餘一切法是增上果無漏斷結

道彼則有四果者無漏斷結道彼業有四果

除報果餘果如前說

不善業四果 亦餘善有漏 餘無漏有三

無記業亦然

不善業四果亦餘善有漏者不善業四果除

斷結道諸餘善有漏業謂方便道解脫道勝

進道及聞等慧此諸業亦有四果除解脫果

餘無漏有三無記業亦然者除斷結無漏諸
餘無漏業及無記業有三果除報及果解脫
果

四二及三果 三四亦復二 三二三淨等
是說為業果

善業者以善法為四果除報果以不善為二
果功用及增上果以無記為三果除依果及
解脫果不善業者以善法為三果除報果解
脫果以無記法為四果除解脫果自分因徧
因以欲界身見邊見無記法為依果以善為
二果功用及增上果無記業者枝五以無記法為
三果依果功用果增上果以善為二果功用
果及增上果以不善為三果除報果解脫果
過去一切四 中未來亦然 中於中說二
未生未生三

過去一切四者過去業以一切三世法爲四果除解脫果不墮世故中未來亦然者現在業以未來法爲四果如前說中於中說二者現在業以現在法爲二果功用果及增上果未生未生三者未來業以未來法爲三果報果功用果增上果

自地自地四 或以他地二 若正思惟地亦有解脫果

自地自地四者自地業以自地法爲四果除解脫果如欲界繫以欲界繫乃至非想非非想亦如是或以他地二者他地業以他地法爲二果功用果增上果若無漏業以他地無漏爲依果若正思惟地亦有解脫果者定地或有解脫果謂無礙道所攝皆以一切三 三二一復五 三二次第說

謂是學等業

學業以學爲三果依果功用果增上果以無學爲三果亦如是以非學非無學爲三果解脫果功用果增上果無學業以無學爲三果依果功用果增上果以非學非無學爲二果功用果增上果以學爲一果增上果非學非無學業以非學非無學爲五果以學爲二果功用果增上果以無學爲二果亦如是

謂說三四一 四三及與二 四復一亦二是說見等業

教五

十六

見道斷業以見道斷法爲三果依果功用果增上果以修道斷法爲四果除解脫果以無斷法爲一果增上果修道斷業以修道斷法爲四果除解脫果以無斷法爲三果解脫果功用果增上果以見斷法爲二果功用果增

上果無斷業以無斷法爲四果除報果以見斷法爲一果增上果以修道斷法爲二果功用果增上果已說業有果身業口業四大造今當說

自地若有大身口業所依 無漏隨力得此即是彼果

自地若有大身口業所依者若欲界身口業即欲界四大造色界初禪地身口業即初禪四大造乃至第四禪亦如是以墮界故煩惱合故無漏隨力得此即是彼果者無漏身口業隨所依力得即彼地四大造若生欲界無漏初禪正受乃至第四禪彼身口業即欲界四大造一切地生亦如是不墮界故非煩惱合故若須陀洹斯陀舍阿那含果及向佛辟支佛聲聞波羅蜜道法智比智品依欲界身

教五

十七

現在前彼一切業欲界四大造若依色界身現在前彼一切業色界四大造學生無色界依五地未來戒成就若先彼地起無漏道即依彼地過去若彼得阿羅漢果彼捨學戒得無學未來依五地戒問世尊說三障此云何

答

無間無救業 廣生諸煩惱 惡道受惡報 障礙應當知

三障業障煩惱障報障謂障礙聖道及聖道方便故說障除此三障餘法雖爲障然此三障五因緣易見易知所謂處趣生果人彼業障者五無間業所謂害父害母害阿羅漢壞僧出佛身血此業報無間必生地獄中是故說無間有二因緣故得無間背恩義及壞福田被害父母是背恩無間餘者壞福田無間

罪最大者所謂壞僧次出佛身血次害阿羅漢次害母次害父此義雜品當廣說煩惱障者謂勤及利煩惱有衆生煩惱勤而不利應作四句勤而不利者數行輒煩惱利而不勤者增上煩惱不數行亦勤亦利者數行增上煩惱不勤不利者不數行輒煩惱彼輒煩惱勤而不利者此說煩惱障以依輒結便有中依中便增故若利煩惱不勤者非障以不數行故若俱者一切惡不俱者一切勝當知善根亦如是以行煩惱故建立障非成就者以一切衆生等成就煩惱故隨其所應彼煩惱障者當知黃門氣噓富蘭那等又復說難陀央掘魔鬱鞞羅迦葉如是比以說力故彼得見諦舍利弗等非其境界報障者惡道處鬱單越無想天處問此障何者最大惡答

數五

十八

所謂煩惱障 是說最大惡 無間業爲中報障則爲輒

三障中煩惱障最大惡次業障次報障以煩惱障能轉業障業障轉報障故又說報障最大惡以一切因時可轉果時不可轉故此則不然彼或有煩惱障成就或業障或報障或煩惱障業障或煩惱障報障無業障報障俱成就以因果不俱故彼業障者三方煩惱障報障者五趣問如所說無間業其罪最大謂壞僧僧壞有阿性答

謂不和合性 當知是僧壞 不隱沒無記是不相應行

僧壞者是不和合性不隱沒無記不相應行陰攝壞僧罪是妄語問何等誰成就答壞者則是僧 罪則壞僧人 彼受一劫報

無擇地獄中

壞者則是僧罪則壞僧人者僧成就壞壞僧人成就罪彼受一劫報無擇地獄中者壞僧罪無擇地獄中受一劫報若作餘惡行種餘地獄報彼或無擇彼後不能壞僧壞僧後作餘惡行彼一切皆無擇地獄果若多行惡行者所受身廣大而柔輒多受衆苦餘無間業後不能壞僧者要族姓端正戒聞才辯如是之人乃能壞僧以彼自立爲大師故犯戒者非增上問云何壞僧答

大師及是道 諸比丘異忍 破壞和合僧 所謂見行者

大師及是道諸比丘異忍破壞和合僧者謂比丘起如是希望提婆達多是我大師非瞿曇彼所制五法是道非八正當知是壞僧又

說受壽見聞俱增問何等人破僧答謂見行增上者行見人壞僧惡希望故非行愛人輕動故問爲在家人壞僧爲出家答比丘受具足比丘壞僧非在家非沙彌非比丘尼若彼心住壞僧即彼心是果六識身一一現在前壞僧覺亦如是問何處壞僧爲幾人答

三方極少八 是則羯磨壞 閻浮提至九 是則法輪壞

三方極少八是則羯磨壞者三天下羯磨僧壞極少者至八以四人名僧非三故若於一住處界內二部僧各別作布薩羯磨當知是僧壞問何處壞法輪爲幾人答閻浮提至九是則法輪壞閻浮提法輪壞非餘處以此有道則有異道若此有大師則有異師極少至九人乃至二部各別有一人僧所同者教僧

者僧隨順者教無慚無愧部謂提婆達也問
為壞聖僧為凡夫僧答凡夫壞非聖人以正
定聚故不壞淨故又說得忍凡夫亦不壞已
入法定聖僧世尊不壞眷屬故問住何分僧
不壞答

教五

二十

不結界前後 牟尼已涅槃 息肉未起時
及無第一雙 於此六時中 則無壞法輪
有六時僧不壞謂不結界結界因緣前已說
亦非前亦非後以此二分中僧一味故亦非
大師般涅槃後無異師故亦非未起惡戒惡
見息肉亦非未建立第一雙以僧壞不經一
宿別住第一雙還和合故或有欲令七因緣
不壞謂大師在眾彼無威光故非一切諸佛
悉有壞僧由行故問此五無間業何等最大
惡答

妄語破壞僧 於諸法最惡 第一有中思
是說最大果

妄語破壞僧於諸法最惡者壞僧妄語是為
最惡以轉法身故法者佛所重以彼廣方便
轉故壞僧者惱亂大眾故若僧壞未起昇離

生者不超昇離生亦無得果亦無坐禪學問
思惟業生大千世界法輪不轉若僧還和合
者未起是離生者超昇離生及得果離欲漏
盡坐禪學問思惟業生大千世界法輪復轉
問此說妄語最大罪又餘處說意業及邪見
教五
是諸大罪有何差別答五無間罪中妄語為
最大三業中意業為最大五見中邪見最大
復次報廣故妄語最大罪惱大眾故意業最
大罪斷善根故邪見最大罪問何等業最大
果答第一有中思是說最大果以彼思於非

三

想非非想處八萬劫壽以報果故說解脫果者金剛三昧相應思最大以彼思永斷一切煩惱得果故又說一思種八萬劫然後多思成滿如畫師先以一色作模後布眾彩又說一時正受一行一緣眾多思現在前於中或有思受十千劫壽有三十千劫四十千劫壽者此說大劫數

雜阿毗曇心論卷第三下

音釋

鞞駢迷切 鬱於物切 譏居衣切 電步角切 棘紀切
鞞鞞切 鬱鬱切 譏譏切 電電切 棘棘切
鞞鞞切 鬱鬱切 譏譏切 電電切 棘棘切

雜阿毗曇心論卷第四

鼓六

尊者法救造

宋天竺三藏僧伽跋摩等譯

使品第五

已廣說業彼業伴煩惱受種種生非離煩惱

煩惱今當說

一切有根本業侶生百苦謂彼有七使

牟尼說當思

謂欲有色有無色有此有貪欲等七使為種

以煩惱故業業故受生彼煩惱業伴生百苦

不離於業煩惱轉時作十事所謂根堅固分

相續起於田生依果種業者執自具愚於緣

引識流越善業急縛義不令作越界方便彼

智者當知此義如此七使為九十八今當說

界行種分別說有九十八十種修道滅

餘則見道斷

此七使界行種分別為九十八使彼七使中

貪欲使於九十八使中以種分別為五恚使

亦如有愛使界種分別為十慢使界種分

別為十五無明使亦如是見使行分別為五

行種分別為十二界行種分別為三十六疑

使界種分別為十二是為七使分別為九十

八問此九十八使幾見斷幾修斷答十種修

道滅餘則見道斷愛慢無明界分別為九瞋

恚為十餘八十八使見道斷彼於諦暫見則

斷故曰見道若數習道而斷故曰修道若見

道所斷是說見斷若修道所斷是說修斷如

是不覺心覺心九種一種九種九種破石方

便斷藕絲方便未見爾炎觀已見爾炎觀彼

斷時修四行道是見道斷斷時修十六行道

是修道斷對無事對有事亦如是已說使對治差別謂種種差別今當說

使有二十八 是障於見苦 彼當見苦時永盡無有餘

見斷八十八使中二十八障見苦故見苦斷

斷義此品後當說

見集斷十九 當知滅亦然 增三見道斷

十說修道滅

見集斷十九使障見集故見集斷當知滅亦然者見滅斷十九使亦如是增三見道斷者

二十二使見道斷十說修道滅者十使修道

斷如前說已說差別今當說使種差別界

第一煩惱種 在欲當知十 二種種有七

餘八見道斷

第一煩惱種在欲當知十者如前說初見苦

斷煩惱種彼十使欲界繫二種種有七者見集見滅斷各七使欲界繫餘八見道斷者見道斷八使欲界繫

欲界應當知 四是修道斷 謂餘上三界當知同可得

欲界應當知四是修道斷者若修道斷煩惱

四是欲界繫如是說欲界三十六使謂餘上

二界者餘六十二使在色無色界間幾色界

繫幾無色界繫答當知同可得彼三十一使

色界繫三十一使無色界繫已說界種差別

使自相今當說

所謂有身見 受邊見邪見 二取應當知

是五說名見

諸行從緣起而無知亂心愚夫於五受陰若自若共起我我所審爾計著是名有身見於

諸行受斷常審爾計著是名受邊見無施等

審爾計著是名邪見於有漏法受第一審爾

計著取見等除等故是名取見見於有漏行

受淨等審爾計著取戒等除等故是名取戒

見此五煩惱決斷故說見此一邪見邪決斷

故以行差別故說五見二取梵音中亦可言
摩亦可言疵並有竊

取義選擇義雖實與理乖而意存求
宗故言選擇所受非道故言竊取

貪欲疑瞋恚慢癡說非見 境界差別轉

建立種種名

貪欲疑瞋恚慢癡說非見者於彼境界樂著

名貪欲於諦或名為疑衆生非衆生數忿怒

名瞋恚族姓色力富勢伎術等方他卑等上

起意自高名為慢於諦愚名為癡此五煩惱

非慧性故非見是為十使境界差別轉建立

種種名者此十使境界差別轉故建立種種

名此諸使若障見苦說見苦斷如是障見集

滅道說見道斷

下苦說一切 二行離三見 道除於二見

上界不行恚

下苦說一切者下苦謂欲界苦彼一切十使

與見苦相違故見苦斷二行離三見者除身

見邊見戒取餘七使與見集滅相違故見集

滅斷道除於二見者除身見邊見餘八使與

見道相違故見道斷問何故身見邊見見苦

斷非餘耶答苦處轉故果處轉故見彼則斷

不遠隨至根此見不隨根故初見諦則斷問

何故戒取見苦見道斷非集滅耶答彼處起

故異學於彼二諦相違非集滅彼垢處故於

集諦欲洗浴處故於滅諦欲若內法者見苦

斷外法者見道斷問疑使何故不修道斷答

於事不見故疑於事見故斷彼力起見故無
有見修道斷上界不行恚者色無色界除恚
餘如欲界說彼色界見苦斷九見集滅斷六
見道斷七修道斷三無色界亦是問上二
界何故無恚耶答彼無有無慙無愧慳嫉憂
苦性故寂止養身故得慈心故無九惱性故
離不饒益相故一向不善故二果故是瞋恚
已說使界建立一切徧今當說

普徧在苦因 疑見及無明 是使一切種
謂在於一地

見苦集所斷疑見彼相應無明及不共此十
一使當知他地一切徧廣境界故自地如是
緣使五種上不使下非境界故離欲故斷知
故下不使上劣故非所使事故依果不可得
故當知見諦所斷是一切穢汙法因彼應如

第六

五

是何以故聖人不起無有愛瞋恚纏慢種現
在前者應說轉非分故無有愛者斷見所長
養隨斷見起彼斷見滅故瞋纏者邪見所長
養隨邪見起彼邪見滅故慢種者身見所長
養隨身見起彼身見滅故已說自地一切徧
他境界地今當說

他地爲境界 除二見如前 地地九徧使
非想則不然

前說十一一切徧除身見邊見餘九一切徧
從欲界乃至無所有處是他地一切徧彼欲
界見苦斷邪見若自若共謗色無色界果見
取受第一戒取受淨起疑或無明不了欲界
見集斷邪見若自若共謗色無色界陰因見
取於因受第一疑或無明不了如是初禪見
苦集所斷邪見若自若共謗七地苦集如是

廣說乃至無所有處見苦集所斷邪見若自若共謗一地苦集如是廣說非想非非想處地無地地一切徧無上地故界亦如是說無色界無他界一切徧無上界故問一切徧有何義答一切有漏種普緣義是一切徧義緣力持義是一切徧義一切起一切衆生一切事故名一切徧無有凡夫於有漏法本來不取我等行問何故身見邊見說自地一切徧非他地耶答見現境界故此見見現境界非下地生見上地雖上地生見下地前已說上地使不緣下地愛恚慢自相起故不緣他種况緣他未離欲者雖樂上地是欲非貪若緣苦邪見 是違於見苦 一地緣九地緣集亦復然

跋六

六

若緣苦邪見是違於見苦一地緣九地者欲

界見苦斷邪見緣九地苦從欲界乃至非想非非想處非一時謂欲界非色界無色界若異者則斷知壞及界壞初禪緣八地二禪七地乃至非想非非想緣非想非非想緣集亦復然者如說見苦斷邪見見集斷邪見亦如是問云何唯使是一切徧復餘法耶答若一切徧使 同一果諸行 當知一切徧非為諸得等

若一切徧使相應受等法及共有生等彼亦一切徧同一果故和合故相隨行故前後無不合故是名一切徧一果等非性故得非一切徧一切徧使三事故五種因緣五種使五種彼相應法五種因緣五種不使五種非使性故彼共有法五種因不緣五種不使五種是故說若一切徧使一切徧因作四句一切

徧使非一切徧因者未來一切徧使也一切徧因非一切徧使者過去現在一切徧使相應共有法也一切徧使一切徧因者過去現在一切徧使也非一切徧因非一切徧使者除上說

邪見疑相應 教六 及不共無明 七 滅道之所斷當知無漏緣

見滅見道斷邪見疑相應無明及不共無明此六使當知境界無漏緣彼見滅斷邪見謗於滅疑惑無明不了於滅處轉如是見道斷於道處轉問見滅斷邪見為見滅謗耶不見耶若見者不應謗以見故若不見者不應無漏緣答見謗但邪見如有處人想謗處彼亦如是問如欲界見苦斷邪見緣九地苦乃至非想非非想處緣一地見滅斷亦然耶答不

然問云何答

若滅境界見 自地諸行滅 是境界非餘

滅盡非因故

若滅境界見自地諸行滅是境界非餘者欲界見滅斷邪見緣欲界諸行滅非餘初禪初

禪乃至非想非非想處亦如是問何故非他

地答滅盡非因故滅盡者無為故非展轉因

非展轉因故自地諸行滅為邪見境界故非

餘謂善智亦如是者不然何以故轉生相違

故善智者行諦與轉生相違是故彼轉異穢

汙亦異以有漏地因果斷故謂見苦斷邪見

亦自地苦為境界者不然展轉相牽故若生

若依若立若因展轉因故問見道斷邪見云

何轉如見苦集斷耶如見滅斷耶答異轉問

云何答

若道境界見 彼見則緣道 展轉相因故
六地及九地

道者展轉相因故欲界見道斷邪見緣六地
法智品色界無色界八地見道斷邪見緣九
地未知品雖法智未知展轉相因若彼法欲
界愛所潤見我我所受彼諸對治應欲界見
道斷邪見緣非此煩惱他地緣如此論未知
亦如是說問滅道法智非色無色界法對治
耶是故彼智應為色無色界見道斷邪見境
界若非境界者亦不應說若法色無色界愛
所潤見我我所受彼諸對治應色無色界見
道斷邪見緣答俱不全故無過非全法智為
彼界對治雖滅道法智非苦集法智亦非滅
道法智全為色無色界對治唯修道法智對
治非見道彼初非分故是故汝所說不然譬

如樂根意行憂喜捨在意地因六識故立十
八意行欲界樂根不在意地故
不立意 問何故貪恚慢見取戒取非無漏緣

耶答

貪緣不應責 不為不饒益 寂靜第一淨
彼非無漏緣

智者見貪過若無漏緣者不應見過若不見
過亦不應斷若欲涅槃者是善法欲則非貪
愛不饒益故起瞋彼非不饒益不寂靜故起
慢而彼寂靜見取者第一行轉無漏法第一
若彼無漏緣者應是正見非煩惱不顛倒故
戒取亦如是問諸使何所使答九

欲界一切種 一切徧使使 緣縛於自地
上地亦復然

欲界一切種 一切徧使使緣縛於自地者欲
界一切徧使緣使欲界五種問色無色界云

何答上地亦復然如是色無色界自地一切

徧使緣使自地五種

謂彼諸餘使 當知緣自種 緣使自境界

一切所依品

謂彼諸餘使當知緣自種緣使自境界者餘

不一切徧及一切徧使自相境界故緣使自

種法一切所依品者若一切徧及不一切徧

若有漏緣若無漏緣彼各使自品相應法

若使無漏緣 他地緣煩惱 自品相應使

境界解脫故

若使無漏緣他地緣煩惱自品相應使者若

使無漏緣及他地緣自品相應使非緣使何

以故境界解脫故此使境界解脫以無漏法

解脫一切煩惱上地諸法解脫下地煩惱故

問一一使幾使使答

彼使身見者 見苦所斷種 見集一切徧

見苦餘亦然

彼使身見者見苦所斷種見集一切徧者謂

身見為見苦斷一切使所使以自種故及見

集斷一切徧所使廣境界故問見苦斷餘使

云何答見苦餘亦然如說身見當知見苦斷

餘使亦如是

如苦集亦爾 滅道有漏緣 盡使於自種

修道斷亦然

如苦集亦爾者如說見苦斷見集斷亦如是

滅道有漏緣盡使於自種修道斷亦然者如

是見滅見道修道斷亦如是差別者見滅見

道斷使自種有漏緣使盡使自種及一切徧

使使亦無漏緣相應使使問已知使諸使所

使諸使使誰為緣使使非相應使使乃至誰

非緣使使亦非相應使使答

見苦使自品 緣使及相應 見相應無明

緣使餘亦然

彼身見身見相應無明二種使使緣及相應
餘見苦斷使及見集斷一切徧緣使非相應
使不同品故餘使亦非緣使亦非相應使身
見相應非使法身見及相應無明相應使亦
緣使餘見苦斷使及見集斷一切徧使緣使
非相應使餘使亦非相應亦非緣如身見如
是邊見見苦斷邪見見取戒取疑貪恚慢亦
如是見苦斷無明於見苦斷無明及見集斷
一切徧緣使非相應使餘見苦斷使亦緣亦
相應使餘亦非緣亦非相應使如見苦斷見
集斷亦如是見滅見道斷有漏緣及修道斷
亦如是差別者若使相應可得即彼使相應

數六

十一

使使及緣使

若滅境界見 彼俱生無明 諸一切徧使

有漏緣相違

若滅境界見彼俱生無明者見滅斷邪見彼
相應無明相應使彼無明邪見相應使彼相
應法二俱相應使問餘使復云何答諸一切
徧使有漏緣相違若一切徧及見滅斷種有
漏緣使緣使餘非相應使亦非緣使以是義
故當知餘無漏緣使亦如是不共無明差別
者彼無相應使使
彼使與微入 隨入亦隨逐 是從三事起
當知不斷等
彼使與微入隨入亦隨逐者彼使者作也微
入者性也隨入者相應也隨逐者得也復次
使者如乳嬰兒微入者微細行也隨入者如

麻中油隨逐者如空行影水行隨問云何起
彼使答是從三事起當知不斷等三事故起
貪使因力境界力方便力彼貪欲使不斷不
知是因力貪欲纏所緣是境界力彼不正思
惟是方便力此說煩惱具足因緣不必要具
三事若必具三事起者不應退當知一切使
亦如是問諸使為不善無記耶答
身見受邊見 彼相應無明 欲界中無記
色無色一切

身見受邊見彼相應無明欲界中無記者欲
界身見邊見及相應無明是無記何以故於
施戒修不相違故若計我者行施令我後世
得樂亦持戒令我生天亦修道令我得解脫
斷滅見者順解脫復次此見於自事中愚故
起不為逼迫他起故計我者眼見色言我見

第六

十二

非眼見不以我見色逼迫他是故非不善餘
欲界煩惱是不善色無色一切者色界無色
界使一切無記正受壞故無苦受性故不善
者苦受報彼色無色界無非色無色界有欲
界報果報斷地故問何使何處轉答

貪欲瞋恚慢 過去或緣起 未來說一切
餘二世盡縛

貪欲瞋恚慢過去或緣起者過去貪恚慢是
自相煩惱故不能於一切有漏法起貪者不
能不見不聞不思惟境界起由方便故熾然
或時有人於眼起愛非餘身分恚慢亦如是
未來說一切者未來貪恚慢緣縛三世一切
有漏法以三世緣故餘二世盡縛者見疑無
明是餘彼共相起故若過去未來縛三世有
漏法現在使不定故不說若有者若自相煩

惱現在前即彼現在未來縛過去若於彼起已滅不斷問非為過去使斷即彼未來斷耶何故說過去起已滅不斷耶答不以等種故說有時增上中種先起彼若過去斷即彼未來斷於彼事中未來輒煩惱縛是故無過若十三六相煩惱現在前縛三世一切有漏法此則總說若五識身煩惱過去縛過去現在縛現在未來若生法縛未來若不生法縛三世事若意地者過去未來現在盡縛三世事問云何縛答若眼識身煩惱縛所緣色彼相應法相應縛彼相應法意入及法入如是乃至身識身煩惱縛所緣觸彼相應法相應縛若意地煩惱縛所緣十二入彼相應法相應縛彼相應法意入及法入彼婆蹉部說人成結成事成阿毗曇者說人不成結成事成譬喻者

說結成人不成事不成境界不定有欲無欲故有時於彼起欲起恚起慢起嫉起厭起悲起捨已說使世建立次第今當說煩惱次第起 自地於自地 上地亦生下當知隨次生

煩惱次第起自地於自地者自地一切使於自地一切煩惱次第轉一一次第生一切上地亦生下當知隨次生者上地煩惱次第生下地煩惱彼染汙心命終起下地中陰生陰彼非想非非想地次第生八地乃至梵世次第生欲界問此諸煩惱世尊說軛流取受漏縛彼云何答 泄漏與結縛 以是義故說有軛漂流取 軛流取漏縛 苦所軛故說軛彼四種欲軛有軛見軛無明

輒問何故五見說見輒一無明立一輒耶答
 等擔故問何故色無色界結除見無明餘立
 一有輒耶答等正定地故及隱沒無記故漂
 衆生故說流彼亦四種如輒說取有故說取
 極執故彼亦四種欲取見取戒取說我取問
 何故無明說輒流而不說取耶答非捷疾行
 故執受義是取義捷疾行彼無明非捷疾行
 以愚故不說取問何故四見說見取一取說
 戒取耶答等擔故謂彼能熾然業及違道故
 內外可得故外道不食等苦作道想內道糞
 掃衣等作道想問何故色無色界結說我取
 非欲界耶答內處起故色無色界結內向起
 自己緣故欲界結外向起故是故說欲取一
 切入處當漏故心漏連注故說漏彼三種欲
 漏有漏無明漏問何故說見流見輒不說見

漏耶答注義是漏義此見捷疾於注不順是
 故餘不捷疾煩惱雜已說漏漂義是流義見
 於漂順是故建立流苦繫義是縛義問輒流
 取漏縛有何性答
 數有二十九 亦說二十八 三十六十五
 欲等輒流性
 彼欲輒性二十九貪五恚五慢五疑四十纏
 纏此品後當說有輒二十八愛十慢十疑八
 見輒三十六五見界行種分別三十六無明
 輒界種分別有十五流亦如是
數六 謂前三十四 次種說三十 第三者說六
十五 第四三十八
 欲取性三十四貪五恚五慢五無明五疑四
 十纏見取三十除戒取戒取性六戒取界種
 分別有六說我取性三十八愛十慢十無明

十疑八色無色界有二纏睡及掉纏非界種

分別前已說故此中不說

說彼欲漏性 當知四十一 有漏五十二

無明漏十五

欲漏性四十一貪五恚五慢五疑四見十二

十纏有漏性五十二愛十慢十疑八見二十

四無明漏性十五此百八煩惱軌義故說軌

漂義故說流取義故說取漏義故說漏問諸

煩惱種云何起答

無知故猶豫 猶豫故邪見 因此邪見故

轉生諸身見

初以無知故苦不欲乃至道不欲是名無明

無明故猶豫苦非苦耶乃至道非道耶是無

明轉生疑疑故求決定若得正方便生正決

定則有苦集滅道若邪方便生邪決定則無

苦集滅道是疑轉生邪見若此非苦者則是

我是邪見轉生身見

從是起邊見 戒取戒想取 於彼決定已

次第生見取

彼於我見變壞便見斷若見相似相續便見

常是身見轉生邊見若見一邊淨是邊見轉

生戒取若淨者是為第一是戒取轉生見取

自見則生欲 他見則起恚 自見舉名慢

從使轉生纏

彼自見生染他見起恚自見舉慢是從見起

貪恚慢從使生上煩惱纏問何者是答十六

無慙與無愧 睡悔慳嫉掉 眠忿及與覆

是上煩惱纏

十纏所謂無慙無愧睡悔慳嫉掉眠忿覆此

相行品已說謂此是使依依者梵音臘山地 臘山地義言津液

謂纏是使之津液如酥蜜瓶津液流出 問何纏何使依答

無愧睡與眠 此三無明依 掉慳及無慙

是從貪欲生

無愧睡與眠此三無明依者無愧睡眠當知

無明依問若彼纏是無明依者與無明相應

耶答若無明依即無明相應或無明相應非

無明依者餘七纏是掉慳及無慙是從貪欲

生者掉慳無慙纏是貪欲依問若纏是貪欲

依即彼相應耶答作四句依不相應者慳纏

是相應不依者無愧睡眠是亦依亦相應者

掉及無慙是非依非相應者除上說

覆纏二使依 悔則因猶豫 忿嫉瞋恚依

明智之所說

覆纏二使依者或說覆纏是愛依以愛力故

覆藏有說是無明依以無知力故覆藏悔則

數六

十七

因猶豫者悔纏是疑依忿嫉瞋恚依明智之

所說者忿纏嫉纏是瞋恚依問此煩惱垢有

六為何依答 急縛是纏義輕繫是垢義是十纏六垢差別義也

所謂煩惱垢 害恨瞋恚依 誑高依貪欲

是義應當知

所謂煩惱垢害恨瞋恚依者害及恨是瞋恚

依誑高依貪欲是義應當知者誑高垢是貪

欲依

所謂五邪見 諂依由是生 說依見取果

是惱應當知

所謂五邪見諂依由是生者五見起諂依捷

疾故說依見取果是惱應當知者惱垢是見

取依問何纏與何煩惱相應答

一切煩惱俱 說睡及與掉 無慙不善俱

無愧亦復然

一切煩惱俱說睡及與掉者此二纏一切煩惱相應一切穢汙心不寂靜故當知掉煩惱現在前心無所堪故當知睡雖掉掉不相應及睡睡不相應自性故以少故不說當知使即煩惱彼纏一切煩惱俱故五種六識身三界不善及無記無慙不善俱無愧亦復然者此二纏一切不善使相應一切不善心現在前壞恭敬不畏罪是故彼纏說五種六識身不善故欲界繫

悔在於意苦 修道之所斷 眠唯在欲意
餘各自建立

悔在於意苦者悔在意地捷疾故以愁感起故憂相應故苦受所攝故在欲界問此何斷答修道之所斷善行惡行中生故修道斷眠唯在欲意者眠在欲界意地眠時一切煩惱

教六

十八

共行是故欲界一切煩惱相應餘各自建立者餘纏上煩惱各自建立所謂念覆慳嫉不與餘使相應除無明當知悔亦自建立餘煩惱行非性故問何故慳嫉立九結中非餘耶

答

所謂慳與嫉 獨立離於二 是故此二纏立於九結中

慳嫉二纏自力起故獨立一向不善故離於二以是故立於九結中睡掉者一切煩惱俱故不獨立不善及無記故不離二眠亦與餘使相應故不獨立善不善無記故不離二無慙無慙雖離二而不獨立悔雖獨立而不離二善不善故念及覆雖獨立亦離二或有欲令是使性彼記有八纏悔眠若善者當知非纏纏一向穢汙故問愛何故立一結而二使

或三或六耶答得一縛相故立一結正定地
 不定地故說二使界別故說三依別故說六
 問何故三見立見結二見立他取結耶答名
 等故事等故身見邊見邪見是女名十八使
 自性是故立一結他取結是男名彼亦十八
 使自性是故立一結是故如是說若見相應
 法愛結繫非見結亦非不見使使若集智生
 滅智未生見滅見道斷見取戒取相應法愛
 結繫以愛結有漏緣故非見結以彼一切徧
 見結斷故雖自種見結不斷而不緣彼無漏
 緣故非相應異品故非見使不使以五見為
 見使三見為見結故已說煩惱自性根相應
 今當說
 諸使在三界 盡捨根相應 隨地諸根使
 相應至色有

諸使在三界盡捨根相應者三界一切使捨
 根相應何以故隨順一切煩惱故與欣感及
 俱煩惱轉行故以一切煩惱皆處中而息故
 若異者無離煩惱是故捨根得五種六識身
 三界隨地諸根使相應至色有者謂喜根樂
 根乃至梵世彼諸使喜根樂根相應光音天
 亦有喜根彼地使喜根相應徧淨天有樂根
 彼地使樂根相應果實天有一捨根彼諸使
 捨根相應非餘愛等是欣煩惱恚疑是感煩
 惱邪見是俱煩惱捨根悉與
 彼相應同
 共一緣行
 邪見及無明 欲界中樂苦 瞋恚疑唯苦
 謂餘一向樂
 邪見及無明欲界中樂苦者邪見起惡業則
 喜淨業則憂無明一切根相應瞋恚疑唯苦
 者欲界疑不決定故不喜是故苦受相應初

禪二禪無餘根性與喜根相應欲界喜根麤
故衆生不應起而起如貧賤人常戲笑隨彼
事不應起而起欲界疑微細故不與喜根相
應瞋恚憂感行起故苦受相應謂餘一向樂
者欲界餘煩惱樂行起故樂受相應

謂熏二相應第六見斷唯應意二十欲界諸煩惱

說諸根相應

謂熏二相應者修道斷煩惱名為熏身受相
應及心受若六識身彼五根相應如所起隨
其義說彼苦根欲界樂根五識身喜根憂根
意地捨根六識身一切身受修道斷意俱有
見斷唯應意者見道斷煩惱在意地意識諸
根相應非隨事起故欲界諸煩惱說諸根相
應者此說欲界諸煩惱上地隨地根相應亦
如是說問諸纏何根相應答睡掉無慙無愧

五根相應眠三根除樂根苦根念悔嫉恨害
惱憂根及捨根覆誑諂三根除樂根苦根慳
喜根及捨根高三根除苦根憂根以高意地
故三界喜行轉故問諸使幾識相應答

貪欲瞋恚癡當知六識俱謂欲隨道斷
上地隨所得

貪欲瞋恚癡當知六識俱謂欲修道斷者欲
界修道斷欲恚無明六識相應上地隨所得
者色無色界無瞋恚愛無明隨有識身即彼
相應謂梵世四識身可得即彼地二使四識
相應第六三

無色界一切 非事慢意地 當知彼七使

自性果及人

無色界一切者謂使無色界見道斷及修道
斷非事慢意地者欲色界見道斷及慢此諸

使在意地雖上三禪亦意地以界分別故不
說地問云何知使答當知彼七使自性果及
人三事故知使謂自性果及人彼自性者貪
欲使如興渠熏瞋恚使如苦種子有愛使如
嬰兒衣慢使如憍人無明使如愚癡人見使
如迷失道疑使如惑二道果者貪欲使修習
多修習生鴛鴦雀等衆鳥中瞋恚使修習多
修習生虺蛇中有愛使修習多修習生色無
色界慢使修習多修習生卑賤中無明使生
闇冥中謂世界中間見使生邪見家疑使生
邊地及人者貪欲使當觀如難陀等瞋恚使
如央掘魔等有愛使如阿私多阿羅蘭鬱投
藍子等慢使如慢高兒等無明使如鬱鞞羅
迦葉等見使如須那刹多羅等疑使如摩訶
迦葉等以此三事知使者則能遠離如知嶮

道滿煩惱爲使不滿煩惱爲纏是故纏不立
使煩惱垢亦如是以是五事具故名滿煩惱
五事者謂諸結縛使上煩惱纏若一一不具
名不滿煩惱已說煩惱建立斷煩惱今當說
一時斷煩惱 正智之所說 如此諸解脫
亦非一時得
一時斷煩惱正智之所說者此諸煩惱頓斷
不漸漸謂自分對治起時而苦法忍起欲界
見苦所斷十使頓斷苦未知忍色無色界十
八使頓斷如是乃至道未知忍十四使頓斷
修道教六輒輒聖道起上上四使頓斷乃至上上
聖道起輒輒四使頓斷如是一切地問見道
一時斷應爾以一種道斷九種結故修道斷
者以九種道斷九種結云何一時斷答修道
斷者若此種對治起即此種頓斷不漸漸初

已斷故如此諸解脫亦非一時得者彼諸解脫數數得謂欲界見苦諦斷及色無色界見苦集滅斷六時得謂自分對治時及四沙門果時及增益根時色無色界見道斷五時得除自分對治以道未知智初得故欲界修道斷五種五時除須陀洹果三種四種時輒輒種三時色無色界七地及非想非非想地八種三時除前三沙門果輒輒種二時阿羅漢果及增益根問諸煩惱云何斷答

謂彼緣中覺 及說彼緣斷 亦說得對治又復彼緣滅

四事斷煩惱謂知緣緣斷得對治彼緣滅知緣者見苦見集斷自界緣及無漏緣緣斷者見滅見道斷有漏緣得對治者修道斷彼緣滅者他界緣復次五事斷煩惱謂因永滅得

數六

三五

斷轉依知緣得對治已說斷煩惱因緣建立斷知今當說

欲界中解脫 聖說四斷知 離色無色界當知五斷知

九斷知欲界煩惱斷立四斷知色無色界煩惱斷立五斷知雖智知而斷是智果故說斷

知如業果亦名業

苦集煩惱盡 總說一斷知 滅道斷各一

如欲上亦三

彼欲界見苦見集斷煩惱盡立一斷知見滅

斷二見道斷三如欲界色無色界見苦見集

斷亦立一見滅斷二見道斷三此品後當廣

說

修道斷當知 界界斷說一 三斷是智果

餘則說忍果

欲界修道斷一斷知色界斷二無色界斷此
 三當知是智果問以何等故色無色界見道
 立一斷知修道斷立二耶答見道斷同對治
 故修道斷不同故問餘斷知何果答餘則說
 忍果見道斷盡六斷知說忍果忍對治故見
 道斷盡若言忍果五斷知者不然謂忍智眷
 屬故與智同一果故若故見道修道斷俱得
 名智果已說斷知是智果謂若地若道若法
 智未知智若彼同品果今當說

初地說一切 禪五亦復八 無色說一果
 眷屬果亦然

初地說一切未至依具九斷知果彼三界對
 治故禪五亦復八者阿毗曇者說根本禪五
 斷知果謂色無色界煩惱斷如前說尊者瞿
 沙說有八除五下分結盡斷知是未至依果

第六

三四

故彼欲令欲界見諦斷盡是禪果禪中間如
 禪說無色說一果者三無色定說一斷知果
 一切結盡是眷屬果亦然者空處眷屬亦說
 一斷知果色愛盡是雖四修地修道斷盡建
 立斷知但第四禪鞅鞅種盡得斷知名是故
 說是空處眷屬果

世俗道果二 聖九法智三 未知智說二
 彼品果六五

世俗道果二者五下分結盡及色愛盡是世
 俗道果謂聖人以世俗道斷二界結故聖九
 者一切九斷知是聖道果以聖道對治一切
 煩惱故法智三者三斷知是法智果五下分
 結盡色愛盡及一切結盡是以修道法智斷
 三界結故未知智說二者二斷知是未知智
 色愛盡及一切結盡是以色無色界修道

果故彼品果六五者法智品果有六斷知欲
界見道斷三及前說法智果三未知智品五
斷知果色無色見道斷三及前說未知智果
二問誰成就幾斷知答
或有諸聖人 未成就斷知 或成一二三
四五及與六 疑六
見道五心頃不成就斷知集法智集未知忍
一集未知智滅法忍二滅法智滅未知忍三
滅未知智道法忍四道法智道未知忍五須
陀洹六向斯陀舍果者若倍欲盡超昇離生
如前說若次第向成就六斯陀舍果亦六向
阿那舍果若欲愛盡超昇離生如前說若次
第向成就六得阿那舍果一下分結盡是向
阿羅漢果者若色愛未盡一色愛盡二阿羅
漢果一切結盡斷知是問誰捨幾斷知答

捨一二五六 如捨得亦然 得果及度界
二處斷知集
捨一二五六者羅漢果退捨一斷知色愛盡
阿那舍色界纏退捨一若色愛未盡欲界纏
退捨一色愛盡阿那舍果欲界纏退捨二得
阿羅漢果捨二若欲愛盡超越阿那舍捨五
次第捨六問誰得幾斷知答如捨得亦然或
有得一斷知見道第六第八第十第十二第
十四乃至道未知智心一一得一次第阿那
舍果得一五下分結盡是聖人色愛盡一色
愛盡是阿羅漢果一切結盡是得二者阿
羅漢無色界纏退得六者若阿羅漢若阿那
舍欲界纏退無有得五者是故經中無問此
斷知何處集答得果及度界二處斷知集此
斷知二處集阿那舍果阿羅漢果以彼處得

果即彼度界是故下分結上分結斷時得道
未知智生六種斷雖得果非度界色愛盡雖
度界非得果餘非度界亦非得果是故此諸
斷知處不名為集已說建立自性果成就捨
得集若因緣彼斷得斷知名今當說

謂彼二因滅數六 離繫及度界三六 得於無漏得

及缺第一有

以四因緣故或五彼斷得斷知名見道四因
緣謂俱因滅俱繫離得無漏解脫得及缺第
一有彼苦法忍苦法智苦未知忍生非俱因
滅雖見苦斷因滅非見集斷以是義故非俱
繫離雖得無漏解脫得未缺第一有故如是
一因緣合三因緣不合苦未知智集法忍生
雖得無漏解脫得及缺第一有餘二因不具
是故此處不立斷知集法智生俱因滅謂先

見苦斷因滅今見集斷因滅當知亦是俱繫
離得無漏解脫得苦未知智生時已缺第一
有是故此處建立斷知集未知智生一切因
緣具是故此處建立斷知如是滅法智第三
滅未知智第四道法智第五道未知智第六
此說見道也修道斷五因緣前四及界永斷
是為五欲界修道斷煩惱九種展轉相縛乃
至非想非非想地亦如是彼欲界一種斷乃
至八種具二因緣謂得無漏解脫得及缺第
一有三因緣不具第九種滅具五因緣是故
此處建立斷知數六初禪一種斷乃至八種具二
因緣非餘如前說第九種斷具四因緣一因
緣不具謂度界第二第三禪及三無色亦如
是第四禪地乃至八種斷具二因緣非餘第
九種斷具五因緣是故此處建立斷知非想

非非想亦如是以是義故凡夫離欲不立斷
知以彼不得無漏解脫得亦不缺第一有故
已說斷知三種境界五種愛生今當說

好境俱不俱 彼二種愛生 惡境二亦然
一則謂為捨

好境俱不俱彼二種愛生者好名可愛樂境
界若得彼境界不離愛生云何令我於此事
不離若未得者想得愛生云何當得惡境二
亦然者惡名不可愛樂境界彼亦二種愛生
俱者離想愛生不俱者不得想愛生一則謂
為捨者捨名境界非可愛樂非不可愛樂一
向愚愛生問彼使為心相應為不相應此何
所疑二師異說故毗婆闍婆提欲令不相應
育多婆提欲令相應於此有疑答相應何者
謂使煩惱心 障礙不違淨 妙善心可得

非不相應使

使有二事故惱心緣及相應若使心不相應
者不應於緣中惱心以彼無緣故一切心不
相應法無緣亦不相應非相應法故心為使
所惱如所說貪欲惱心故心不解脫以此說
故知使心相應障礙者若使心不相應者道
生時不應障礙不違心相續故以障礙故非
不相應不違淨者若使心不相應不應與善
心相違與善心一時俱生不應作過作過故
是故非不相應復次妙善心可得功德相違
故名使若使心不相應者彼常行故善心應
無生處善心生故當知非不相應復次說著
相等故云何貪使謂染著相云何瞋使謂心
法惱云何慢使謂心法舉如是比是故使心
非不相應若纏善心相違非使者不然何以

故得使相故貪欲纏故名貪欲纏如是比不
說差別因俱是貪欲而言纏相應使不相應
者但有言說竟不說差別因緣若言纏以使
為種子者所說不成因不相應果相應故有
過是故使非不相應

雜阿毗曇心論卷第四

音釋

也	疵	疾之	蹉	七	何	軛	於	掉	徒	切	忿	撫
慢	切	切	切	切	切	切	切	切	切	切	切	切
倨	莫	晏	切	許	偉	切	切	並	所	角	切	怒
也	也	也	也	也	也	也	也	也	也	也	也	也

卷四

字九

雜阿毗曇心論卷第五上

鼓七

尊者法救造

宋天竺三藏僧伽跋摩等譯

賢聖品第六

已說諸煩惱修行今當說

初則名始業

次則已習行

思惟已度者

當知第三種

三種修行謂始業已習行思惟已度始業者不淨轉未曾得境界意解思惟分已習行者受自相念處轉未曾得決定分善根此上當知思惟已度以此上一乘道故復次不淨觀亦三種修行謂從足指起乃至頂際去皮血肉意解思惟是名始業於此骨鎖不作想生周徧大地又觀骨鎖不作想彼骨鎖展轉相對大風飄搏消為雪聚是名已習行略觀骨

鎖還至自身於其所緣清淨寂靜唯觀一色是名思惟已度如是乃至略境界當知善根漸增當知一切餘方便善根亦如是已說修行餘今當說

若此煩惱怖 遠離諸賢聖 如實正具足

方便應善聽

若者若種若方便若分別此者次第說示煩惱煩惱者熱惱故亦離一切有漏但煩惱過如毒飯是故說離煩惱眾恐怖本者起種種業種種生遠離者數滅滅賢聖者正定聚謂七人及真實凡夫如實正具足者謂住真實道方便應善聽者彼方便道當一心聽方便者一切善法方便向解脫行施等起非唯道三苦所逼迫世間不能覺欲令修定故始於自身分 繫縛心令定 欲縛於識足

爲盡智慧怨

始者先也自身分者自身中一處也若眉間
鼻端及足指繫縛者安立緣中令不散何所
安立謂自心定力故起智慧問何故答欲縛
於識足心流轉不住故縛一緣中一心故知
真實不亂問何故縛一緣中答爲盡智慧怨
智慧怨者謂諸煩惱彼應斷雖觀他身如觀
死屍契經說以彼遠因故此說近因觀又隨
順一切度門故謂觀白骨身分隨順三度門
觀死屍唯隨順一不淨度門三度門者謂不
淨觀安般念界方便觀彼貪欲者以不淨觀
度覺觀者以安般念度見行者以界方便觀
度如師所授隨樂修行不淨觀安般念契經
品當廣說界方便觀今當說此以愚夫不正
思惟障蔽慧眼不觀真實緣起之法宿業煩

惱種無量法積聚五陰起積聚想以愚惑故
於緣起所作中計我作等諸邪見縛或時修
行近善知識得聞正法起正思惟已能於此
身界方便觀此身種種自性種種業種種相
謂地等六界彼地界爲水界潤故不相離水
界爲地界持故不流散火界成熟故不淤壞
風界動搖故得增長空界空故食等入出識
界合故有所造作又觀此身從足至頂種種
不淨穢惡充滿觀察此色猶如猛風飄散積
沙於無色法先後相續異分觀察如是觀者
得空解脫門種子於彼生死厭離不樂得無
願解脫門種子於生死不樂已正向涅槃得
無相解脫門種子若於此得不作想覺已觀
一切有爲皆悉散壞是名界方便滿問如是
觀已復云何答

是方便於身 真實相決定 諸受及自心

法亦如是觀

彼修行者不淨觀安般念界方便觀一一住
已身受心法各觀真實真實者不顛倒相者
二種謂自相及共相色相是身自相四種及
所造隨覺相是受自相識相是心自相法念
處有種種法種種各異相隨知是想相爲作
是思相如是比共相後當說問此念處如大
地建立應說一有漏無漏分別應說二輒中
上分別應說三即此有漏無漏分別應說六
身等有漏無漏分別應說八九品分別應說
九身等若內若外若內外分別應說十二九
品有漏無漏分別應說十八身等輒中上有
漏無漏分別應說二十四身等若內若外若
內外若厭離若不樂若觀察分別應說三十

六身等九品有漏無漏分別應說七十二若
念念分別應說無量何故說四念處耶答四
倒四食四識住及陰以四種修所治故說四
種隨修法彼治不淨淨想顛倒故說身念處
治苦樂想顛倒故說受念處治無常常想顛
倒故說心念處治無我我想顛倒故說法念
處如是餘種隨所應說問此念處云何滿答
以二因緣滿謂壞境界及善根增壞境界者
以極微刹那壞境界隨其義善根增者謂依
輒善根中依中增是名爲滿問何故前說身
念處後乃至法念處耶答起隨順故世尊說
三種隨順起隨順說隨順無間等隨順起隨
順者謂念處及禪無色修行者前起身念處
乃至後起法念處是故世尊前說身念處乃
至法念處當知禪無色亦如是說隨順者正

斷如意足根力覺道支乘一刹那起精進具
四正斷說易故已生惡不善法方便令斷乃
至已生善法方便令住如是廣說如是正斷
以所作故說四正斷非性故無間等隨順者
說真諦修行者先入苦無間等故是故前說
如是廣說問何故修行者先起身念處乃至
法念處耶答麤故五陰何者麤謂四種及所
造是故先觀受雖非色以行麤故次說謂手
足等痛受則隨轉雖想行陰麤非識而與涅
槃合施設法念處故彼最細是故先觀心後
觀法雖一切悉是法此於法想滿故建立是
故說一法念處非餘如界品中說法入此中
亦爾想滿者於聲是想於義是名名滿也問幾種念處答
三種說念處 自性及與共 亦說名為緣
聞等慧亦然

教七

五

三種說念處自性及與共亦說名為緣者三
種念處謂自性念處共念處緣念處自性念
處者說不顛倒慧何以故如說順身身觀觀
者是慧念者所作事不忘授緣故除自性過
故說念處共念處者與正慧一果法如世尊
說比丘善法積聚謂四念處是為正說緣念
處者一切法如所說比丘一切法說四念處
是為正說也攝受具故及略緣故共念處斷
煩惱非餘自性念處雖有略境界彼具不足
故攝受具道斷煩惱緣念處雖攝眾具然境
界普散故略境界道斷煩惱問唯此念處三
種餘亦然耶答聞等慧亦然餘亦三種謂聞
思修聞者常於名處起從師受契經律阿毗
曇思者或思處起或離思修者一向離名起
如三人學浮一始學二半學三善學始學者

近岸半學者或近或離善學者離岸初人者
譬聞慧第二者譬思慧第三者譬修慧修慧
能斷煩惱永離名故及正定故謂二種無義
者不然何以故趣修慧故修慧者具四念處
身受心法彼法念處斷煩惱非餘總境界故
非餘事境界故趣法念處故亦非無義法念
處二種壞緣不壞緣若慧緣色是身念處若
緣受是受念處若緣心是心念處若緣想行
及無為是不壞緣法念處餘今當說
入法中總觀 得法真實相 此四是無常
空無我非樂
入法中總觀得法真實相者修行者入不壞
緣法念處修一一念處徧觀一切法自相共
相已入壞緣法念處色受緣念處色想緣色
行緣色識緣如是三四五陰緣是法念處成

第七

六

一切身受心法念處一覺總觀度此云何此
四是無常空無我非樂以無常等行總觀一
切有漏法彼念念滅故無常離常等故空不
自在故無我實逼迫故苦
從是名為煖 於法覺而生 十六行等起
觀察四聖諦
從是名為煖於法覺而生者彼修行者於壞
緣法念處次第生善根名為煖問幾行何境
界答十六行等起觀察四聖諦彼煖法行苦
諦等十六行苦聖諦四行乃至道聖諦四行
行義智品當廣說彼煖法生緣三諦法念處
現在修未來四一行現在修未來四自分非
不自分緣滅諦法念處現在修即此未來修
非初離陰觀得修緣陰道一行現在修未來
四緣三諦增進四念處一一念處現在修未

來四一行現在修未來十六緣滅諦增進法
念處現在修未來四一行現在修未來十六
修未增善根修自分行增善根現在修修自
分不自分行煖法是慧性隨轉法則五陰性
煖者生聖智火故煖為種故說煖法

是法增長已教七 生頂及於忍 得世第一法
依於一剎那

是法增長已生頂及於忍者修行者正方便
正意念增長得隨順善業眾具故煖法得增
長次生善根名為頂緣四聖諦行十六行彼
頂法緣四諦緣滅諦增進法念處現在修未
來四一行現在修未來十六緣三諦增進四
念處一一現在修未來四一行現在修未來
十六此善根亦慧性隨轉法五陰性頂法者
在煖上故曰頂劣於忍名為下或時世尊說

信如為波羅延說或說慧如為諸年少比丘
說受事於此頂退名頂墮煖亦應有墮但不
說頂墮者以多憂惱故有三處起大憂惱如
失大寶謂非想非非想離欲退離欲界欲及
頂法退退者名不成就性彼修行者於此正
方便成就頂善根增進生諦順忍緣四諦行
十六行初忍及增進法念處現在修未來四
一行現在修未來十六忍者於四聖諦堪忍
欲樂煖頂亦堪忍者不然忍不退故違惡趣
故近聖道故是故說諦順忍非煖頂問忍增
長生何善根答得世第一法依於一剎那謂
增上忍次第緣生凡夫所得最勝善根名世
間第一法此亦五陰性彼有漏故名世間勝
煖等故說第一此亦凡夫所修最上功德一
剎那不住故似見道故煖頂忍相續故有說

彼修慧一切總觀法念處次第生決定分世間行善根彼建立九品彼軟軟軟中軟上名煖法中軟中中名頂法中上上軟上中名忍法上上名世間第一法若觀陰無常等善根名煖法觀三寶功德名頂法觀察聖諦名忍法觀苦聖諦次第聖道名世間第一法彼得煖法已若退捨若命終捨若度界地捨亦起無間業斷善根生惡趣中緣此福故要得涅槃頂法退亦如是唯除斷善根忍則不退有命終捨及度界地捨不作無間業不斷善根不墮惡趣以忍大力故如師子王群獸遠避忍力如是一切惡心非數滅亦如大王之所住處人天惡行心皆柔軟問世間第一法何緣幾行答

下苦有四行 說攝依六地 忍法亦如是

謂餘或依七下苦有四行者欲界苦說下彼世間第一法所緣無常苦空無我行轉非餘似見道故有二種修行者愛行及見行愛行有二種我慢行及懈怠增見行亦二種我及我所計著我慢者修無常行世間第一法懈怠增者修苦行我行計著者修非我行我所計著者修空行問幾地所攝答謂攝依六地未來中間根本四禪非欲界無定故非無色界無見道故問餘決定分善根幾地攝答忍法亦如是謂忍六地攝如世間第一法謂餘或依七煖頂亦六地尊者瞿沙欲令欲界亦有問已說決定分次第起聖道次第起復云何答

世間第一法 次生苦法忍 忍次生於智 俱觀於下苦

世間第一法次生苦法忍者世間第一法次第生苦法忍欲界見苦斷十使對治是則初無漏無礙道復次世間第一法次第不作不向不行捨邪業邪趣邪見邪業者五無間業邪趣者惡趣邪見者五見又世間第一法分苦法忍作五種定謂地定行定緣定刹那定次第緣定地定者若此地世間第一法即此地苦法忍行定者若此行世間第一法即此行苦法忍緣定者必同緣故刹那定者若此刹那背即此刹那生次第緣定者世間第一法次第必生苦法忍增上忍分作三種定除刹那及次第緣以是故緣苦忍後得超昇離生彼思惟欲界苦及色無色界苦乃至色無色界行對治是名下忍彼復思惟欲界苦乃至欲界行對治捨色無色界行對治是中忍

彼一一諦觀察捨遠乃至欲界苦相續修然後復捨相續乃至欲界苦一刹那思惟是增上忍然後生世間第一法忍次生於智者苦法忍次第生苦法智解脫道自性問此忍智何緣答俱觀於下苦下苦是欲界苦彼俱觀謂色無色苦 集滅道亦然 此法無間等是說十六心
謂色無色苦者色無色界苦亦如是苦比忍無礙道苦比智解脫道集滅道亦然者集滅道諦亦以二忍為無礙道二智為解脫道此法無間等是說十六心者此十六心項為法無間等無間等是見義此十五心項是見道最後一心是修道問何故三諦忍及智見道攝道諦最後心修道攝耶答修十六行道故道比智相應修十六行非見道修十六行道

比智相續故果道所攝謂不應者不然如盡
智成者此則成若此非分者無學道亦非分
略說三地見地修地無學地於此諸地建立
人如其義今當說

隨法行利根 此在十五意 隨信行鈍見
當知亦在中

隨法行利根此在十五意者見道十五心
若利根說隨法行隨法行故說隨法行不從
他信故隨信行鈍見當知亦在中者即此十
五心人若鈍根者說隨信行信他得度故隨
信行者少觀察隨法行者多觀察

隨信隨法行 若具煩惱縛 乃至五種斷
當知向始果

此隨信隨法行人若具煩惱縛若一二三四
五種斷名向須陀洹果煩惱上上等等分別故

故七

十一

立九品彼若凡夫時未曾斷一品名具縛若
斷一品名不具縛若斷五品超昇離生欲斷
見苦斷五品斷苦法智得解脫證乃至見道
斷五品斷道法智得解脫證欲界修道斷五
品斷斯陀舍果得解脫證

六斷乃至八 是向第二果 離欲至八地
是則第三向

六盡乃至八是向第二果者此隨信行隨法
行者若已六七八品斷此說向斯陀舍果離
欲至八地是則第三向者此隨信行隨法行
者若離欲乃至無所有處盡彼俱向阿那舍
果

若至十六心 是名住於果 輒見信解脫
利見名見到

若至十六心是名住於果者第十六心名道

比智相應彼起俱說住果若須陀洹若斯陀
含若阿那含輒見信解脫者若輒見入見道
名隨信行彼住三果時名信解脫利見名見
到者若利根入見道名隨法行彼住三果時
名見到見到信根勝信解脫但以慧所勳故
說見到

非事諸煩惱 謂彼一切盡 乃至未進行
是名須陀洹

若見道斷八十八結盡是須陀洹果乃至未
進行是名住須陀洹果若方便斷上上種是
名向斯陀含果即此種乃至五品斷超昇離
生道比智起名須陀洹非向斯陀含以向彼
果道未一念現在前故問斷衆多煩惱何故
世尊說三結盡耶答十使是根本五見疑愛
恚慢無明彼見道斷六五見及疑彼見道斷

鼓七

十二

六使未盡彼三轉三隨轉彼身見是轉邊見
是隨轉戒取是轉見取是隨轉疑是轉邪見
是隨轉已說轉當知已說隨轉是故世尊說
三結盡是須陀洹復次此諸煩惱或一種二
種四種已說身見當知已說一種已說戒取
當知已說二種已說疑當知已說四種如是
一切徧不一切徧有漏緣無漏緣盡當知此
結已盡已知乃至阿羅漢猶有相似隨轉故
未盡修道種 受生生死七 當知彼所說
極滿須陀洹

彼須陀洹修道種未盡彼極滿當知七有七
生人間中陰生陰及欲界天此總說七有不
過七故如七葉樹問何故說七有不增不減
耶答如七步蛇所螫四大力故至七步毒力
故不至八如是業力故七生道力故不至八

彼住增上忍時除欲界七生餘一切生得非
數滅至竟不現在前若人間超昇離生人間
滿七天上者還天上滿中間聖道雖現在前
業力持故不般涅槃問若滿七生佛不出世
彼云何得阿羅漢果答有說在家得阿羅漢
果得果已不住家又說即彼形自出家成就
不壞淨故希望具足故見惡行過故是故須
陀洹法不墮惡趣又佛種性中生故智火明
淨故見境界過故止觀具足故聖道藥所勳
故如王太子如內火增人如巧便魚是故須
陀洹不墮惡趣凡夫雖不墮惡趣以少及不
定故不說住正定聚故說定必得涅槃故說
趣正覺七有者如前說住者中陰生者生陰
故說住生更不受餘生故名住苦邊不必一
切須陀洹滿七有也

若斷三四種 成就彼對治 餘二生三生
是說名家家
三因緣故建立家家謂煩惱斷成就根及受
生煩惱斷者欲界修道斷煩惱三品四品斷
無有五品斷名家家若能斷五品者勢力故
必斷六品成斯陀舍非第六品力能障令不
至果成就根者得彼對治無漏諸根受生者
或更受欲界餘二生三生若三因緣一一不
具非家家有二種家家若天若人天家家者
謂欲界天或受二生三生或受一天處種類
身或二或三人家家者謂人間身或一天下
或二或三或一家或二或三問家家有何義
答從家至家而般涅槃故曰家家須陀洹勝
者名家家
六品煩惱斷 見道斷一切 是說斯陀舍

謂彼未進行

若欲界修道斷上三品中三品及見道斷一切盡佳果未進行名斯陀舍問斯陀舍有何義答於此終生欲界天一來人間而般涅槃若七八品斷表七成就對治根十四餘則受一生是名一種子

若欲界修道斷七品八品及見道斷一切盡得彼對治無漏根欲界餘一生名一種子三因緣一一不具非一種子若天一種子受天一身而般涅槃人間亦爾餘一生種子故說一種子問何故八品斷名一種子五品斷不名家家耶答正使六品斷為家家者猶生欲界是故欲界業煩惱不為障礙一種子九品盡生色界是故欲界業煩惱極作障礙以是故說三處衆生業極作惱亂三處後當說

一種子皆是上斯陀舍

九品盡不還 當知有多種 或五及七八或復說衆多

九品盡不還者見道斷一切及欲界修道斷九品結盡當知可那舍問有爾所煩惱斷何

故世尊說五下分結盡為阿那舍耶答一二

四五種如是一切五下分悉攝故可惡卑下同義復次二種下界下及衆生下界下者欲

界衆生下者凡夫貪恚繫故下界者難度故身見戒取疑繫故衆生下如守門防邏故聖

人或先斷二結表七或三結集斷故說五不還欲

界名阿那舍此亦多種或五及七八或復說衆多是說阿那舍五種者謂中般涅槃生般

涅槃行般涅槃無行般涅槃上流般涅槃七

者中般涅槃有三種如契經中般涅槃三種者一如小道大

火二如少小逆熱鐵三如四如前說八者五
逆燒鐵丸此即契經說
 種如前說又現法般涅槃無色界阿那舍及
 不定又色界五種根建立則十五中般涅槃
 上中下根乃至上流亦如是地建立則二十
 初禪有五乃至第四禪亦五種性建立則三
 十中般涅槃有六種謂退法種性思法護法
 住法昇進法不動法種性如是乃至上流亦
 如是處所建立則八十梵身天五如是乃至
 阿迦膩吒天種性根建立則九十地種性建
 立則百二十地種性根建立則三百六十種
 性處建立則四百八十種性處根建立則一
 千四百四十記曰
 十五有二十 三十與八十 九十百二十
 及三百六十 四百八十種 千四百四十
 如是廣略說 攝受阿那舍 根地及種性

處所廣建立 隨彼煩惱斷 今當次第說

雜阿毗曇心論卷第五上

音釋

逼迫 逼筆力切迫博陌切 淤 依倨切 齎 施隻切
也 通迫窘急也

跋七

跋六

雜阿毘曇心論卷第五下

鼓八

尊者法救造

宋天竺三藏僧伽跋摩等譯

賢聖品第六之餘

復次一阿那舍謂中般涅槃建立三地四

種性六處所鼓八十六種性根十八地種性二十

四地離欲三十六地種性根七十二處種性

九十六地種性離欲二百一十六處種性根

二百八十八地種性根離欲六百四十八處

種性離欲八百六十四處種性根離欲建立

二千五百九十二當知是中般涅槃數乃至

上流亦如是此一切攝受萬二千九百六十

記曰

一三四與六 十六及十八 謂說二十四

復說三十六 七十有二種 九十有六種

二百一十六 二百八十八 六百四十八

八百六十四 又復說二千 五百九十二

如是阿那舍其數有五倍即上二千五百九

二千九百六十 已說一切阿那舍五阿那舍相今當說

利根軟煩惱 住於一種業 是中般涅槃

分別六種性

利根軟煩惱住於一種業是中般涅槃者此

人利根及軟煩惱作中陰業增長不作生陰

業彼於欲界没住色界中陰得無漏道以此

道捨餘結而般涅槃是名中般涅槃度欲界

難故非欲界中陰般涅槃若欲令般涅槃者

彼應斷不善無記二種結得若二若三沙門

果越度三界而欲界中陰於此無能若色界

没者上流品所攝問此人幾種性答分別六

鼓八 二二一

種性中般涅槃當知六種性退法乃至不動
若說利根不應退種性者不然彼亦建立九
品根故

精進勤方便 修習速進道 是生般涅槃
彼亦有二說

精進勤方便修習速進道是生般涅槃者生
般涅槃人作中陰生陰業命終受色界天中
陰及生陰彼初生起有行道謂勤方便及速
進道疾斷餘結初生便般涅槃故說生般涅
槃彼亦有二說者有說若初生斷煩惱般涅
槃者不然無捨壽行分故無有捨壽行者乃
至盡壽住此義為勝

第三勤方便 離於速進道 第四不勤求
三俱說六種

第三勤方便離於速進道者彼行般涅槃若

差別者不行速進道餘如前說名者起有行
道斷餘煩惱而般涅槃是有行般涅槃復次
依有為緣三昧斷煩惱而般涅槃亦是有行
般涅槃第四不勤求者此無行般涅槃亦不
勤求亦不行速進道餘如前說名者起無行

道斷餘煩惱而般涅槃是無行般涅槃復次
依無為緣三昧斷煩惱而般涅槃亦是無行
般涅槃三俱說六種者行與無行及生般涅
槃當知俱說六種性此三種雖皆是生般涅
槃義差別故說三無過

超半超處處 是名為上流 此亦六種性
當知進不進

超半超處處是名為上流者上流有二種或
先得熏禪或不得彼先得者先熏修三禪而
後退住初禪初禪味相應命終生梵天中彼

亦三種超半超及一切處沒彼超者生初禪
乃至離第三禪欲熏修滿超第四禪彼命終
生阿迦膩吒天半超者從梵天沒或生一二
三處然後生阿迦膩吒天一切處沒者生一
一處乃至阿迦膩吒天先不得熏者不生淨
居天生無色界餘如前說問此義幾種性答
此亦六種性上流亦六種性退法乃至不動
此非初住不動種性根謂退法種性於熏修
禪退後得見到當知進不進者上流者當知
有進不進應作四句當進修非不進者謂住
欲界梵天不進非當進者謂住阿迦膩吒天
亦進亦不進者謂住餘天非進非不進者無
也若向無色界者非熏修是故說生無色界
問世尊說七士夫趣彼云何建立七士夫趣
答

謂生根煩惱 是說有三種 不生亦復然
及二上流一
一阿那含四因緣故七種建立所謂根建立
煩惱建立生不生建立及上進建立彼生者
初利根輒煩惱第二中根中煩惱第三輒根
上煩惱如生三不生亦三上流者說上進凡
夫轉遠故非上流無色界上流有五事勝謂
界勝地勝正受勝陰滅煩惱斷雖有五事勝
不得熏修故不建立士夫趣
如是九煩惱 在於上八地 謂彼雙道滅
世尊之所說 四
如是九煩惱在於上八地者如欲界修道斷
煩惱有九品從輒輒至上上上八地亦如是
謂四禪四無色彼初見道起以一種道斷九
種煩惱問若色無色界煩惱亦九種彼何故

不建立離欲人耶答一處中二生非分故欲
界有如是天如是方如是家聖人二生非色
無色界聖人二生若二生者無生般涅槃乃
至上流謂彼雙道滅世尊之所說者此三界
煩惱當知無礙解脫道滅無礙道能斷煩惱
得解脫道得解脫證無礙道斷煩惱解脫道
不失所作故說雙道滅若言解脫道斷煩惱
者云何為起耶未起耶若起者彼初盡智生
時應有煩惱此則非究竟若未起者不應未
來道斷煩惱耶問為何道斷煩惱耶答
有垢無垢道 俱能離八地 住彼說身證
謂得滅正受
有垢無垢道俱能離八地者有垢者世俗道
無垢者聖道除第一有餘地離欲時當知有
漏無漏道離第一有唯無漏有漏於彼非分

故八

五

故世俗道攀上地故離下地煩惱如折樓垂
非想非非想處無有上地可攀能離彼結自
地繫縛故不能離自地結如人被縛不能自
解彼世俗無礙道三行若麤若苦若麤障彼
現故說麤三苦成故說若易觀故說麤障解
脫道亦三行謂止妙出一一行無礙道下緣
解脫道上緣聖行後當說住彼說身證謂得
滅正受者住八地見道修道斷一地見道斷
中住得滅正受說名身證是故學人於第一
有一一離欲中起滅正受彼或具結所縛得
滅正受或八品盡得世尊以度諸正受故說
言度一切非想非非想想知滅身作證具足
住法似涅槃與身合故說身證滅正受定品
當廣說
金剛喻定次 必生於盡智 生意我生盡

應供離諸漏

金剛喻定次必生於盡智者非想非非想地
離欲第九無礙道名金剛三摩提無一不壞
故名金剛此義擇品當廣說金剛定次第必
生盡智此初二智或苦比智或集比智謂彼
盡智起已起自己行生意我生盡彼非想非
非想處四陰緣有根本故應供離諸漏者彼
盡智生一切有漏盡名為應供應一切供養
故害一切煩惱故更不於有田種識種子故
不動阿羅漢盡智次第無生智起彼盡智一
剎那無生智或一剎那若次第等見現在前
一剎那若無生智現在前則相續時意解脫
盡智或一剎那若次第等見現在前一剎那
若復盡智現在前相續問阿羅漢幾種答
阿羅漢六種 隨信行生五 彼得於二智

鼓八

六

當知時解脫

阿羅漢六種者謂退法思法護法住法必昇
進法不動法若初學地不常方便不頓方便
是名退法思法亦如是堪能思願護法者常
方便不頓方便以隨護故不退住法者頓方
便不常方便不退亦不進必昇進者常方便
是鈍根能得不動不動法者常頓方便是利
根有說若退法者必退乃至得必昇進必昇
進者彼說六種是欲界阿羅漢色無色界有
二種住法及不動法有說退法不必退若退
者唯此種性非餘彼說三界悉有六種阿羅
漢隨信行生五者此六種阿羅漢中前五種
是信種性彼成就二智謂盡智及無學等見
彼或時退故不說無生智世尊以更不受生
故一切契經說更不受後有知如真當知時

解脫者當知此是時解脫衣食牀卧具處所
說法及人隨順故善根增進不能一切時隨
所欲進故說時解脫

不動法利根 是不時解脫 彼得於三智

自解脫成就

不動法利根是^{第六}不時解脫者若不^七動法一向

利根能一切時隨所欲進修善業不待眾具

是不時解脫彼得於三智者彼成就三智盡

智無生智及無學等見是不退法自解脫成

就者當知彼自己相似名解脫成就時意解

脫者待時故時意解脫成就不動法者不動

故不為煩惱所動故說不動是不退義問何

故時意解脫名為愛非不動耶答彼極自護

故猶如一目不自在故畏退故如借他物彼

相繫善根非分故不動解脫有相繫善根謂

彼有餘三摩提故是故不名愛謂空空無願無作無

作以定捨
定名相繫

慧解脫當知 不得滅盡定 若得滅盡定

當知俱解脫

慧解脫當知不得滅盡定者此六種阿羅漢

不得滅盡定者說慧解脫以慧力解脫煩惱

障故名慧解脫若得滅盡定當知俱解脫者

此六種阿羅漢得滅盡定者說俱解脫彼慧

力離煩惱障心得解脫滅正受力離解脫障

得解脫是故名俱解脫若復退法一切俱解

脫作四句退法非俱解脫者謂退法不得滅

盡定俱解脫非退法者謂五種羅漢得滅盡

定亦退法亦俱解脫者謂退法得滅盡定亦

非退法亦非俱解脫者謂五種羅漢不得滅

盡定乃至不動解脫亦如是

諸根說九種 亦說九種人 七種諸聲聞
緣覺及如來

此說九種根謂軟軟乃至上上阿羅漢人亦
九種謂前五種及二不動解脫或因時解脫
得不動或始得不動此七種聲聞及緣覺如
來是名九種人第八已說根建立人若人成就根
今當說

軟中最軟根 是為初種人 乃至增上上
第九人當知

彼退法成就軟軟根思法軟中護法軟上住
法中軟昇進中中因時解脫種性不動法中
上初不動解脫上軟緣覺上中如來上上
謂以學種性 得彼無學果 或即彼種性
或進不退轉

六種阿羅漢或以學地如是種性得阿羅漢

即彼種性阿羅漢或增益根得不退轉彼種
性修習根故彼退法有三事後當說不動法
唯一事即彼住般涅槃餘阿羅漢有二事已
說根本種性阿羅漢增進根今當說

所謂三四五 六七次第增 是諸退法等
說五羅漢事

彼退法有三事謂退住學法退法根若住彼
般涅槃若上增進根思法有四事謂退住學
根退即住退法根若異者應進不退前說彼
種性不退故住退法根即住彼般涅槃上增
進根護法有五事第九謂護法退住學根住退法
根住思法根即住彼般涅槃上增進根住法
六種必昇進七隨其義說已說建立賢聖人
相建立法今當說

謂隨信行法 若隨法行法 及與見諦道

是盡同一相

隨信行法隨法行法及見諦道此三種法盡同一相差別者隨信行者鈍根隨法行者利根

於中諸根法 是名未知根 謂餘有學法

佛說已知根

於中諸根法是名未知根者彼見諦道所攝根數有九法謂意根樂根喜根捨根信等五根是名未知根此諸根隨信行隨法行所成就名者未知當知故說未知根問苦法忍生觀欲界五陰後苦法智生非於五陰已知當知耶若言未知當知此則不然答忍非智非智性故無過忍是見非智性故以智知故非不然謂餘有學法佛說已知根者除見道學法餘學法即此根數九法說已知根此根信

解脫見到身證所成就雖道比智生觀道比忍是未知當知已少故不說如大海一滴須彌一塵虛空蚊處

當知無學法 是說無知根 得果捨前道無礙智所說

當知無學法是說無知根者當知無學法即此根數九法說無知根此根慧解脫俱解脫所成就彼見道六地四禪未來中間非上地方便善根非分及非廣境界故修道學法九地此六地及三無色五陰性得果捨前道無礙智所說者得果時當知捨前無漏道得須陀洹果捨見道得斯陀舍果若先倍欲盡亦捨見道若次第者捨須陀洹果及須陀洹進向道得阿那舍果若先欲愛盡亦捨見道若次第者捨斯陀舍果及斯陀舍進向道得阿

羅漢果捨阿那舍果及阿那舍進向道問世尊說隨信行等七人云何建立耶答

方便及諸根 正受解脫俱 當知賢聖七事則說有六

方便及諸根正受解脫俱當知賢聖七者五因緣故說七人名七非事七五因緣者謂方便根正受解脫正受解脫方便者隨信行隨法行隨信行者信多故說隨信行先種諸業信他故作後得道已以本名說隨法行者先自思惟興造諸業後得道已以本名說根者信解脫見到鈍根說信解脫利根說見到正受者是身證解脫者是慧解脫正受解脫者是俱解脫事則說有六者此諸聖人有六見道有二謂隨信行隨法行修道有二謂信解脫見到無學道有二謂時解脫不時解脫隨

數八

十一

信行人應說一謂七人根故應說三謂較中上種性故應說五謂退法乃至必昇進道故應說十五住苦法忍乃至道比忍離欲者應說七十三欲界離欲十謂具縛乃至九品盡初禪九乃至無所有處復次根種性道依建立增亦應廣說如是隨信行人有十四萬七千八百二十五彼所攝受
一三五十五 及與七十三 謂根種性道離煩惱當知 三倍次五倍 十五及九倍如是衆多種 唯說隨信行
當知餘聖人隨其義亦應如是說問如契經說向須陀洹等八人此云何答
以有五事故 說有八人名 先後事各一
中間則有三
此四向四果說八人名事有五向須陀洹及

阿羅漢此名一事亦一須陀洹及向斯陀舍
 此名二事一斯陀舍及向阿那舍阿那舍及
 向阿羅漢亦如是彼前四人成就一地聖道
 即此亦說家家及一種子向阿那舍果或一
 地乃至六地阿那舍果或三地乃至六地向
 阿羅漢或二地乃至九地阿羅漢成就九地
 彼沙門果道壞地壞應作四句道壞非地壞
 者斯陀舍果地壞非道壞者阿羅漢果道壞
 地壞者阿那舍果道不壞地不壞者須陀洹
 果離有漏無漏名道壞
 離依諸禪名地壞也
 已盡為解脫 得依於一果 不穢汙第九
 滅盡應當說
 已盡為解脫得依於一果者向道中諸解脫
 道得果解脫得果時法智品所斷盡得一解
 脫得比智品所斷盡得二解脫得道不壞故

教八

十二

說一得果時說五因緣得未曾道捨曾道頓
 得八智一時修十六行得一味解脫果問穢
 汙斷前已說不穢汙云何斷答不穢汙第九
 滅盡應當說前已說煩惱眷屬九品斷不穢
 汙者住第九無礙頓斷非漸漸不穢汙者世
 俗善及不隱沒無記五陰穢汙色亦第九無
 礙斷以少故不說問何故煩惱九品斷不穢
 汙第九無礙斷耶答煩惱聖道相違故聖道
 與煩惱相違不穢汙不相違是故彼如是如
 是道起隨所應斷煩惱斷轉道起上上煩
 惱斷乃至上上道起轉煩惱斷如小明滅
 麤闇大明滅微闇彼亦如是以穢汙者自性
 斷不成就不穢汙者捨煩惱過如雜毒
 無著相似名 彼能獲不動 信解脫種性
 昇進亦增道

無著相似名彼能獲不動者非彼一切阿羅漢能得不動唯功德名相似者得謂必昇進於彼五種中增進根者得謂退法進至思法如是次第盡當知又得不動有九無礙及九解脫道如得阿羅漢也八九無礙道十三八解脫道時解脫攝第九解脫道不時解脫攝彼一切果道所攝彼方便道若無漏者果道所攝有漏者不攝信解脫種性昇進亦增道者彼信解脫若必昇進種性能得見到非餘性是故學地五種亦增進根增進道者謂熾然根增進根者人中增非餘趣聖道增非世俗道學者依禪無學者依禪及無色須陀洹斯陀舍依未來增進根即彼捨一地得一地阿那舍若先依初禪及眷屬超升離生及次第未得第二禪彼增進根者捨三地果得三地果若

得第二禪非第三禪後依初禪增進根者捨三地果及四地勝果道即得三地果如是乃至得無漏無所有處捨三地果及捨九地勝果道得三地果若謂捨多道得少道應退者不然何以故得勝道故彼人意解故問捨道亦捨斷耶荅世俗道斷者不捨若非想非非想處煩惱一一種斷得見到時彼非想非非想修道斷捨斷及對治而不成就煩惱得如凡夫生上地時又復若先依初禪超昇離生後依第二禪增進根者彼捨三地果及四地勝果道得四地果如是一切地應廣說若住果而增進根者彼方便無礙及解脫道果所攝若住勝果道增進根者若彼方便無礙道勝果道所攝若解脫道果所攝一方便道一無礙道亦一解脫道如是見道亦六種性而

無增進根以速道故如是決定分善根亦六
種性修行者次第增進根唯世間第一法無
增進根以一念故已說諸根滿謂學滿非滿
今當說

或有學果滿 或根或正受 或復三俱滿

無學二亦然

數八

彼學有三事滿或果滿或根滿或正受滿若
信解脫阿那舍不得滅盡定者唯果滿非根
滿頓根故非正受滿不得滅盡定故見到須
陀洹斯陀舍唯根滿非果滿非正受滿信解
脫阿那舍得滅盡定果滿及正受滿非根滿
見到阿那舍不得滅盡定者果滿及根滿非
正受滿見到得滅盡定者三事滿無學二亦
然者一切無學果滿無二果性故慧解脫頓
根者果滿非根滿利根者果滿及根滿俱非

正受滿俱解脫頓根者果滿及正受滿非根
滿利根者三事滿問三種滿謂善觀諦云何
觀諦為頓耶為漸耶答
建立功德惡 漸漸見真諦 無礙道力得
有為無為果

建立功德惡漸漸見真諦者於此真諦見過
惡故立苦集諦見功德故立滅道諦是故非
見過惡時見功德亦非見功德時見過惡體
異故亦非不如實見諦名諦無間等亦非一
智總觀諦諦衆多性故是故漸漸見真諦有
說無我行頓無間等彼如是說無我行緣一
切法應頓無間等者不然何以故顛倒衆多
故自性相應共有法非境界故諦異相故無
我等於此諦衆多性顛倒非一無我起斷衆
多自性感是故非一無間等漸漸無間等擇

品當廣說問諦無間等得沙門果云何為有
為果耶無為果耶答無礙道力得有為無為
果煩惱數滅及解脫道俱無礙道力得是故
俱說沙門果煩惱滅是解脫果及功用果解
脫道是功用果及依果問此無間等有幾種
答

謂三無間等 緣事見無間 當知有三種
或二亦復一

三種無間等謂緣無間等事無間等見無間
等彼慧二種無間等緣無間等者有緣故事
無間等者能成事故見無間等者見性故慧
相應法二種無間等緣無間等及事無間等
彼共有法唯一事無間等彼苦忍苦智於苦
諦三種無間等於滅諦道諦事無間等當知
集忍集智於集諦亦如是滅忍滅智於滅諦

三無間等於苦集道諦事無間等道忍道智
於道諦三無間等於苦集滅諦事無間等修
道隨其義當知如是見諦無間等以是因緣
當知漸次無間等

雜阿毗曇心論卷第五下

雜阿毗曇心論卷第六

鼓九

尊者法救造

宋天竺三藏僧伽跋摩等譯

智品第七

已說建立賢聖人智今當說

若智性能了

兼九

明照一切有

有無有涅槃

彼諸相今說

若者若其事智者決定義了者分別也明照

者觀察也一切有者極三有際謂苦集諦有

者有性也有無有者有盡也涅槃者諸煩惱

滅此說滅諦彼諸中亦示道諦相者自性自

然性今說者顯示自性也問何等為智答

三智佛所說 最上第一覺 法智及比智

亦世俗等智

此三智攝一切智法智者若智境界欲界苦

集滅道無漏智也此初受法相故說法智比

智者若智境界色無色界苦集滅道無漏智

也若此行法智轉即此行隨轉是比智以比

類知故說比智等智者若智境界一切法有

漏智也等者多受俗數謂男女長短等故說

等智

等者眾事
聚會義也

苦集及滅道 二智從諦生 是名與四智

牟尼隨諦說

此法智比智隨諦轉世尊隨彼諦聲說境界

苦諦說苦智境界集滅道諦說道智

若智觀他心 是從三中說 盡無生智二

境界在四門

若智觀他心是從三中說者三智觀他心以

法智品為境界說法智以比智品為境界說

比智以有漏心心法為境界說等智盡無生

智二者盡智無生智是二智謂法智比智彼所作境界究竟決定轉是盡智不復當作決定轉是無生智問何諦境界若境界在四門謂彼緣四諦問若世尊說三智云何說十若對治及方便 自性行行緣 已作因長養是故說十智 教九

七因緣故說十智謂對治方便自性行行緣已作因長養彼對治者法智比智是無漏智欲界對治說法智色無色界對治說比智法智雖色無色界對治而非一切亦非全種是故不說方便者他心智亦知心法但彼方便欲知彼心故自性者等智多取俗數如前說行者苦智集智此二智行不壞緣壞一緣故此二智共一緣是故於彼緣無常行轉是苦智亦應說無常智以苦極增厭故名苦智次

復不共故苦行一向有漏緣無常行者若有漏三諦緣若無漏有漏緣空無我行者若有漏一切法緣若無漏有漏緣是故苦智苦行應作四句或苦智非苦行者謂苦智行餘行或苦行非苦智者謂苦智相應法或苦智亦苦行者謂苦智行苦行或非苦智亦非苦行者謂苦智行餘行諸相應法如行已行當行亦如是如苦行無常空無我亦如是如苦智十二乃至道智亦如是行緣者諸滅智道智以彼智緣不壞行亦不壞已作者謂盡智彼所作已作故因長養者謂無生智因一切無漏智故住不動身故已說因緣建立十智善等分別今當說 九智唯說善 一智三分別 一見二非見餘則有二種

九智唯說善者除等智餘九智說善愛果故
 一智三分別者等智或善或不善或無記一
 見者他心智是見分別性故二非見者盡智
 無生智非見非分別性故餘則有二種者餘
 七智或見或非見若法智比智苦集滅道智
 盡智無生智所不攝者是見攝者非見等智
 或見或非見五見世俗正見是見以捷疾故
 疑愛恚慢無明相應慧非見何以故二使覆
 故無明相應慧雖無二使一能極覆非餘煩
 惱何以故非觀察方便故不隱沒無記慧非
 見不捷疾故五識相應慧非見非思量性故
 學與無學六 二智說無學 非學無學一
 當知一三種
 學與無學六者謂法智比智苦集滅道智或
 學或無學若學人所得是學若無學人所得

是無學二智說無學者謂盡智無生智是無
 學離煩惱住故非學非無學一者謂等智是
 非學非無學有漏故當知一三種者謂他心
 智或學或無學或非學非無學若唯以學心
 心法為境界是學若以無學心心法為境界
 是無學若唯以有漏心心法為境界是非學
 非無學
 八智性不斷 二智二種說 有漏無漏一
 一則說有漏
 八智性不斷者除他心智及等智餘八智不
 斷離垢故二智二種說者他心智若有漏是
 修道斷若無漏是不斷等智若忍對治是見
 斷若智對治是修斷有漏無漏一者他心智
 或有漏或無漏以有漏心心法為境界是有
 漏以無漏心心法為境界是無漏一則說有

漏者等智一向有漏煩惱住處故當知八智不斷說無漏

四智有為緣 有常緣則一 五智二境界

明智之所說

四智有為緣者謂他心智苦集道智有為緣

以陰為境界故有常緣則一者謂滅智無為

緣以涅槃為境界故五智二境界者謂法智

比智盡智無生智以三諦為境界是有為緣

以滅諦為境界是無為緣等智亦以三諦為

境界是有為緣以數滅及虛空為境界是無

為緣

法智應當知 是從六地起 比智則九地

他心智在禪

法智應當知是從六地起者法智六地可得

自性得也謂四禪未來中間非無色無色不

該九

緣欲界故比智則九地者比智九地可得謂

未來中間四禪三無色他心智在禪者謂根

本禪有他心智是四支五支定果故

等智應當知 在於十一地 彼謂諸餘智

品品如前說

等智應當知在於十一地者等智在十一地

謂欲界未來中間四禪四無色謂彼諸餘智

品品如前說者謂苦集滅道智盡智無生智

若法智品在六地如法智若比智品在九地

如此智

若說諸念處 一智當知後 三則說一智

餘四明智說

若說諸念處一智當知後者謂滅智是法念

處無為緣故三則說一智者謂他心智他心

心法緣故是三念處除身念處餘四明智說

者謂餘八智是四念處五陰緣故

一智欲界依 二界依有一 二智三界依
餘六一或三

一智欲界依者法智唯欲界依以法智隨生
或欲界四大造故二界依有一者他心智欲

色界依依色故二智三界依者比智等智三
界依餘六一或三者苦智等六智若法智品

欲界依比智品三界依依者身之別名

名則十六行 事或說十六 離於十六行

除闇非無漏

名則十六行者謂無常苦空非我因集有緣
滅止妙出道正迹乘眾緣所持故無常逼迫
故苦我所見對治故空我見所對治故非我
種子法故因等起故集相續故有相成熟故
緣諸陰盡故滅三火息故止離內惱故妙離

故九

六

外惱故出趣向故道巧便故正等趣故迹至

究竟故乘復次非究竟故無常重擔故苦內

離人故空不自在故非我來方便故因出生

方便故集增長故有與依故緣不相續離相

續故滅離三有為相故止善故常故妙第一

休息故離邪徑對治故道不正對治故正登

涅槃城故迹一切有對治故乘問事有幾行

答事或說十六此名十六行有說事有七謂

苦行名四事亦四顛倒對治故集行名四事

一滅道亦如是如是說者名十六事亦十六

者善問離十六行更有無漏慧耶答離於十

六行除闇非無漏離十六行無有無漏慧如

契經說我生已盡此亦是苦等行生盡如言

我斫木為誰斫謂斧斫此亦如是問此諸智

各有幾行答

二智十六行 法智及比智 如是行或非
是說為等智

二智十六行法智及比智者如所說十六行
一切法智比智轉如是行或非是說為等智

者等智行十六行亦非十六行十六行者謂

煖等善根是十六行及餘不定聞思慧亦非

者如病如癰等行是名為非問若等智是十

六行者何故不說名苦智乃至道智若壞境

界故無漏行不壞境界別諦緣故有漏行壞

境界有漏無常行三諦緣空非我行一切法

緣

四智有四行 決定行所說 若智知他心

如是行或非

四智有四行決定行所說者苦智有四行乃

至道智亦如是若智知他心如是行或非者

若無漏他心智是道四行有漏智非自相境
界故

盡智無生智 離空無我行 說有十四行

謂近於等故

盡智無生智離空無我行說有十四行者盡

智無生智十四行除空無我行問何故非空

無我行耶若謂近於等故盡智無生智第一

義而近等空無我行第一義近第一問彼諸

行為誰能行亦為他所行耶為何等性若

謂慧行能行 亦為他所行 餘有依二種

無依他所行

謂慧行能行亦為他所行者慧自性是行能

於彼爾炎中行無常等行彼亦為無常等行

所行餘有依二種者除慧餘相應法是亦能

行有緣故亦為他所行他所緣故非行非慧

性故無依他所行者若彼不相應法謂色無
爲心不相應行是他所行非行非慧性故非
能行無緣故已說建立行建立得今當說
謂初無漏心 或有成就一 二或成就三
四時各增一
謂初無漏心或有成就一者謂初苦法忍相
應心若未離欲成就一等智若離欲成就他
心智二或成就三者第二苦法智相應心若
未離欲成就三智苦法智等智若離欲成
就他心智四時各增一者於上四時一一增
苦比智若未離欲四智法智比智苦智等智
若離欲得他心智集法智增集智滅法智增
滅智道法智增道智忍中不得智非智性故
集滅道比智不增智以苦比智得名故已說
成就智修今當說

若得修於智 謂在聖見道 即彼當來修
諸忍亦如是
若得修於智謂在聖見道即彼當來修者見
道諸智現在修即彼未來修謂苦法智現在
修未來修苦法智非忍非餘智如是乃至道
法智諸忍亦如是者苦法忍現在修即彼未
來修非智非餘忍一切忍亦如是問何故見
道唯修自分修道修自分及非自分耶答彼
初得種性故見道初見諦故唯修自分非餘
又不雜道故捷疾故不覺道故
於彼三心中 得修於等智 當知最後心
或修七或六
於彼三心中得修於等智者見道三心無間
等邊修等智謂苦集滅比智若依禪未來超
昇離生彼修一地見道二地等智謂禪未來

及欲界若依初禪起昇離生修二地見道三地等智乃至第四禪修六地見道七地等智問道比智邊何故不修等智耶卷邊非分故諦無間等邊修故名無間等邊無能修一切道及佛邊際而知一切苦集滅復次世俗智於彼諦曾無間等故修見道眷屬故無間等邊等智是見道眷屬道比智是修道所以無色界不修以無見道故問法智何故不修若諦無間不究竟故若修者應說無間等中若欲界者則四陰性以不定故若色界者五陰性以定故有定則有定共色故智增故說修等智若苦無間等邊有四事欲界緣欲界苦色界緣色無色界苦集滅無間等邊亦如是是不生法依隨信行隨法行故彼隨信行隨法行成就而不現在前或修七或六當知是

後心者若離欲得道比智未來修七智除等智盡智無生智若未離欲修六智除他心智修非想非非想處對治道等智非彼對治故不修
 於彼上修道 十七無漏心 當知修於七增益根或六
 於彼上修道十七無漏心當知修於七者若未離六種欲從須陀洹果進九無礙道入解脫道修七智此道禪未來攝故無他心智盡智無生智是無學故不修餘七智必修若世俗智離欲彼現在修一等智未來修七若無漏者四法智一一現在修未來七增益根或六者謂信解脫求見到彼無礙道修六智非他心智無礙道相違故非等智以見道故非盡智無生智無學故若未離欲解脫道亦修

此六若離欲修七智是故說或昇進得不動者九無礙道修七智非他心智無礙道相違故非等智非第一有對治故非無生智未得故八解脫道修八智亦得他心智故第九解脫道修十智是故說或

得不還果時 及離上七地 熏修諸神通

解脫修習八

得阿那含果必得根本禪故修八智除盡智及無生智及四禪三無色此七地離欲時九解脫道修八智若世俗道離欲時等智現在修未來八若無漏道離欲者是苦等六智一現在修未來八六智者謂苦比智集滅道比智及滅道法智也熏修禪一解脫道學修八智無學修十智神足他心智宿命通一解脫道亦修八智根本禪攝故天眼天耳解脫

九

十

道無記故不修上三通得時及後用時悉是解脫道解脫道悉是善神足

降伏衆生故餘二所見微遠故眼耳無此故無記也

此諸無礙道 及滅第一有 即彼八解脫

當知修於七

七地離欲無礙道及熏修禪二無礙道學諸

通五無礙道七地離欲及熏修以一等智一無礙故言五修七智除他心智無礙道相

違故第一有離欲八解脫道修七智除等智

非對治故

第一有離欲

無礙道修六 上乘應當知

修習於下地

第一有離欲無礙道修六者第一有離欲九

無礙道修六智除他心智及等智一切方便

道有漏無漏修八智上乘應當知修習於下

地者若此地離欲即修此地無漏智及下地

謂初禪離欲即修初禪功德及未來如是乃至第一有離欲修一切地無漏功德上對治名為上乘

無學初心 修於一切地 無學相似修 或苦集比智

無學初心修於一切地者無學初盡智相應心修九地功德問修何等種無學功德若謂無學相似修若退法者修九地軟軟功德乃至如來地修上上功德問無學初心何智若或苦集比智或苦比智或集比智生緣故作如是念我生已盡此非想非非想處四陰生緣最後盡故已說修無漏功德有漏今當說

盡智心俱修 善有漏功德 九地至一地 次第修亦滅

教九

十二

得阿羅漢果時或修九地善有漏功德乃至或一地問何故九地乃至一地耶若謂生於欲界 修九地有漏 若生第一有則修於一地

若生欲界得阿羅漢果得盡智所修九地善根若生初禪修八地除欲界如是乃至非想非非想處即修彼地善根問何故於此處修三界善根若一切縛解永甦息故如三等縛解如降伏煩惱力士衆咸稱善如王登祚解脫灌頂一切皆獻珍奇寶物先雖得下地功德以上地煩惱故智光不明得阿羅漢果一切功德增修照明修義擇品當廣說問世尊說見智慧為一為異耶答 諸忍則非智 盡無生非見 餘一切聖慧 當知三種性

諸忍則非智者八無間等忍非智不決定故
自品對治疑得縛故決定義是智義故復次
忍者希望求智者希望息復次忍是見非智
性智性盡無生非見者盡智無生智非見息
求故中平故背生死故餘一切聖慧當知三
種性者除忍及盡智無生智餘慧種能求故
見決定智故問何者是答學八智及無學等
見

若善有漏智 在意則是見 煩惱見是智
此及餘說慧

善有漏意地智能求故見有說非一切意識
相應善有漏智是見性謂從不思量識身所
起故非見五識次生意識此非見也命終心非見羸劣故
起作心非見外向故如是好謂初說凡說得理者名
如是煩惱見是智者若見自性謂身見等從
說也

思量生故說見亦說智決定故此及餘說慧
者此說若智若見及餘未說者謂意識相應
無記除五見諸餘意地染汙及一切五識相
應當知一切是慧謂彼說未說者若無記慧
非見不捷疾故工巧慧雖捷疾而非見求生
所障故染汙前已說五識相應慧非見不分
別故不捷疾故一往故問一一智幾智緣答
法智及比智 觀察於九智 因智及果智
境界於二智
法智及比智觀察於九智者法智緣九智除
比智比智亦緣九智除法智問何故不展轉
相緣答下上境界故法智緣下比智緣上是
故不展轉相緣如二人同止一人觀下一人
觀上地空異觀故不相見面若言不自緣如
不自見面者不然續觀故因智及果智境界

於二智者苦集智緣有漏他心智及等智苦
集諦所攝故

道智緣九智 解脫智無緣 餘一切境界

決定智所說

道智緣九智者道智緣九智除等智餘九智

緣道諦所攝故註九解脫智無緣者滅智不緣智

緣無為故餘一切境界決定智所說者餘四

智他心智等智盡智無生智緣十智問如前

說若欲界對治是法智雖色無色界對治非

一切亦非全何等法智為色無色界對治耶

答

謂彼滅及道 法智之所行 是三界對治

非欲界比智

謂彼滅及道法智之所行是三界對治者有

修道滅法智道法智是三界修道所斷對治

彼於欲界極見過患思惟欲界行滅及對治

得離三界欲問何故非苦集法智答下劣上

勝故非觀劣能離勝處欲滅道俱勝是故觀

此滅三界欲復次若緣欲界離色無色界者

是為異厭異不樂異解脫此則不然問頗比

智離欲界耶答非欲界比智無比智欲界對

治自事未究竟故如王降伏自界怨已然後

伏他法智亦如是無有比智先滅色無色界

後滅欲界也又法智極利智尚滅不善況無

記也問神通幾智性答

神足天眼耳 註九是說一等智 十五或六智宿命

五說他心智

神足天眼耳是說一等智者神足天眼天耳

一等智無漏智不以此行神足者種種示現

天耳通是天耳識相應慧生死通是天眼識

相應慧神足餘品當說天耳方便思惟大聲
彼方便漸增得色界四大所造清淨天耳隨
聲遠近一切悉聞天眼方便思惟明相彼方
便漸增於眼周圍得色界四大所造清淨天
眼處於一方徧觀十方一切悉見而非一時
或六智宿命者尊者瞿沙說六智非他心智
緣現在故非滅智緣無爲故非盡智無生智
非見性故阿毗曇者說一等智緣衆生名姓
等故方便者或於自身或於他身於是處方
便即於是處究竟或復餘也聲聞緣覺從前
身起乃至究竟隨其所欲唯有如來隨意自
在若前若後隨所聞見皆悉憶念五說他心
智者五智知他心謂法智知他法智品心心
法自分境界故比智亦如是道智知他無漏
心心法等智知他世俗心心法他心智五也

方便者或從自身或從自心取其相貌如是
相身有如是相心以是方便善根漸增乃至
知他心心法是名成就於色方便及自心起
至成就時不緣色及自心離於行緣知他心
智根地人度不知根度者輒不知中上根謂
乃至第四禪地輒知下地輒無漏非餘有漏
者知有漏不知無漏地度者初禪不知二禪
人度者學人不知無學人是故佛心心法非
一切他心智境界一切他心智事境界自相
境界心心法境界現在境界他心境界除見
道是修道得空無相不相應盡智無生智不
攝離無礙道問神通云何如說而生爲異耶
答或有說如說而生如世尊先說神足是故
前生乃至後說生死智是故後生尊者瞿沙
說謂欲界處起神通如說而生若色界則異

此修行者聞說色界天而不見欲見故起天眼見而不能往故起神足往而不聞說故起天耳雖聞而不知心云何住故起他心智知他心而不自知先所從來故起宿命智如是說者神通無有次第正受亦無超越正受亦無順正受亦無逆正受當知神通解脫道所攝非無礙道問力無所畏一一幾智性答處非處智力 及第一無畏 此是佛十智餘此中差別

處非處智力及第一無畏此是佛十智者處非處力及初無畏此十智性普境界故問餘力無畏何智性耶答餘此中差別處非處力差別有餘力初無畏差別有餘無畏世尊觀受化者希望故建立多種問何故世尊自說功德耶答為求佛道者修念佛三昧故復次

第九

十七

於等解脫現差別故樂說辯才故無盡無滯無缺乃至降伏醉象等中有疑者不知誰力為彼故顯示自力故復次為受化者說實功德不過量故離非大人法故淨業有愛果 不淨果不愛 此說為是處異則說非處 應當如是知 是處非處力淨業有愛果不淨果不愛此說為是處者因果決定彼無障礙智知此是彼決定因謂淨業有愛果不淨業不愛果猶如外種因果隨類異則說非處者與是相違名非處應當如是知處非處力者等起容受義是處義也與是相違名非處義也不伏不屈故無勝無動故說力彼十智自性 在於十一地 決定說如來謂閻浮提依

彼十智自性者如前說普境界故十智自性
緣一切法是十六行或離行四念處三正受
三根相應在於十一地者謂欲界四禪未來
中間四無色決定說如來者說建立如來力
非聲聞緣覺以如來除二種無知故謂染汗
不染汗是故佛智不為非智所屈是無學及
非學非無學非是學聲聞緣覺唯除染汗不
除不染汗如來除二種疑使處疑非處疑謂
閻浮提依者謂閻浮提身現在前非餘餘方
無佛出世故閻浮提人利根易覺是故佛閻
浮提出世非餘
第二力八智 於彼事業轉 及法受煩惱
餘則如前說
第二力八智者自業智力八智除滅智道智
無漏緣故是故說八行或離行空無願相應

故九

十八

問何緣於彼事業轉及法受煩惱彼事者
是業果身業口業及思是業法受者有四法
受有法受現世樂後世樂如是比煩惱者是
業因於此轉緣此起餘則如前說者餘如處
非處力說
諸禪及背捨 正受三摩提 第三力迴轉
九智餘如前
諸禪及背捨正受三摩提第三力迴轉者禪
者四禪背捨者八背捨正受者無想定滅盡
定及四無色三摩提者空無相無願第三力
者於此禪背捨正受三摩提中轉緣此起問
此力何性於九智性除滅智及滅四行無相
三昧無為緣故餘如前者餘如自業智力說
於上下諸根 第四力迴轉 第五說解力
第六於界緣

於上下諸根者上者勝下者劣根者主第四力者上下諸根力也迴轉者緣也謂緣三諦從緣根方便起故說上下諸根力如他心智第五說解力者解者欲也彼亦二種有勝有劣勝者善欲劣者惡欲復次欲道及道果者勝欲生死者劣此亦緣三諦從欲方便起故說欲力第六於界緣者界者自性也有二種如前說

於彼種種趣 第七力迴轉 當知已說四餘皆如前說

於彼種種趣第七力迴轉者趣者道也彼亦種種向地獄乃至涅槃彼緣起及眾具故名趣力當知已說四餘皆如前說者已說根解界趣力餘因緣當知如禪背捨正受三昧說或有說趣智力是十智性

知宿命有行 是說第八力 謂禪有煩惱餘則如前說

知宿命有行是說第八力者宿命力於宿命所受若所行所受種種悉知彼所行者謂中陰所受者謂本有以本有有所受若刹利若婆羅門如是輩悉知是宿命力說一智謂宿命智有二種謂曾得今得上中下說三地建立說四轉中上曾得今得說六地曾得今得說八下下至上上說九地及下中上分別說十二下下等曾得今得說十八地下中上曾得今得說二十四地下下等分別說三十六地下下等曾得今得說七十二此總說一宿命智謂禪者根本禪非眷屬非無色無神通所依三摩提故四支五支所攝三摩提神通所依唯禪非餘若依彼禪得宿命通即知彼

禪及下地若依初禪得神通初禪及中間
同一地故有煩惱者前已說是等智是故無
無漏事是法念處餘則如前說者如趣智力
說

第九力當知 遠離於所緣 命緣及受生

行於衆生數

數九

數十

第九力當知遠離於所緣者生死智力除緣
餘如宿命智說聲聞不方便見千世界方便
者見二千世界緣覺不方便見二千世界方
便見三千世界佛不方便見三千世界方便
見無量無邊億百千三千世界問何緣於命
終及受生行於衆生數彼緣色入如所說隨
業法受如實智當知彼說眷屬生死智此則
內法

第十力十智 或六一切地 示現力明通

餘皆如前說

第十力十智或六者若說漏盡人所得為漏
盡智者彼說十智性若以漏盡緣故為漏盡
智者彼說六智除他心智苦集道智一切地
者漏盡智在十一地攝受生故示現力明通
者彼漏盡智說名示現謂教誠示現令彼歡
喜不傾動故說力永離無明故說明通種性
故說通宿命智力生死智力是說通明力非
示現問此非學非無學耶何故契經說三明
一向無學數九若無學身中得故導王第一義明故
問六通何故三通建立明非餘耶若三種愚
對治故彼初明滅前際愚第二滅後際愚第
三滅真諦愚導三解脫門故六通中二通是
示現非明謂神足他心智二是明非示現謂
宿命智及生死智漏盡通俱有天耳通俱無

餘皆如前說者餘所未說者因緣如前說已
說力無畏今當說

初則如初力 第二如第十 餘二如二七
是名無畏安

初則如初力者言我等正覺此初無畏即處
非處力第二如第十者言我諸漏已盡此即
漏盡力餘二如二七是名無畏安者言我為
諸弟子說障道法彼言不障道者無此畏也
此即自業智力言我為諸弟子說道是賢聖
出離言不出離者無此畏也當知此即趣力
問世尊何故說此契經於制善星及婆羅婆
誹謗故說此契經善星言沙門瞿曇無過人
法為制彼故說前二無畏婆羅婆言沙門釋
種子法我悉知見為制彼故說後二無畏復
次前二無畏是說自安後二無畏是說安他

不屈伏義是無畏義離恐怖故問力無畏何
差別答有說無差別又說智是力智光普照
是無畏安住是力勇猛是無畏智無盡是力
辯無盡是無畏如是等復次一一力攝四無
畏一一無畏攝十力此十四法又三不共念
處及大悲是佛十八不共法不共一切聲聞
緣覺故名不共念處及大悲是慧性問無諍
何地云何行何處現在前何緣何等人起何
等自性耶答

第四禪有垢 無諍三方依 緣欲未生惱
依不動智慧 註九

第四禪者無諍在第四禪非餘普境界故於
一切依最勝故是有垢離聖行故無諍者煩
惱相違故三方依者三方現在前非餘說力
所起故緣欲未生惱者緣欲界未來煩惱謂

貪恚癡慢自相煩惱非總相總相是普境界
是故得四念處捨根相應依不動者依離煩
惱身得三昧力故唯不動法者所能起非餘
智慧者是智慧自性也彼阿羅漢不行五因
緣故則能令彼不起煩惱謂正威儀及正說
分別應受不應受觀察住處及觀察人正威
儀者於一方正身坐若有人來即觀其心觀
察彼心何等威儀令不起結若此威儀令彼
不起即時便住如是威儀正說者若有人來
即觀其心若說而起結者則不為說若不共
說而起結者則便為說分別應受不應受者
他施眾具即觀察之若受其施而起彼結雖
須不受不受而起雖不須而受觀察住處者
若住此處而起彼結雖眾具豐足則便捨去
觀察人者先觀察人然後入里若舍若巷有

教九

五

起結者則便不入云何於彼復作惡緣為攝
他故作是思惟我於往昔煩惱身時彼等於
我起煩惱故受不愛果況今離欲當作方便
令彼於我必不起惱佛及波羅蜜諸聲聞等
得無諍滿而不數入為令衆生因惱得度故
有時不入無諍三昧也
所謂妙願智 遠離彼境界 於彼最後得
六智自在性
所謂妙願智遠離彼境界者妙願智亦在第四
禪是有漏依三方不動者所得是智慧性
緣一切法普境界故無色依者云無色依者
此依是津膩
義謂欲色界是無色界氣分故名為
膩依此釋願智因依果如無色界也觀行差
別如田夫是故說四念處如願智而知故說
願智欲知是其義於彼最後得者若起彼智
時謂欲界善心次第初禪現在前如是次第
乃至非想非非想處如是逆次第乃至欲界

善心復順次第乃至第四禪現在前後復於
第四禪從轉至中從中至增於彼增上第四
禪後起願智六智自在性者此智六種自性
謂三無礙智除辭無礙又無諍智後邊智及
妙願智此智三因緣故起攝他故攝教法故
覺世間安不安故

義辯漏無漏 在於一切地 佛說為方便
餘則如前說

義辯漏無漏者此辯十智性以一切法第一
義故有說六智性除他心智苦集道智以滅
諦最第一義故是故說行念處三昧緣在於
一切地者此辯在十一地自性得故佛說為
方便者義辯以佛所說為方便若先無佛說
則無能起者不知義故餘則如前說者餘所
未說者如願智說

數九

五

所謂為應辯 境界道及說 因明論方便
或三餘如前

所謂為應辯境界道及說者應辯緣道及言
說是故九智自性除滅智有十二行因明論
方便者此辯不以因明論為方便則無能起
者不知應不應故是故說阿毗曇為方便以
因明論無如阿毗曇者以智具足故或三者
此辯三智性謂辯及願智最後智有說知一
切法第一義彼亦義辯餘如前者餘所未說
者如義辯說

法辯緣施設 在於五地中 以數為方便
餘如無諍說

法辯緣施設者法辯緣名分齊在於五地中
者謂欲界及四禪非上地以無色界不緣名
及下地非分故以數為方便者法辯以數論

為方便餘如無諍說者餘所未說者如前無
諍說

聲明論方便 是則為辭辯 境界於言說
二地餘如前

聲明論方便是則為辭辯者辭辯以聲明論

第九

十五

為方便若先不習聲明論則不能起離種子
故境界於言說者此辯緣言說是故是身念
處二地者欲界及初禪非上地離覺觀故餘
如前說者餘如法辯說問辯云何如說生耶
為異耶答有說如說生謂先於法起名巧便
知名未知義故次第起義辯雖知義不知辭
故次起辭辯知辭已不能連注說故次起應
辯又說先起義辯知義不知名故次起法辯
知名不知辭故次起辭辯知辭不能連注說
故次起應辯應辯如前說又說名隨說轉是

故先起辭辯後起法辯義依名轉是故次起
義辯此三辯導應辯問此辯云何為一一得
耶答不然若得一則具四如四聖種一時得
此亦如是

雜阿毗曇心論卷第六

雜阿毗曇心論卷第七

鼓十

尊者法救造

宋天竺三藏僧伽跋摩等譯

定品第八

已說智定今當說

智依於諸定鼓十安不動而轉一是故當思定

勤求見真實

決定義名智彼善心正性相續名定建立義

名依依有二種共起及次第緣彼二說名依

依定而立故說依諸定智有八種四法智四

比智安不動者不動搖故說不動轉者取緣

義如燈依淨油炷離風處光燄甚明如是智

依諸定離於亂風則不動而轉是故者說因

緣也定者智所依後當說思者知見義勤求

者求欲時也真實者不顛倒謂四真諦見者

謂無間等是說真實見以不離定而起實智

故問有幾種三昧答

決定說四禪及與無色定是中一一說

味淨及無漏

決定說四禪及與無色定者謂決定智者略

說八種三昧攝一切三昧謂世尊智差別三

昧正受一切聲聞緣覺不知其名如修多羅

廣說是中一一說味淨及無漏者一一三昧

說三種味淨無漏

善有漏是淨無漏離熾然味則愛相應

最上無無漏

善有漏是淨者若善有漏當知是淨問善有

漏有垢云何說淨耶答煩惱相違故煩惱不

雜故引導無漏故無漏離熾然者離煩惱熾

然當知是無漏彼雖永離煩惱第一義淨當

知為差別故立名味則愛相應者若愛相應
 定者當知是味相應問何故愛相應說禪非
 餘煩惱耶答相似故一向熏著緣是三昧餘
 煩惱無有著緣如彼愛者復次已說愛當知
 已說餘煩惱是煩惱足故最上無無漏者彼
 總說故言一一三種當知第一有唯二種無
 無漏不捷疾故有二邊謂欲界及第一有聖
 道離二邊名為中道離二有根本亦如是若
 味相應著者名味正受若不味著者名淨正
 受若無漏思惟五陰無常等行當知是無漏
 正受問淨有幾種答
 淨者有四分 退分及住分 勝進決定分
 隨順諸功德
 退分者順煩惱住分者順自地勝分者順上
 地決定分者順聖道復次退分者若住彼則

退住分者若住彼不進亦不退勝分者若住
 彼能勝進決定分者若住彼則能次第超昇
 離生復次退分者為煩惱所陵所雜從禪次
 第煩惱現在前煩惱次第禪現在前住分者
 彼能厭下地麤等行受自地寂靜等行勝分
 者能厭自地過受上地功德決定分者煖頂
 忍世間第一法如禪無色亦如是唯除煖等
 功德問禪何等性答
 五支有覺觀 亦復有三受 種種及四心
 是說為初禪
 五支者五支所成分義是支義如車有眾分
 眾具義是支義如王有將士支者若異若即
 若異者如毗陀六支 四毗陀經一者億力毗陀二者阿陀毗陀三者耶訓毗陀四者三摩毗陀五者智也六者支所成一學二欲三想四辭五說六星歷也
 比丘五勝支 比丘五勝支不諂三不病四精進五智 若即

者如十六支散八支聖道彼支者謂覺觀喜樂一心正受時先羸心法作想名為覺羸心法相續隨轉名為觀正受時心悅名為喜身心離惡故快樂名為樂是猗息樂非受樂於緣心心法不散名一心有覺有觀者初禪有覺有觀問已說五支何故別說有覺有觀耶答支者謂善穢汙亦有覺觀故別說亦復有三受者彼有三受謂三識身有樂根意地有喜根四識身有捨根種種者謂梵天有種種身有勝有劣以覺觀力生故有尊長眷屬處及四心者彼有四心眼識耳識身識意識是說為初禪者此諸法說初禪勝一切煩惱故正觀一切境界故說禪

第二有四支 種種及二受 第三說五支 此禪亦二受

第二有四支者內淨喜樂一心種種者彼無種種身覺觀非分故有種種心謂根本有喜根喜息已眷屬捨根現在前捨息已復入喜根及二受者謂喜根及捨根此諸法說第二禪第三說五支者謂念正知樂行捨行捨此行捨非根捨也行等行也此是一心念者於緣不忘記正知者止舉捨時分別知樂者於緣隨順受行捨者樂著樂故不受餘求一心者於緣不散此禪亦二受者彼亦二受樂根及捨根此諸法說第三禪

離息入息出數十 第四有四支 支者謂說善隨事如先說

離息入息出第四有四支者第四禪無入息出息彼正受身毛孔合四大極密故四支者不苦不樂行捨淨念一心不苦不樂者已離

苦樂故行捨者不求餘事故淨念者護善根
故念離八上煩惱故淨八上煩惱者謂四根
覺觀出入息離內外亂故亂義擇品當廣說
一心者於緣心不散問初禪二禪何故不立
正知耶答喜及覺觀亂故不立支種以是故
亦不立念又不立行捨猗樂與行捨相違故
樂動捨
沉靜也問第三禪何故不立不苦不樂耶答
隨順無明品故明無明相違以是義故第四
禪不立正知問味相應等三種禪悉成就支
耶答支者唯說善當知善禪與支相應非穢
汗問穢汗無何等答初禪無離生喜樂煩惱
相應故第二禪無內淨煩惱濁亂故第三禪
無念及正知煩惱樂所迷故第四禪無淨念
及行捨煩惱相違故復次初禪二禪無猗樂
一向善故三禪四禪亦無行捨隨事如先說

十

五

者若事彼禪先已說餘禪復說者非未曾事
增益如初禪二禪說喜樂當知此二支非四
如是一切地問此禪支有幾答
禪支名十八 事則有十一 無色無有支
禪眷屬亦然
禪支名十八者禪支名有十八初禪有五支
第三禪亦爾第二禪四支第四禪亦爾支前
已說事則有十一者初禪五支名五事亦五
第二增內淨第三增行捨念樂正智第四增
不苦不樂初禪支非二禪支作四句初禪支
非二禪者謂覺觀第二非初者謂內淨亦初
亦第二者謂喜樂一心非初非第二者除上
說如是乃至第四禪展轉說無色無有支禪
眷屬亦然者四無色及禪眷屬不立支以苦
行故支所攝禪是樂行是故說彼地為苦道

若彼立支者應一切地名樂道

有覺亦有觀 是說未來禪 禪中間有觀

明智之所說

有覺亦有觀是說未來禪者未至依有覺有

觀未至者是初禪眷屬禪中間有觀明智之

所說者禪中間有觀而無覺修行者轉寂靜

故問何故初禪二禪立中間依非上地耶答

彼昇降可得故初禪有覺有觀第二禪無彼

中間有觀無覺故別立依上地無此昇降故

不立

未來或二種 謂離味相應 禪中間三種

亦俱說一受

未來或二種謂離味相應者有說禪未來二

種性淨及無漏非味相應彼雖有連鎖縛以愛

力令未來禪受除此則二取此則三彼無正受

由初禪愛鎖除此則二取此則三

愛不除受生愛無過如是說者有味相應禪

中間三種者禪中間有三種性味相應淨無

漏亦有味相應如餘地亦俱說一受者未來

及中間俱有一受謂捨受未來者有畏故無

樂受近欲界故修行者有畏故樂受不起事

未究竟故修行者向離欲而未得故樂受不

起憂隨生故欲界縛有餘故如人被縛有解

有餘猶生疑畏不起樂受彼亦如是寂靜劣

故如未來中間亦如是隨其義說已說地所

起功德今當說

三摩提與通 無量一切處 勝處及諸智

背捨於中起

彼三摩提者三三摩提空無願無願應言無實無相

彼善心平正故說三摩提彼空者二種謂有

漏無漏若有漏者一切法緣無漏者有漏緣

此復九種謂內空外空內外空有為空無為空有為無為空無事空第一義空空空內空者謂內入空作無我思惟外空內外空有為空無為空有為無為空亦如是無事空者謂無彼彼物第一義空者謂眼起時無所從來滅時無所至如是比說空空者謂有漏空於無漏空作空空思惟無願亦二種謂有漏無漏俱二種緣隨其義說彼復五種謂內等三種及有為無願無相無願有為無願者於有為法以有漏無願作無常等行思惟餘如空說無相者無相有二種謂有漏無漏彼復四種謂於內入數滅以有漏無漏作滅止妙出無相思惟如是外及內外無相亦無相三摩提修多羅品當廣說重三昧雜品當廣說通者六通智品已說問若修神通作證證者顯現義也

謂不失所作則所作顯也出定名為起若解脫是無記者則出三昧也若是善即三昧也
道彼成神通時為起耶不起耶答若解脫是無記者彼則起若善者不起無量者
二無量無恚 最後說無貪 第三說喜根 謂彼欲界依
二無量無恚者謂慈及悲是無恚善根性瞋恚對治故是處恚者以慈對治非處恚者以悲對治復次為捨眾生命起恚以慈對治為楚罰眾起起恚以悲對治是故求功德者能起無量非求過惡彼乃至斷善根所亦求功德謂見本淨業求過惡者乃至阿羅漢所亦求過惡謂見本不淨業最後說無貪者捨無量是無貪善根性謂無貪非欲愛瞋恚對治者不然何以故不然無恚故問捨是貪欲對治不淨觀亦貪欲對治何貪以捨對治何貪

以不淨觀對治耶答色貪以不淨觀對治姪
 貪以捨對治第三說喜根者喜無量是喜根
 性隨生法是五陰性相者以安饒益是慈相
 除不安是悲相隨喜是喜相任放是捨相謂
 彼欲界依者依者身也欲界現在前非餘何以故
 樂饒益轉故謂見欲界眾生苦欲令得樂饒
 益以除苦故色無色界無苦復次瞋恚對治
 故慈無量者瞋恚過對治如所說慈修習多
 修習除瞋恚除害喜除不樂捨除欲愛瞋
 恚色無色界無此諸過又欲界有三方除鬱
 單越問無量正受何等思惟答
 樂苦喜眾生 眾生無餘想 隨其所應轉
 無量眾生緣
 於彼眾生欲令得樂如是思惟入慈正受於
 苦眾生歎言苦哉欲令脫苦如是思惟入悲

正受欣彼眾生如是思惟入喜正受惟彼眾
 生無有餘想如是思惟入捨正受問慈力不
 能令苦眾生得樂何故非顛倒耶答善故安
 愉望所起故正思惟相應故瞋恚相違故眾
 生緣者緣欲界眾生如所說若思惟滿一方
 成就住者此說器及器中以是義故當知無
 量是有漏眾生緣故周徧總緣一切眾生謂
 四生離此更無有餘眾生離欲得方便得離
 欲得者離欲時得後方便現在前問云何方
 便答慈者從親起謂欲起慈心時於一切眾
 生立為三品數十謂親怨中親復分別下中上品
 先於上親品起真實惓望謂父母及餘尊重
 者謂彼久習惡惓望故饒益心不至還復攝
 心作饒益想如是上親乃至上怨得平等住
 是名成就慈心正受悲喜亦如是捨從中品

起如是廣說名者緣無量衆生故說無量

勝處說有八 前三色背捨 及八一切處

無貪善根性

此諸善根當知無貪性貪對治故是有漏意

解思惟故問此非無貪善根性何以故說觀

說想故如契經說內色想外觀色如是廣說

觀者是慧是故勝處是慧性阿毗曇解脫處云勝知勝見見

即慧也背捨亦說色觀色是初背捨是故前三

背捨是慧性如是一切處說地普一想是故

一切處是想性而說無貪性者不然答此諸

善根無貪性慧想增故彼說見及想如宿命

念及勝色想是故無過如曾滅處隨念智念

增故言彼憶念曾所更無量事彼亦是智如

勝色想是慧性以想增故說勝色想復次相

近故說是故說想無過無貪慧想不相離一

依一行一緣一果一依果依果此依亦是津

三種一從徧因生二從自因生三從報因餘勢生謂殺生得短壽是故說一

當知說餘云何知無貪性貪對治故此善根

當知貪對治若是無癡性者應說癡對治慧

雖一切煩惱對治癡最近故非貪若一切處

是根自性者非煩惱對治不決定故是故當

知此善根是無貪性

若說彼眷屬是則五陰性 此說三方依

境界欲界色

若說彼眷屬是則五陰性者當知此諸善根

及眷屬是五陰性此說三方依者此諸善根

於三方身起除鬱單越亦非餘何以故此諸

善根貪欲對治故非色無色界有貪欲鬱單

越雖有貪欲慧力劣故是故不能起此善根

欲界諸天雖有貪欲以著樂故亦不能起此

諸善根境界欲界色者此諸善根緣欲界色
初二背捨前四勝處作青瘀等行於色入處
轉不淨行轉故餘者淨行轉是故得為身念
處問何故彼修行者於緣受淨相耶答為識
不淨故為成不成耶觀不淨者懈怠心生欲
令攝持故又欲自觀知所堪能作是念以不
淨觀不起煩惱未是為奇淨觀不起乃為奇
特又現善根有所堪能故

背捨中最後 心不相應行 是說二界依
先從欲界起

背捨中最後心不相應行者想受滅背捨是
心不相應行性問一切心心法滅何故說想
受滅耶答以此二力故令修行者於二界極
生疲勞受力故於禪疲勞想力故於無色疲
勞受想義如陰中說是說二界依者欲界色

第十

十一

界身現在前非無色何以故非心故欲色界
有色是故彼心心法滅命根依色轉無色中
無色若彼正受時心心法滅命根應斷無所
依故應死非正受是事不然先從欲界起者
滅盡正受先從欲界起於彼退生色界復離
彼欲而現在前問何故色無色界得初起禪
無色非滅盡正受耶答禪以三事故起謂因
力業力法方便力因力者謂彼於禪曾已近
起業力者謂已作受業長養有四法受業已作而長養法
方便力者如劫成敗時無色界二事起因力
及業力無法方便力以彼無成敗故滅盡正
受從說力起說者欲界謂佛及波羅蜜聲聞
說是故彼欲界身能初起非餘欲界一入正
受不過七日搏食身故若過者出則融消色
界一入正受經劫住

餘則四陰性 說彼三界依 或無色境界

及以無漏緣

餘則四陰性者餘功德謂四背捨二一切處

四陰性除色陰彼無色故說彼三界依者此

功德三界現在前空處背捨空處一切處初

從欲色界起為捨色故修空故初從色處起也或無色境界

及以無漏緣者空處一切處空處地四陰緣

識處一切處識處地四陰緣空處背捨緣四

無色及彼因彼滅一切比智品識處背捨緣

三無色餘如上說無所有處背捨緣二無色

餘如上說非想非非想處背捨即緣彼地及

彼因彼滅一切比智品已說善根自性謂成

就功德今當說

當知或有說 成就四無量 或復成就三

減者則不然

第十

三

若生欲界離欲界欲及生初禪二禪成就四

無量若生第三第四禪成就三無量除喜喜

根性在初二禪非上地故減此者無有

或一乃至八 成就於背捨 或四亦復八

成就於勝處

或一乃至八成就於背捨者或有成就一背

捨或有成就乃至八成就一者若生徧淨天

於彼愛盡果實愛未盡若生果實於彼愛未

盡若生空處於彼愛未盡成就二者若生欲

界及生初禪二禪於彼愛盡徧淨愛未盡若

生三禪四禪色愛盡空處愛未盡若生空處

空處愛盡識處愛未盡若生識處即彼愛未

盡成就三者若生欲界及初禪二禪徧淨愛

盡果實愛未盡若生徧淨及果實空處愛盡

上愛未盡若生空處識處無漏生上不失下故生識成就空處

背捨如是 識處愛盡上愛未盡若生無所有
一切也 處即彼愛未盡成就四者若生欲界及初禪
二禪色愛盡空處愛未盡若生三禪四禪識
處愛盡上愛未盡若生空處識處無所有處
無所有處愛盡若生非想非非想處不得滅
盡三昧成就五者若生欲界及初禪二禪空
處愛盡識處愛未盡若生徧淨及果實無所
有處愛盡不得滅盡三昧若生非想非非想
處得滅盡三昧成就六者若生欲界及初禪
二禪識處愛盡上愛未盡若生徧淨及果實
得滅盡三昧成就七者若生欲界及初禪二
禪無所有處愛盡不得滅盡三昧成就八者
若生欲界及初禪二禪得滅盡三昧此是總
說若有漏背捨者下地離欲未生上地則皆
成就若無漏者生上地亦成就或四亦復八

成就於勝處者或有成就四勝處或八成就
四者若生欲界及初禪二禪於彼愛盡徧淨
愛未盡若生徧淨於彼愛盡及生果實成就
八者若生欲界及初禪二禪徧淨愛盡
或一亦復二 八九及與十 當知彼修行
成就一切處
或有成就一切處或二或八或九或十成
就一者若生空處即彼愛未盡及生識處成
就二者若生空處於彼愛盡成就八者若生
欲色界徧淨愛盡果實愛未盡成就九者若
生欲色界果實愛盡空處愛未盡成就十者
若生欲色界空處愛盡已說成就謂隨地功
德今當說
五通在四禪 根本非餘地 諸智如前說
三無量或六

五通在四禪根本非餘地者四根本禪成就
五通非餘地除漏盡通何以故攝受支三摩
提故諸智如前說者如前智品說隨地所得
三無量或六者除喜餘無量在六地未來中
間根本四禪或有不欲令在未來或復說初
禪二禪不起悲喜根相遠故喜根者是自性
受喜行轉悲者憂行轉是故彼不相應如苦
集忍智者不然何以故真實行轉故若言苦
集忍智極厭而與喜根相應悲行亦如是者
彼說有過彼真實思惟故歡喜生悲者意解
思惟是故有過如是說者導真實思惟故無
過悲雖非真實思惟而能導真實思惟是故
無過欣於除苦故
悲與喜俱也問悲大悲何差別答悲者
無恚性大悲者無癡性復次悲者共聲聞緣
覺大悲者不共復次悲者能悲不能度大悲

者能悲能度復次悲者緣苦苦眾生大悲者
緣三苦眾生悲者緣身苦大悲者緣身心苦
問何故名大悲答度大苦眾生故名大悲大
賈得故名大悲攝受大聚眾生故名大悲大
士入大嶮難故名大悲
彼前四勝處 及與喜無量 亦初二背捨
在於初二禪
前四勝處及喜等初二背捨在初禪二禪中
非餘也第三第四禪雖有初二背捨相似善
根而不建立是故亦有初四勝處相似善根
如修多羅說慈極至徧淨悲極至空處喜極
至識處捨極至無所有處有說此經以無量
名說聖道彼受化者以無量名入聖道故復
次彼對治覺支以無量名說謂第三禪對治
覺支以慈名說如是乃至無所有處對治覺

支以捨名說復次以相似名說者謂慈者樂
行樂受乃至第三禪悲者苦行空處呵責色
轉喜者欣悅行識處者悅識住捨者捨行無
所有處說捨

餘有四勝處 及與一背捨 亦八一切處
謂在最上禪

後四勝處淨背捨前八一切處在第四禪非
餘下地亦有淨背捨相似善根而不建立不
淨所壞故是故亦有後四勝處相似善根說
地正受及地一切處彼地正受在欲界及四
禪地一切處在第四禪非餘何以故離八事
惱亂故欲界色欲有二種身欲對治彼故初
禪立二背捨四勝處初禪色欲亦有二種故
二禪立二背捨二禪無二種色欲故三禪不
立背捨樂勝樂故不能起此等善根及一切

處以彼背捨入勝處以勝處入一切處以初
背捨入初二勝處以第二背捨入第三第四
勝處以淨背捨入後四勝處以後四勝處復
入一切處

餘即名背捨 二一切亦然 滅盡最在後
餘無漏九地

餘即名背捨者除空處九無礙道及命終心
餘善盡說空處背捨無礙道向第四禪命終
心向生是故不立背捨當知餘無色亦如是
二一切亦然者空處識處一切處亦即名說
問識處上何故不立一切處耶答修行者先
入背捨觀而不能勝然後入勝處而不能無
邊意解觀然後入一切處無邊青意解觀如
是黃赤白復如是思惟此色何所依觀依地
大種然後入無邊地意解觀餘大亦如是彼

復如是思惟云何昇進謂覺知即先入空處一切處彼覺知何依觀依意識彼即入無邊識處一切處此依更無所依是故上不立一切處滅盡最在後者滅盡正受第一有中攝何以故隨順滅心故次第漸微故易滅問滅盡定不應第一有攝何以故如所說度一切非想非非想處想受滅成就住答第一有攝世尊以彼度諸正受及愛欲故說也學者度正受住故說無學者度愛欲故說復次度一切非想非非想處者此說見道斷想受滅者此說修道斷如是曾習未曾習共不共離欲得及方便得盡當知以勝故不共故界地究竟故二背捨說身作證滅盡正受及入定心是有漏隨順滅心故出定心有漏無漏彼正受方便得非離欲得若退而更起者得未曾

第十

十七

得非已曾得餘無漏九地者若餘無漏功德謂三三昧漏盡通在九地謂四禪三無色未來中間有漏三昧在十一地謂此九及欲界亦第一有
三背捨當知 有漏及無漏 定智通已說
其餘悉有漏
三背捨當知有漏及無漏者空處識處無所有處背捨當知有漏亦無漏定智通已說者定前已說諸智神通如智品說其餘悉有漏者餘三通似工巧故受色聲自相故無量者緣衆生故一切處勝處初三背捨得解思惟故第一有正受不捷疾故想受滅心相違故皆悉有漏問背捨勝處一切處何差別答謂彼性背捨 能勝所緣處 無間普周滿名如所度說

不向故說背捨勝彼處故說勝處以勝處故
世尊說勝處雖非一切修行者能勝彼處但
於緣中煩惱不起亦名勝處無邊意解故說
一切處復次輒善根說背捨中者說勝處上
者說一切處復次因說背捨果說一切處因
果說勝處已說諸功德自性成就地有漏無
漏謂禪無色三種成就今當說

未離欲當知 成就味相應 離下未至上
成就淨諸定

未離欲當知成就味相應者若彼地未離欲
成就彼地味相應離下未至上成就淨諸定
者謂離欲界欲非梵天彼成就淨初禪及初
禪地餘功德凡夫人成就味相應及淨聖人
成就三種

住上應當知 成就下無漏 方便生功德

第十

十八

當知非離欲

住上應當知成就下無漏者聖人生梵天上
成就無漏初禪及餘無漏三昧神通等諸功
德有漏諸功德生處縛無漏不縛是故離生
處捨有漏功德非無漏方便生功德當知非
離欲者已說離下地欲成就諸功德當知得
非現在前現在前者彼非離欲方便得者謂
天眼天耳智此無記性故不入淨無漏味相
應是故得彼三種禪時不得作方便已乃現
在前六通二是無記解脫道所攝故餘四是
善問此諸方便所得功德何等斷煩惱何等
不斷煩惱耶答

根本淨初禪 是亦同一縛 不能斷煩惱
無量亦復然
根本淨初禪是亦同一縛不能斷煩惱者根

本淨初禪自地煩惱一縛所縛故不能斷煩惱他地世俗道現在前時乃能捨離如人被縛不能自解彼亦如是自地味所味故不能捨離如人親友雖劣不捨彼亦如是若諸煩惱根本禪對治者彼斷得若不^{十九}斷得彼非對治是故無漏禪煩惱對治有漏者方便斷如是乃至非想非非想處無量亦復然者無量不斷煩惱緣衆生故法相者斷煩惱復次解脫道攝故無礙道攝者斷煩惱復次緣現在故緣三世者斷煩惱以須臾治故世尊修多羅說慈斷瞋恚須臾治者謂暫息如負債寬期

當知五背捨 及與八勝處 亦十一切處不能斷煩惱

空處識處一切處及非想非非想背捨此法

根本所攝不斷煩惱如前說想受滅背捨心相違故不斷煩惱色背捨勝處一切處亦不斷煩惱自相境界故共相道斷煩惱非自相復次意解思惟故真實思惟 斷煩惱非意解復次假想思惟故不假思惟斷煩惱復次事境界故非事思惟斷煩惱復次解脫道攝故無礙道所攝斷煩惱二十三種正受八味相應八淨七無漏問此三昧一一幾種因答所謂無漏定 一一七種因 味相應因一謂彼淨亦然

所謂無漏定一一七種因者無漏初禪捨無漏初禪相應共有自分因於無漏三禪三無色自分因如是乃至無所有處此則總說初禪所攝道有六種隨信行隨法行信解脫見到時解脫不時解脫隨信行道六種因隨法

行道三種因信解脫道四種因見到道二種
 因時解脫道亦二種因不時解脫即不時解
 脫因味相應因一者味相應初禪味相應初
 禪因非餘初禪因不相似故非他地因因果
 斷故彼味相應五種見苦斷乃至修道斷見
 苦斷見苦斷因如是一切謂彼淨亦然者淨
 初禪淨初禪因非味相應非無漏不相似故
 非他地淨因自地繫縛故淨初禪四種退分
 住分勝分決定分彼退分四種因住分三勝
 分二決定分唯決定分非餘以劣故當知餘
 地亦如是問一一次第生幾種答
 無漏禪無色 逆順超次第 次第生六種
 七八九與十
 無漏初禪次第生六種自地淨及無漏第二
 第三禪亦如是無漏無所有處次第生七自

地二上地一下地四無漏第二禪次第生八
 自地二下地二上地四無漏識處次第生九
 自地二上地三下地四餘無漏次第生十比
 智品所攝禪次第九色現在前非法智品所
 攝法智品者下地依下地緣是故次第無色
 不現在前
 從六至十一 謂淨次第生 次生二至十
 味相應非三
 從六至十一謂淨次第生者淨非想非非想
 處次第生六種自地味相應及淨下地四淨
 及無漏非味相應第十離欲故淨初禪第十次第生七
 自地三上地四淨及無漏淨無所有處次第
 生八自地三上地一下地四淨第二禪次第
 生九淨識處次第生十餘十一此說方便得
 離欲得非生得是故不說上下地味相應生

得淨命終時次第生一切地味相應問何等
 淨初禪次第生聖道耶答謂決定分若異者
 不應建立四種次生二至十味相應非三者
 味相應初禪次第生二種自地味相應及淨
 非無漏煩惱相違故非上地未離欲故非三
 者不生三若說三者不然第二禪味相應次
 第生四自地二除無漏下地二味相應及生
 得淨謂第二禪愛畏故依淨初禪自護如修
 多羅說寧依初禪厭離俱思惟正受不依第
 二禪劣思惟第三禪生五自地二第二禪二
 初禪一味相應第四禪生六空處七識處八
 無所有處九非想非非想處十自地二無所
 有處二下地味相應六謂受生煩惱故問一
 一緣幾種答
 淨與無漏禪 緣於一切地 自地有漏法

味相應所緣
 淨與無漏禪緣於一切地者淨及無漏禪緣
 一切地一切種廣境界故彼無漏比智品緣
 八地法智品緣一地方便善根緣四諦自地
 有漏法味相應所緣者味相應初禪緣自地
 味相應及淨非餘此義使品已廣說不緣無
 漏及他地
 無色則不緣 下地有漏種 謂根本善有
 穢汙如味禪
 無色則不緣下地有漏種謂根本善有者無
 色根本淨及無漏不緣下地有漏法離色相
 故緣自地及上地故說非下比智品緣下無
 漏故說非有漏種以方便所攝無礙道緣下
 地故說根本世俗道斷結無礙味相應緣自
 地故說善有穢汙如味禪者如味相應禪緣

自地味相應無色亦如是

謂色界有餘 無量諸功德 是則緣欲界

最勝之所說

四無量等諸功德緣欲界前已說除神通故

說無量等諸功德彼五神通緣欲色界謂初

禪者緣初禪及欲界非上地餘亦如是隨其

義說淨禪三種一煩惱勲二道勲三不勲煩

惱勲者謂退分有漏有煩惱氣道勲者道所

勲謂勲修餘者非勲問彼何等禪能勲答

若能勲諸禪 是依第四禪 三地愛盡故

淨居唯果實

依第四禪勲初禪何以故離八事惱亂故於

一切依最勝故有五種勲中上上中上上

此生五種淨居下地亦有五種勲第三禪愛

盡故下地不生淨居彼所依或起不起勲不起

故十

三十三

起是出定不出定也方便者以無漏第四禪流注具足

正受然後有漏次復無漏於彼流注漸略乃

至無漏二剎那次第有漏二剎那現在前此

則有漏無漏勲禪方便成若一剎那無漏一

剎那有漏復一剎那無漏是名勲禪成有十

五心五有漏心十無漏心問何故勲禪答

或有念正受 或畏諸煩惱 或復樂受生

是各隨義說

勲禪有三因緣念正受者謂修行者愛念正

受為現法樂住故畏煩惱者畏退故樂受生

者樂生淨居故彼信解脫具三因緣正受見

到有二不畏煩惱不退法故時解脫亦二不

樂生背一切生故不時解脫唯一愛念正受

不畏煩惱不退法故不樂生背一切生故勲

禪五陰性有漏及無漏緣四諦以無漏散有漏如花散支

提義如是應廣說無漏心勳有漏心如華散

支提問已說三種正受彼云何得答

離欲及受生 而得於淨禪 穢汗退及生

無漏唯離欲

離欲及受生而得於淨禪者淨初禪二時得

離欲界欲及上地没生梵天問退時亦得謂

初禪離欲退得初禪退分善根何故不說耶

答此中說一切淨先得而得退時退分善

根雖先得而得餘三種先成就先失一得三今失二

得一切非先都無故是故不說頗淨初禪離欲

得離欲捨退及受生亦如是耶答有退分初

禪欲界離欲時得梵天離欲時捨梵天離欲時得勝分

等故捨梵天離欲退時得欲界離欲退時捨

上地没生梵天時得梵天没生欲界時捨乃

至無所有處亦如是非想非非想離欲得非

第十

十四

生得無上地故穢汗退及生者味相應初禪

退時得謂初禪離欲欲界及梵天纏退生得

者謂上地没生欲界及梵天如是乃至無所

有處非想非非想唯退得無漏唯離欲者無

漏初禪離欲得謂聖人離欲界欲此說次第

人若依初禪超昇離生亦得乃至一切地亦

如是問此諸功德何等斷煩惱答

無漏除煩惱 及正受中間 一切定中間

相應於捨根

無漏除煩惱者無漏根本初禪八地煩惱對

治乃至無所有處二地煩惱對治及正受中

間者正受中間名方便道謂斷下地煩惱乃

至未離下地欲不得根本正受餘非對治一

切定中間相應於捨根者一切方便道捨根

相應未得故不生歡悅問如所說上地無身

識若上欲眼見耳聞身觸時彼云何見聞觸耶答梵世識現在前問上地何故無此識耶答前已說上地覺觀非分故無此三識身上地欲見欲聞欲觸初禪識現在前則見聞觸非欲界非修果故問何時成就答

隨識現在前第十上地則成就二十五捨則不成就心力羸劣故

乃至此識現在前若眼識若耳識若身識爾時成就心羸劣不隱沒無記故是故剎那成就從彼起已不隨轉問已知善穢汙正受得時及諸識成就彼化心云何得一時得幾心答

受生及離欲 得是諸化心 二三及與四亦五一時得 有二因緣得化心受生及離欲或頓得二三

四五受生者上地沒生梵天爾時得初禪果二心一欲界二初禪若生二禪得三心一欲界二初禪三即自地生三禪得四心下地三目地一若生四禪得五心下地四自地一是說受生得離欲者離欲界欲得二心如前說初禪離欲得三心二禪離欲得四心三禪離欲得五心是故說或一剎那得化心而不斷欲界離欲時最後無礙道作四句得而不斷者謂初禪地初禪果化心離欲界欲時得初禪果化心此心為縛故不斷斷而不得者謂欲界第二第三第四禪果化心三地化心是欲界法故為欲界離欲故亦得亦斷者謂欲界初禪果化心不得不斷者謂餘化心乃至第三禪離欲隨義說於此十四化心欲界四色界十彼欲界化心化作欲界化色界化心化作色界化自分

故彼化八種生欲界化欲界化自身及他身
 如是色界生色界亦如是欲界化四入色界
 化二入何以故不化根故是故化無心一心
 一化或多但一地也住神足能令住雖涅槃
 化隨轉如尊者陀驪涅槃已化火燒身尊者
 大迦葉全身久住世尊化教化非分佛事竟
 故般涅槃不留化問為修慧化亦生慧耶答
 亦生慧退生得化心故是先離所得如魔化
 為佛身魔天女化身詣佛所若化人所食之
 食若彼化主本欲自養身者彼食即在化主
 身中消也若本不欲自養身者則彼食但聚
 在化人處也問成就幾種化心答
 或有二三四 五七及與九 增三或亦五
 如是成化心
 若生欲界欲愛盡梵天愛未盡是生梵天於

彼愛未盡是成就二若生第二禪於彼愛未
 盡是成就三若生第三禪於彼愛未盡是成
 就四若生第四禪是成就五若生欲界及梵
 天梵天愛盡二禪愛未盡是亦成就五若生
 二禪二禪愛盡三禪愛未盡是成就七如是
 廣說應說九及增三五第四禪愛盡生第三
 問若欲界化初禪果及初禪地化初禪果有
 何差別答色界勝故勝又欲界第二禪果
 色界初禪果欲界去勝能至二禪色界勝
 一切化皆如是說離欲得化心及方便得化
時先離欲所得十四種也
三十七

雜阿毗曇心論卷第七

音釋

猗於羈切 瘵依倨切 疲被為切 驃毗居切

雜阿毗曇心論卷第八上

瑟一

尊者法救造

宋天竺三藏僧伽跋摩譯

修多羅品第九

已說定修多羅今當說

一切智所說瑟一修多羅妙義我今當少說

修行宜善聽

知一切故說一切智一切者謂十二入於彼

自相共相一切悉知所說者一切智人親自

演說妙義者謂甚深性相微妙義也此微妙

義是修多羅說故言修多羅妙義今者謂此

論少說者以牟尼所說無量無邊故言少說

修多羅者凡有五義一曰出生出生諸義故

二曰泉涌義味無盡故三曰顯示顯示諸義

故四曰繩墨辯諸邪正故五曰結鬚貫穿諸

法故如是五義是修多羅義雖義不在說而

因說顯現故言說義謂因說名轉因名顯義

善聽者宜一其心決定善聽問世尊說施戒

修彼一一有幾種答

惠施持淨戒是名有四種修禪則有二

說名為功德

畏三種畏欲方便令度三畏故世尊略說此

三種功德彼畏貧窮畏者方便令度是故說

施畏惡道畏者方便令度是故說戒畏生死

畏者方便令度是故說修問何等為施性答

無貪相應思俱起同一果眾具處所生

此則是施性

無貪善根相應思施物處所生及隨轉身口

業是五陰施自性以說色香味等具足故言

思願等非施者不然何以故於物說施名世

尊開發施生心故令思願堅牢故於物說施名即是施物處所生問前說四種施何等爲施種答

所謂自攝受 亦復攝受他 或有二俱攝

或二俱不攝

有自攝故施有攝他故施有攝自他故施有

報恩故不爲攝自他施謂阿羅漢供養佛爲報恩故不爲自他也

彼自攝者

若未離欲者 供養於支提 及凡夫離欲

是名自安施

聖人未離欲及凡夫離欲供養支提請福處名支提

是則自攝施以施受欲界報故謂未離欲者

生欲界故凡夫雖離欲生色無色界後還受

欲界後報及不定報是名自攝不攝他何以

故支提非衆生故

離欲非凡夫 除其現法果 施與諸衆生是名爲攝他

若阿羅漢若阿那舍除起現法果施若餘施

爲衆生者是名攝他非自攝阿羅漢生非分

故阿那舍雖受生在色無色界而不受施果

以因果斷故建立界

未離欲界欲 已離欲凡夫 施與諸衆生

當知二俱攝

謂聖人未離欲及離欲凡夫施與衆生當知

二俱攝施

離欲非凡夫 除其現法果 供養於支提三

是則俱不攝

若阿羅漢若阿那舍除起現法果施而供養

支提此非自攝亦非攝他阿羅漢無生故阿

那舍雖有生而欲界非分故不自攝支提非

衆生故不攝他彼憶念本恩爲報恩故佛雖
般涅槃猶供養支提復次

或有爲攝他 供養於支提 無量衆見聞
皆生隨喜心

或供養支提亦爲攝他以幢幡華蓋燒香散
華供養支提令無量衆生見者隨喜生天解
脫因是故世尊修多羅說於未曾立處建立
支提能生梵福以攝無量衆生故名梵福問
齊何當言梵福答有說除近佛地菩薩諸餘
一切衆生能生大富大力等增上果業是梵
福量復有說者世界成時一切衆生器世界
生此能生器世界業是名梵福量又復此施
謂彼希望等 七種施非上 第八莊嚴心
是名最勝施

世尊說八種施謂希望施怖畏施反報施期

報施家法施生天施求名施爲莊嚴心爲調
伏心爲順修行爲得最上義故施希望施者
選擇福田欲求多果故施來求者施來求者
施是舊阿毗曇說希望施怖畏施者方於忘
失施故施謂見有失相寧施不失反報施者
曾得彼利云何不報期報施者若施於彼期
彼還報家法施者習先人施非自信施生天
施者求生天故施求名施者爲稱譽故施此
七種施慧所鄙故非上不求生死樂施是名
莊嚴心施此道方便施故於財施中最爲第
一第一是名上施已說施施果今當說
壽色力安樂 辯才等五種 施報百千等
施主之所獲
布施如上說五種如世尊施五德修多羅中
說食已壽非不食是故施壽乃至辯才亦復

如是相似因生相似果謂得長壽乃至辯才報如種外種隨類收實此亦如是壽者謂人天非惡趣此以持因故說施壽如說離殺生修習多修習得長壽此以招引因故說譬如二種母生母及養母離殺生者如生母施食者如養母施畜生五種報得百倍福謂和合者得如是廣說見道中雖不食而能受施已說施及果謂即施即果今當說

慈無諍滅定 見道及無學 從彼正受起施者得即果

慈心無諍三昧滅盡三昧見道阿羅漢果從此起已若有施者得即果何以故於無量衆生以安饒益相是慈以慈熏身故從此起已施者得即果無諍三昧令無量衆生煩惱不起以廣攝功德熏身故從此起已施者得即

發一

五

果滅盡三昧以廣功德熏身故似涅槃故從此起已施者得即果見道所斷結永盡以聖道熏身故從此起已施者得即果修道斷結永盡心得自在住阿羅漢果從此起已施者得即果已說即果大果今當說

父母若病人 及與說法師 近佛諸菩薩施者得大果

施此五種人得大果何以故父母長育生身恩故施者得大果病者無所依怙增悲心故施者得大果說法者增長法身故示人善惡故施者得大果近佛地者積集功德廣攝衆生故施者得大果問爲思願勝令施清淨爲福田勝耶若思願勝者何故世尊讚歎福田若福田勝者何故施一福田而果不得等耶答思願勝故施清淨福田因力故是故先說

思願及眷屬名布施福以淳淨心離身財求
隨智慧行如是施者則獲大果若異者彼求
名稱施勝福田非大人施若以田力生罪福
者不成男等應得無間業而不得故當知思
願力也功德福田能起勝思願是故世尊讚
歎福田問已知長養生身施長養法身施復
云何答

善說諸經法 遠離諸顛倒 不謗於牟尼
是說為法施

於修多羅毗尼阿毗曇真實分別不著名利
廣攝衆生是名法施彼雖無相著而顛倒說
誹謗如來真實因緣而作異想當知此則亂
心因緣雖說不顛倒而心染著如彼商人是
故偈說不知牟尼說如刀火及毒於此善分
別猶如食甘露復次三種顛倒謂法顛倒人

第一

六

顛倒時顛倒法顛倒者如有說修習淨想斷
貪欲人顛倒者謂貪欲者而為說慈時顛倒
者人根未熟為說真諦如是比與此相違名
不顛倒說法已說法施無畏施今當說
以離等受說 安慰諸恐懼 是名無畏施
能壞貧窮怖

若見衆生今世後世及俱恐怖以離受戒說
慈心安慰言衆生勿怖我當為汝所作令得
無畏是名無畏施彼恐怖如貧窮人於不畏
如貧乏財
與彼真實對治名無畏施已說無畏施大施
今當說

普於群生類 等受戒律儀 功德流增廣
是則為大施
世尊說五戒為大施攝無邊衆生故起無邊
樂故財施者不能攝一切衆生唯受戒則能

已受持五戒已於一切衆生盡形壽念中
得十二種未曾得律儀三善根一彼戒流
注相續不斷問已知四種施前說四種戒云
何答

欲界及禪生 無漏戒律儀 斷律儀從二

是說律儀種

一

七

四種律儀謂別解脫律儀禪律儀無漏律儀
斷律儀別解脫律儀者謂七衆所受戒禪律
儀者謂有漏隨生戒無漏律儀者謂學無學
戒斷律儀者謂離欲界欲九無閻道隨生戒
若有漏是禪戒若無漏是無漏戒此律儀業
品已說已說四種戒謂餘四今當說
戒以怖望受 戒以恐怖持 有順菩提支
及與清淨戒
有四種戒所謂怖望戒恐怖戒順覺支戒清

淨戒怖望戒者謂求生天及餘處故持戒恐
怖戒者畏自責畏他責畏罰畏惡趣畏不活
畏惡名故持戒順覺支戒者為莊嚴心故為
方便衆具故求最勝義故持戒清淨戒者謂
無漏戒離垢故問云何淨持戒答

根本眷屬淨 不為覺所壞 攝受於正念
隨順般涅槃

有五因緣戒清淨所謂根本淨眷屬淨不為
覺所壞攝受正念正向解脫根本淨者離越
根本業道眷屬淨者離殺生等方便不為覺
所壞者離欲恚害三覺惱亂攝受正念者攝
受佛法僧念以是故亦離諸無記心正向解
脫者為解脫持戒不為身財及餘所作是故
亦說隨順覺支此五因緣戒清淨世尊說得
大果離一切惱亂故問已知一切正行所依

戒如天德瓶云何二種修答

禪無色無量 得修及習修 不淨安般念

二修義亦然

此諸禪等功德熏心如熏衣如華熏麻如融金是故如是說如熏衣修如熏麻修如融金

修現在者習修表一未來者得修現在者用故未

來者起故現在者作所作未來者當作現在

者生故未來者得故現在者現前分未來者

成就分禪無色無量定品已廣說不淨觀者

無貪性貪對治故又對治四種貪故復說四

種謂斷威儀貪故修死屍觀斷色貪故修青

瘀等觀斷觸貪故去皮肉修骨鎖觀斷處所

貪故謂有上諸處也修骨節分離觀此不淨觀復有

四種謂退分住分勝分決定分退分者住彼

則退住分者住彼不進不退勝分者住彼必

昇進決定分者住彼順聖道界者欲色界地

者十地欲界禪中間根本四禪及四眷屬依

者欲界行者非行緣者緣欲界念處者身念

處智者等智非三昧受生故三根相應墮三

世過去者緣過去現在者緣現在未來者若

生法緣未來若不生法緣三世是善緣無記

是非學非無學緣非學非無學是修道斷緣

修道斷當言緣義問為方便得為離欲得答

亦方便得亦離欲得若離欲界欲得初禪乃

至離三禪欲得第四禪後方便現在前問不

淨觀云何方表一便答彼修不淨觀者至塚間極

善取彼相取已還至坐處洗足安坐柔軟其

身心離諸蓋取彼外緣以方已身繫心在足

骨脛骨蹲骨胫骨腕骨膠骨脊骨脅骨手骨

臂骨肩骨頸骨頤骨牙骨齒骨髑髏骨若繫

心眉間若樂略觀者先從身念處度若樂廣觀者從眉間觀髑髏乃至足骨從此一坐一房一堂一僧伽藍一村一鄉一國若但從想起者非有是處若周遍大地至眼光者能觀彼處白骨充滿若復略者次第還至眉間繫心眉間是名不淨觀成或有不淨觀緣少非自在少作四句緣少非自在少者謂於自身數數入不淨觀自在少非緣少者謂周滿四海大地不淨一時觀察不能數數入不淨觀緣少亦自在少者謂一時觀察自身不淨而不能數數入不淨觀非緣少亦非自在少者周滿四海大地不淨亦能數數入不淨觀復次不淨觀緣無量非自在無量作四句緣無量非自在無量者謂周滿四海大地不淨而不能數數入不淨觀自在無量非緣無量者

謂於自身數數入不淨觀緣無量亦自在無量者謂周滿四海大地不淨亦能數數入不淨觀非緣無量亦非自在無量者謂於自身不能數數入不淨觀已說不淨觀安般念今當說安那者持來般那者持去亦名阿濕婆娑阿濕婆婆念者憶念於安那般那審諦繫念心不虛妄修習彼念故說修安般念是慧性於彼品念增故說安般念如念處如念宿命初起者於母胎中齋處所業生風起或向下或向上向下者造下身分身諸毛孔向上者造上身分身諸毛孔毛孔成已出息最初乃至命終出息最後正受亦爾謂出初入定入初出定六因緣得六種安般念所謂數隨止觀還淨數者修行者巧便繫念數出入息無一出入息而不覺知若心亂者或時減數

或時增數或時亂數減數者以二爲一增數者以一爲二亂數者出作入想入作出想心不亂者名爲等數五出息五入息此名十數若修行者數時於十中間心亂者還從一數起若十數滿已若亂不亂要還從一起畏心散故不過十畏心聚故不減十於上無未曾數故隨者出入息去無所行而隨爲長爲短耶爲遍身耶爲在一處耶入爲遠爲近齊何轉還耶止者隨心所樂於身一分繫心令住而觀察之彼息於身爲益爲損爲冷爲暖如是等觀者修習極修習如憶自己名隨其所欲而現在前還者若依欲覺者少行依出離覺者勤行淨者淨諸蓋彼修行者於出入息作一想觀身如竹筒觀息如穿珠出入息不動於身不發身識是名安般念成有說亦起

卷一

十一

身識但不傷於身又修行者於出入息以極微壞是名身觀受出入息是名受即觀彼受是名受觀識出入息是名識即觀彼識是名識觀想出入息是名想即觀彼想是名想觀謂極微壞色色盡滅盡然後以喜及想識起今現前便即觀彼三以爲三念處方便種子非入息未滅而有出息生非出息未滅而有入息生是名因安般無常行度入息逼迫故出息滅是名苦行度此名得方便無願解脫門種子出入息生住滅不自在是名因出入息無我行度觀出入息離常等因彼故空行度是名得方便空解脫門種子於出入息生厭心向涅槃是名得方便無相解脫門種子依彼輒三三昧中依中增如是次第暖法乃至盡智無生智問世尊說界此云何答

二十說欲界 色界或十六 無色界有四

處所次第說

二十說欲界者謂八大地獄畜生餓鬼四天
下六欲天此二十說欲界此諸衆生以欲受
身衆具及第二是故說欲界色界或十六者
謂梵身梵富樓少光無量光光音少淨無量
淨遍淨無蔭福生果實無煩無熱善見善現
色究竟此十六處說色界有欲令十七如前
十六及大梵彼衆生受色身非衆具非第二
是故說色界無色界有四者謂空處識處無
所有處非想非非想處此處衆生不受色身
離色欲故名無色界問云何立三界為愛斷
故為處所故若愛斷者應有九謂欲界愛斷
欲界如是初禪乃至非想非非想處若處所
故立者應有四十如前說答總愛斷故說謂
欲界愛斷欲界如是色界愛斷無色界愛斷

第一

十二

無色界欲界不定故一使色無色界定故不

一使問云何建立界答處所次第說有說從

下次第上謂最下無擇地獄次大熱地獄如

是次第乃至色究竟色究竟上復有無擇地

獄次第乃至色究竟若離一欲界欲則離一

切欲界欲若得初禪神足能到一欲界及一

梵世復有欲令周遍傍立界問世尊說七識

住此云何答

善趣在欲界 及色界三地 無色三亦然

是說為識住

欲界善趣謂天及人色界前三地無色前三

地此七地說識住有色衆生者成就色身種

種身者種種形種種想者苦樂不苦不樂想

是名初識住復次種種身者如前說一想者

染汙想彼梵身天初生作是念我從大梵天

生大梵天作是念我能生彼尊卑處所故及
覺觀識身故梵天有種種身是名第二識住
一身者色身形處量等種種想者樂及不苦
不樂想根本喜疲厭眷屬捨根現在前捨疲
厭已喜復現在前是名第三識住一身一想
者一身如前說一想者樂是名第四識住無
色衆生者不成就色身離色欲故度一切色
想者行離色故說以色想眼識相應故若離
初禪欲度欲愛行離第四禪欲度行色行以
是義故說滅有對想五識身相應故不念種
種想者彼種種想謂第四禪地普散以緣種
種入故若染汙者緣十入不染汙者緣十二
入離欲擾亂故說不念無量者無量行故方
便思惟空入空正受故說空處入空處入成
就者得成就彼地四陰是名第五識住方便

思惟識入識處是名第六識住無量行非分
故說無所有處是名第七識住問何以故立
七識住答若識於彼樂住故說識住惡道苦
逼迫故識不樂住淨居天向涅槃故識不樂
住無想衆生無心故餘第四禪或求無色或
求淨居或求無想故識不樂住第一有不捷
疾故識不樂住復次若彼有壞識法故不立
識住惡道者苦根壞故第四禪無想三昧壞
故第一有滅盡三昧壞故不立識住問九衆
生居云何答
第一有無想 是說衆生居 謂有漏四陰
是說四識住
第一有無想是說衆生居者前說七識住及
無想天第一有是說九衆生居問惡道何故
不說衆生居耶答樂住非分故多苦故不樂

住淨居天疾向涅槃故不樂住餘第四禪如
 前說問四識住云何答謂有漏四陰是說四
 識住除識陰餘有漏四陰說識住有說眾生
 數陰說識住者不然何以故依行緣相應分
 義故名爲住依者識所依緣者能緣非所緣
 分者梵音云何婆他耶義云流
住謂受生胎分相續過去未來雖非無漏法
 衆生數亦有此五義故得爲識住乎亦說識住者不然何以故壞染汙識故不立
 識住識陰非識住二非分故先後不俱故不
 顧自性故自分識住自分陰謂欲界住欲界
 如是比不異界不異地不異身問何故自分
 陰說識住非不身分答以自分陰攝識故問
 不自分心陰及非心陰云何名識住他界心
 住時名非自分心陰無心法非自分心陰無心法
 住時名非心陰也答得相故彼亦識住相
 成就若彼自分識生者彼則隨轉彼有住識
 義中間因緣閱故識不生非識住非分問世

尊說緣起彼有何相答
 煩惱及業事 隨彼次第生 當知是有支
 衆生一切生
 三分緣起支謂煩惱業事此煩惱業及事於
 彼彼生次第起名緣起支當知是緣起支
 此諸分建立 謂衆生受生 過二及未生
 中間說於八
 此諸分建立謂衆生受生者於此三分緣起
 說十二支問此云何答過二及未生中間說
 於八彼過去生時諸煩惱分說無明過去生
十五時業說行現在相續說識彼相續已六入分
 未滿說名色諸根滿分說六入未能分別苦
 樂不苦不樂根塵識合說觸分別苦樂分齊
 而未能分別煩惱分齊說受樂受於可愛不
 可愛若離若合愚受生說愛現在廣生煩惱

說取更生後有說有現在有種未來陰生說
生未來陰熟說老未來陰捨說死

三有支煩惱 二業事則七 七名前有支

五則說後分

三有支煩惱二業事則七者謂無明愛及取

三有支是煩惱行及有二支是業餘支說事

七名前有支五則說後分者當知無明至受

七支是名前緣起餘五支說後緣起

前支五說果 餘二則為因 後支三說因

餘二則為果

前緣起從識乃至受是果無明行是因後緣

起前三支說因後二支說果問有支前後得

展轉合耶答得此云何

前癡後愛取 行有合亦然 名色入觸受

是說同老死 謂初受身識 是則未來生

問已知有支前後展轉相攝彼云何起答

煩惱起惱業 彼業轉生事 事亦生於事

亦復生煩惱

緣煩惱生煩惱者謂緣愛生取緣煩惱生業

者謂緣取生有緣業生事者謂緣有生生緣

事生事者謂緣生生老死事復生煩惱者前

說名色六入觸受即是後支老死以是故說

緣受生愛亦說緣老死無明是名為無始有

輪問有四種緣起何等為四答

謂彼相續轉 剎那與連縛 及前謂分段

此則說緣起

癸一

十六

相續轉者是無始義因果展轉相縛故說緣

起輪猶如滿月始不可知是故修多羅說有

愛本際不可知應說無不應說不可知自有

有而不可知者不然何以故無言說因故言

說無者若有問言何故無則不容言說因說
 言不可知者若問何故不可知則答言無何
 等如滿月輪始不可知如是因緣相續緣起
 滿月輪始不可知是故言不可知一刹那頃
 一切有支現在前故說刹那知識身論說於
 莊嚴事無知故起貪無知者是無明貪者是
 行於事知者是識識共起四陰是名色名色
 建立諸根是六入六入所著是觸觸隨覺是
 受受所喜樂是愛愛俱生纏是取受當來生
 業是有未來陰起是生陰熟故是老捨陰是
 死展轉相縛故說連縛因緣根本展轉久遠
 義非唯十二支說緣起若生若所生一切有
 爲法說緣起尊者富那耶舍說或緣起非已
 緣起者謂未來法已緣起非緣起者謂過去
 現在阿羅漢命終五陰緣起已緣起者除過

卷一

十七

去現在阿羅漢命終五陰諸餘過去現在法
 非緣起非已緣起者謂無爲法分段問可得
 故說分段彼過去生時煩惱分說無明餘如
 前說問世尊說生及趣趣者應言到也爲生攝趣爲
 趣攝生耶答
 生攝一切趣 非趣攝於生 謂生中陰增
 當知非趣攝
 生攝趣非趣攝生問何故答謂生中陰增中
 陰者生所攝非趣攝以到故說趣中陰者是
 去非到是故非趣生者謂四生卵生胎生濕
 生化生欲界具四生色無色界一切化生地
 獄化生畜生四種餓鬼化生亦有胎生人四
 種天化生化生最廣以全二趣三趣少分故
 此亦最勝問若最勝世尊何故不化生耶答
 時不俱故若有化生時則無佛出世佛出世

時則無化生人復次一切勝故世尊一切勝
所生種性於一切衆生最勝說法信受故及
斷種性貢高慢故趣者五趣謂地獄畜生餓
鬼人天不可樂故說地獄身橫行故說畜生
從他怖求故說餓鬼意寂靜故說人光明故
說天有欲令阿脩羅與天同趣是故說言汝
先是天問若然者何故不見諦耶答諂曲所
覆故有說是大力餓鬼天趣不說故問若爾
者釋天云何與相習近耶答貪色故負多究
槃荼勒又亦餓鬼趣攝緊那羅毗舍遮醯魯
婆迦闍羅頗求羅畜生趣攝問世尊說六界
此云何答
所謂四大種 及諸有漏識 亦色中間相
此界說生本
所謂四大種及諸有漏識亦色中間相者四

卷一

十八

大五識身及有漏意識亦色中間謂眼所受
是空界數是名六界問已說十八界何故別
說六界耶答此界說生本此界說士夫數建
立生根本故是故無漏法不立六界中四大
如界品說問諦有何相答
謂性果諸行 有漏是說苦 因性則為集
滅諦衆苦盡
謂性果諸行有漏是說苦者一切有漏行有
因及縛性故說苦因性則為集者此有漏行
是因性者說集諦是故苦集是一物因果故
立二諦滅諦衆苦盡者一切有漏法究竟寂
滅是說滅諦
若無漏諸行 是說為道諦 此二因緣故
麤細次第現
若無漏諸行是說為道諦者一切無漏行說

道諦有相違故問何故說名諦答此二因緣故有二因緣說諦謂自性不虛及見彼得不顛倒覺虛空非數緣滅雖自性不虛無記故無漏故不說諦若法是苦苦因離苦苦對治故彼立諦彼無漏故非苦苦第十九因無記故非離苦無為故非苦苦對治是故說四諦病病因無病藥亦如是說問聖諦有何義答聖於此諸諦起真實覺及顯示他故說聖諦此逼迫相說苦生相說集寂止相說滅出離相說道問應前因後果何故世尊前說果耶答麤細次第現雖如是以隨順無間等故前說果苦麤故先無間等如是比滅雖微非道先施設說諦求滅麤非道復次易度義故從麤次第立麤者欲界苦彼先無間等後色無色界苦色界苦雖麤非無色界定故不定故是故一

無間等問真諦無間等云何為自相為共相耶答諦故自相陰故共相問世尊說四沙門果為幾事答
聖果事有六 最勝在九地 第三在六地
二種依未來
聖果事有六者六事說沙門果謂無漏五陰及數滅聖道說沙門果彼是此果沙門果擇品當廣說問此果何地攝答最上在九地阿羅漢果九地攝謂未來中間根本四禪及三無色第三在六地者阿那含果六地攝除無色二果依未來者須陀洹斯陀舍果依未來未離欲故問道有何相答
隨信行行法 離煩惱遲相 隨法行行法
離煩惱速相
隨信行行法離煩惱遲相者隨信行所行無

漏法軟根品所攝故當知是遲若隨信行所受當知信解脫時解脫亦受同軟根故隨法行行法離煩惱速相者隨法行所行無漏法利根品所攝故當知是速道若隨法行所受當知見到不時解脫亦受同利根故

根本禪地中二十當知是樂道 減及難得故

當知是說苦

根本禪地中當知是樂道者謂根本四禪地軟根法及利根法說樂道止觀等故彼地道樂行減及難得故當知是說苦者依餘地說苦道以減故謂未來中間止道減無色定觀道減彼方便難得故說苦非聖道是苦受性亦非苦受相應雖苦盡道迹無量分別此地及根建立故說四彼根本禪地若利根說樂道及速道若鈍根說樂道及非速道餘地道

若利根說苦道及速道若鈍根說苦道及非速道正升進故說道正向解脫故說道問云何不壞淨答

佛及聲聞法 解脫亦餘因 清淨無垢信

聖戒謂決定

佛及聲聞法解脫亦餘因清淨無垢信者若於佛所得無學法起無漏信是名於佛不壞淨若於僧所行學無學法起無漏信是名於僧不壞淨若於涅槃起無漏信除前所說法謂於餘苦集諦及菩薩無漏功德辟支佛無漏功德起無漏信是名不壞緣法雜不壞淨緣三寶故若於佛法辟支佛法聲聞法起無漏信是名壞緣法別緣法寶故不壞緣也聖戒者無漏戒是四大淨信是心淨戒問何故無漏說不壞淨答謂決定故真實智俱生無漏信

雜阿毗曇心論卷第八下

瑟二

尊者法救造

宋天竺三藏僧伽跋摩譯

修多羅品第九之餘

問修定有何相答

初禪若有善聖說名現法樂一謂得生死智

是說名智見

初禪若有善說名現法樂者淨無漏初禪見

法安樂住是名修定得現法樂當知第四禪

亦如是初禪亦說後世樂住然不一切若退

若生上地若般涅槃後世樂不定故世尊說

現法安樂住謂得生死智是說名智見者生

死智通是名修定得知見如力處說盡當知

當知分別慧方便生功德金剛喻四禪

是名為漏盡

當知分別慧方便生功德者若方便生諸功德從善法欲聞思修三界善及無漏是一切說名修定得分別慧金剛喻四禪是名為漏盡者金剛喻定名最後學心相應依第四禪是名修定得漏盡此世尊自己說第四禪一切菩薩無所有處愛盡依第四禪超升離生乃至漏盡問如意足何等自性答

善有為諸法方便之所起佛說如意足是亦說正斷

善有為諸法方便之所起佛說如意足者前所說方便所生功德彼一切如意器故說如意足自心自在起種種功德故說如意足彼如意足故說如意足足支俱同一義問何者是答謂三昧彼復四種增上分別若欲增上起三昧名欲定精進心慧增上起三昧亦如

是彼先欲故欲增上欲生已求成故精進增
上精進方便已隨順求故心增上於欲精進
心正向如意足究竟故慧增上若無慧者餘
則失問何等為如意何等為足答定為如意
欲等為足雖有受等諸法生但取此生定故
說此為足此義雜品當廣說是亦說正斷者
即此諸功德說正斷以正智火燒諸煩惱草
故說正燒此亦斷諸煩惱故說正斷復次滅
煩惱最勝故說正勝彼過惡功德捨離長養
若防若增堪能故說正斷彼復四種事分別
故如一刹那燈作四事謂燒炷油盡器熱破
闍如是一刹那精進現在前作四事已生惡
法等如修多羅廣說息煩惱種道根斷過去
未來煩惱得斷煩惱得斷說過去滅未來不
起雖斷一切有漏以惡法極惡故聖道相違

故唯說惡法斷生一果故說惡生二果故說
不善已生善法相續住故說住軟中上增長
故說重修增廣阿羅漢雖無不善法及斷對
治而有壞對治毀咎呵責是持對治遠分對
治故亦說四正斷色無色界亦如是

此說四念處 四聖種亦然 如其增上生
是皆隨名說

此說四念處者謂前說功德亦說念處謂身
受心法內外俱自相共相隨順觀故說念處
如賢聖品說四聖種亦然者謂前所說功德
亦說四聖種聖慧二以此為種故說聖種聖從彼
生故說聖種問聖種何等性答無貪善根性
若眷屬是五陰性四種愛取對治故說四因
衣生愛因乞食因牀卧具因有無有生愛無
愛者愛斷滅除上三及隨彼次第對治立四
此也餘愛總名有愛也

聖種衣乞食攝藥故又不一切不一切時故藥不別立聖種現在境界起故知足立聖種非少欲知足於現在處起少欲於未來處起現在不取一錢難非未來轉輪聖王聖種者於出家者有二種勝謂惛望及受用在家者唯惛望種者是持義是故別解脫律儀以無作為聖種非作色無色界雖無衣食然有聖種謂無漏律儀問何故此諸功德說如意足乃至聖種耶答如是增上生是皆隨名說此諸功德定增上生故說如意足精進增上生故說正斷念增上生故說念處知足增上生故說聖種問世尊說三十七覺品有幾種性答

淨信精進念 智慧及喜猗 覺品 應捨
思戒三摩提

如所說十事餘覺品分悉入其中此云何謂信是信根信力精進是正斷精進根精進力精進覺支正方便念是念根念力念覺支正念慧是念處慧根慧力擇法覺支正見喜是喜覺支猗是猗覺支捨是捨覺支思是正思惟戒是正語正業正命三摩提是如意足定根定力定覺支正定鞞婆娑欲令戒有二種身口業不壞故說十一事問何故此諸法多種建立答

處方便自在 軟及利亦然 見道亦修道
故說三十七 第二

處者正緣處建立故說念處方便者正方便故說正斷自在者自在功德故說如意足軟者信等五法軟者說根及利亦然者此諸根若增上者說力是故增上義說根難伏故說

力問何者是根云何次第答信精進念定慧是根次第者信因果能爲一切善法根本是故前說信信已捨惡修善故精進方便精進方便已心於境界念住心住已於緣不亂不亂已堪能觀察復次於法觀察已心定心定已隨正念住正念住已正堪能正堪能已信業果是說逆次第問云何立五根答地故建立彼初業地信修修者應言薰謂以信熏初業下一切修應如是知導一切勝法故見地精進修見道速進故薄地說念修念住令貪恚癡薄故離欲地說定修定修根本禪故無學地說慧修慧永離無明故說力亦如是見道者見道道支修見道速進故正見乃至正定彼於法顯示自相共相故說正見思量正義故說正思惟邪命所不攝口四惡行數滅離故說正語邪命所不

卷二

5.

攝身三惡業數滅離故說正業邪命數滅離故說正命正方便堪能故說正方便正念緣不忘故說正念報正一心念故說正定次第如修多羅說正見者彼正見是道亦道支餘者是道支非道支如定是禪亦禪支餘者是禪支非禪如說定八種亦如是修道者修道覺支修道所斷煩惱種九品斷頓極覺故以覺義故說覺支彼擇法覺是覺亦覺支餘者是覺支非覺次第如修多羅說問何故喜捨捨立覺支非道支正思正語正業正命立道支非覺支信俱非耶答隨順覺故乃至知緣常生喜乃至生喜常生覺謂息一切事及捨常生覺於進不隨順故非道支進去是道義喜者不去樂住處故捨與去一向相違故不說道支戒者於道輪爲轂故立道輪支非相

應故非覺支正思策正見故於進去隨順非
 覺故立道支非覺支信者始習度覺道者已
 度是故俱不立是說三十七者此十法各別
 事分別故世尊說三十七彼初業地說念處
 於身等分別修故暖法說正方便生聖智火
 暖故頂法說如意足得頂法功德自在故忍
 法說根彼於進增上故世間第一法說力住
 彼勢不可伏故見道說道支速進故修道說
 覺支覺寤故以數漸增故先覺支次道支四
 乃至八此諸覺品

二禪三十六 未來亦復然 三四及中間
 是悉三十五

二禪三十六者除正思地無思故未來亦復
 然者未來禪亦三十六除喜難起故未來難
生喜
 三四及中間是悉三十五者第三第四及禪

卷二
六

中間禪三十五除喜及正思

初禪說一切 無色三十二 最上二十二

欲界亦復然

初禪說一切者初禪具三十七品無色三十

二者三無色三十二除喜正思正語正業正

命最上二十二者非想非非想處無道支及

覺支道支雖有漏在覺支後說當知是無漏

是故修多羅說三十七覺品一向無漏故如

修多羅說修不淨觀俱念覺支彼以不淨觀

調心故然後覺支現在前欲界亦復然者欲

界亦二十二問四食在何地有何性答

諸食中搏食 欲界說三入 識食思及觸

是食說有漏

諸食中搏食欲界說三入者搏食是欲界中

三入處謂香味觸事則有十三謂十一觸及

香味隨其所應彼或以草或以木或以根或以果或以五穀或以汁或以香或以溫暖如是比識食思及觸是食說有漏者謂識思觸若有漏者持生相續及招有故是故說食無漏觸等雖攝持諸根四大而不招有斷有故是故非食問何故色非食答色麤故非食壞色故名食色不能極攝諸根四大攝義是食義此義擇品當廣說問三三昧一一有幾行轉答

無願有十行 二行是空定 四行說無相是說為聖行

無願有十行者無願三昧十行轉所謂無常行苦行集四行道四行二行是空定者空三昧空行及無我行轉四行說無相是說為聖行者無相三昧滅諦四行轉定品已廣說問

四顛倒云何斷何等性答
謂彼四顛倒 當知見苦斷 三見自性增見實者分別

謂彼四顛倒當知見苦斷者一切四顛倒不遠尋根本故苦處起故見苦斷毗婆闍婆提

欲令有十二顛倒所謂無常想常倒見倒心

倒餘亦如是彼八種見道斷無常無我六

各心想見故六苦有樂見倒不淨淨見倒四見道修

道斷苦及不淨想倒心倒樂淨見一向見諦斷樂淨想二見道

修道斷以見諦者見斷而想不盡也如是說者此義不然何以

故顛倒是見性故想心為見所亂故說想心

倒受等雖為見所亂非世所縛故不說若問

須陀洹云何染著者煩惱不斷故如在家須

陀洹我倒斷猶起男女結非法想起男女結

彼亦如是謂上說想心非倒亦如此三見自性增見實者

分別者此四顛倒是三見自性但說少分見
 真實者所建立問何故答以增上故若彼見
 增上分建立顛倒謂如身見中立我見是倒
 非我所見邊見中立常見是顛倒非斷見見
 取中立樂淨見是倒非餘計惡為好劣為勝
如是一切悉是見
 取但以輕兼二問何故餘見不立倒答三事故說
 故不立倒一向倒謂正
反轉下為上謂彼
 倒所謂決斷妄置一向倒
 邪見及邊見所攝斷見雖決斷及一向倒而
 非妄置從壞事生故戒取雖決斷及妄置不
 一向倒謂少實處起故阿毗曇說身見見取
 全倒無始久習倒煩惱斷已須陀洹斯陀舍
 猶染著境界問世尊說多見何見攝答五見
 攝問此云何答
 誹謗於真實 此見是邪見 不實而妄置
 是二見及智

誹謗於真實此見是邪見者若見誹謗真實
 謂無有無有誹
施戒等無苦等是說邪見不實而妄
 置是二見及智者於陰不實妄置我所是
 身見妄置樂淨是見取若於餘處所不實而
 妄置士夫等如是一切是邪智非見
 非因而見因 是說為戒取 若攝受邊見
 依斷滅有常
 非因而見因是說為戒取者謂於彼無因而
 見因是戒取如為自在天故斷食等求生天
 能辯性及士夫得解脫性者世性謂能知世
性與士夫異者
 得解脫若攝受邊見依斷滅有常者若相似相
 續隱覆無常行而見常是常見不識因果分
 相續而見斷是斷見除此五見更無餘見是
 故說一切見五見攝問此見云何斷答
 誹謗及妄置 因見及二邊 於此諸事轉

或見彼則斷

誹謗者說邪見若謗苦當知見苦斷苦處起故見集等亦如是見滅道斷見取戒取異處生見異處斷以此義故欲界上緣煩惱亦如是說不實而妄置者說二見彼身見苦處起故見苦斷見取者若於果不實而妄置者見苦斷於因起者見集斷於見滅所斷起者見滅斷見道所斷起亦如是非修斷決斷故戒取者非因見因若於有漏處起者見苦斷若見道所斷處起者見道斷斷常見見苦處起者見苦斷問世尊說二十二根彼云何答謂眼等四根 身根有三種 意根及與命是根生死依 謂眼等四根者如界品說身根有三種者身根說三種謂身根男根女根意根者意根前

已說以意界即意根故及與命者壽說命根是根生死依者此諸根生死依故立根問根有何義答

增上^二是根義 五根說四種 當知餘四根各有二增上

增上^一是根義者彼增上義是根義端嚴義是根義勝義是根義上義是根義生義是根義雖一切有為法各各增上然或劣或勝當知勝者立根如人生天主問增上義有幾種答眼等四種增上^二謂眼等五根四種增上緣^十謂令身端嚴導養已身依生識不共事彼眼根令身端嚴者若眼根不具人不喜見多所增惡不為增上導養已身者若眼見安危去危就安令身久住依生識者依眼生眼識及相應法不共事者唯眼見色非餘耳根令身

端嚴導養已身如前說依生識者依耳生耳識及相應法不共事者唯耳聞聲非餘餘根令身端嚴如前說導養已身者此三根通搏食令身久住依生識者此三根各各生自分識不共事者各行境界當知餘四根各有二增上者男根女根有二事增上緣故勝謂眾生別相別始者一眾生二根生已眾生別及眾生相別復次煩惱清淨故謂此二根具足能作不律儀乃至能作五無間業斷善根清淨者謂受律儀得果離欲種三乘種子若無形二形不能起如是善惡命根者種類相續及持意根者續當來有自在隨轉有相續者如所說香陰有二心展轉現在前若愛若恚自在者如所說心牽世間如是廣說

受或煩惱分 信等依清淨 九根若無漏

卷二

十一

此三依於道

受或煩惱分者苦樂憂喜捨受隨順煩惱分為增上緣謂受勲諸煩惱以受樂著故煩惱樂著復次受為煩惱清淨分增上緣煩惱分者如所說樂受貪使苦受恚使捨受癡使清淨分者如所說樂已心定因苦習信依六出離捨行信等信等依清淨者隨順清淨故信等五根修清淨分九根若無漏是三依於道者信等五根喜樂捨及意根此九根有漏無漏若無漏者依道故立三根若隨信行隨法行道所攝是未知根若信解脫見到道所攝是已知根若無學道所攝是無知根已說諸根事餘因緣擇品當廣說問此諸根何界繫

答

欲界四善八 色種根有七 心法則有十

一心三根二

欲界四者謂男根女根苦根憂根欲界繫餘色根及意根如界品說如意根信等及捨根亦如是樂根喜根若有漏欲色界繫無漏則不繫命根雜品當說三無漏根不斷故不繫問幾善答善八謂信等五根三無漏根是善愛果故命根及諸受有報章當說餘如界品說色種根有七者眼等七根是色餘者非色問幾性心幾性心法幾非心幾非心法答心法則有十謂信等五根五受根此是心法心相應故一心者意根是心自性得心相故命根等八非心非心法無緣故三根二者無漏三根有二種謂心及心法性多集故問幾有報幾無報答

於此諸根中 一及十有報 十二中是報

第十二

十二

命根唯是報

於此諸根中一及十有報者憂根一向有報彼善不善有漏故現在方便生故非報生非威儀非工巧非學習法故亦非無漏從煩惱生故意根善不善有漏是有報無漏無記是無報三受亦如是苦根善不善是有報無記是無報信等五根若有漏是有報若無漏是無報餘命根等八是無報無記性故三無漏是無報問幾是報幾非報答十二中是報謂色根七有是報有非報如界品說意根及四受或是報或非報若善不善果是報命根唯是報者命根一向是報有欲令是正受果問初生時得幾根報答
二或六七八 最初生時得 當知欲界報色六無色一

二或六七八最初生時得當知欲界報者此諸根漸漸生謂胎生卵生濕生彼初生剎那得二根謂身根命根彼剎那意根是穢汙非不穢汙心相續受生故捨根亦如是餘根亦得而不說非報故謂上界沒生時先所求者今悉得化生無

形六謂五色根及命根一形七二形八此一

向說欲界色六無色一者色界得六根彼一向化生故無男女前已說無色界唯一命根

問命終時幾根最後捨答

捨四八與九 或復捨於十 漸終及頓沒

善捨各增五

捨四八與九或復捨於十漸終及頓沒者無記心漸命終捨四根謂身意命捨根若無形無記心一時命終捨八根謂眼等五根意命及捨根無記心一形九二形十不善心亦爾

問善心捨幾根答善捨各增五若善心命終各增信等五根是說欲界沒還生欲界者欲界沒生上界者除無形二形離欲俱非分故色無色界命終隨所得根亦如是說無漸命終此說諸根現在前捨非成就捨不隱沒無記說得捨善者於此命終即此生說行捨若生餘處則得捨問幾見斷幾修斷幾不斷答二斷無斷四 六根則二種 三無漏不斷餘則修道斷

二斷無斷四者謂意根樂根喜根捨根有三種或見斷或修斷或不斷彼隨信行隨法行道斷說見斷信解脫見到道斷說修斷無漏說不斷六根則二種者謂憂根見斷及修斷信等五根修斷及不斷非見斷不染汙故三無漏不斷者一向無漏故餘則修道斷者謂

餘九根修道斷命根等八不隱沒無記故非見斷墮生故非無斷苦根五識身相應故非見斷從煩惱生故非不斷問若成就根彼成就幾根答

或成就三四 五七及與八 十一與十三

是說定成就

卷二

十四

若成就意根必成就三根謂意命捨餘或成就或不成就眼耳鼻舌根若生色界必成就若生欲界得而不失則成就若生無色界及生欲界處胎漸厚諸根未滿及得而失則不成就身根若生欲色界必成就生無色界不成就樂根生遍淨天若下及聖人生上必成就凡夫生上不成就喜根生光音天必成就餘如樂根說苦根生欲界必成就生上界不成就憂根未離欲必成就離欲不成就信等

五根不斷善根必成就斷則不成就三無漏根隨地聖人必成就見地修地無學地也凡夫不成就如意根命根捨根亦如是若成就身根必成就四根謂身意命捨餘如前說若成就樂根亦成就四根謂命意樂捨若成就眼根必成就五根謂身意命捨及眼根耳鼻舌根亦是若成就喜根亦成就五根謂喜樂意命捨若成就苦根必成就七根謂身意命四受除憂根若成就男根必成就八根謂前七及一形女根亦如是若成就憂根亦成就八根謂身意命及五受若成就信根亦成就八根謂信等五根及意命捨精進念定慧根亦如是若成就已知根必成就十一根謂意命喜樂捨信等五根及已知根無知根亦如是若成就未知根必成就十三根謂身意命苦樂喜

卷二

十五

捨信等五根及未知根問幾根得沙門果答
九根得初果 或獲二沙門 謂以十一根
究竟第四果

九根得初果者九根得須陀洹果謂意根捨
根信等五根未知已知根未知根無闕道已
知根解脫道俱有七根或獲二沙門者若倍
欲盡得斯陀含果九根如前說若欲愛盡得
阿那含果亦九根八根如前說三受隨所用
說若次第得斯陀含果世俗道七謂意捨及
信等五根無漏道八前七及已知根次第得
阿那含果亦如是謂以十一根究竟第四果
者十一根得阿羅漢果謂意根及三受信等
五根已知無知根已知根無闕道無知根解
脫道問此云何爲分定爲用定耶若分定者
阿那含果亦有三受若用定者無此三用尚

無二受一時行何況三耶答用定身故非刹
那故謂以樂根得阿羅漢果於彼退已復從
喜根得若復退已復從捨根得而阿那含果
以此受得若彼退者還從此受得非餘問世
尊修多羅說六識身此諸識識何境界答

若取諸相義 五種心境界 若取一切法
是則說意識

若取諸相義五種心境界者色等五境界五
識所取眼識取色乃至身識取觸受自相故
及現在境界故若取一切法是則說意識者

要二

十六

意識緣一切法共相境界故思惟故數數念
故此義廣說如界品已說識境界智境界今
當說

欲色界諸陰 無色與無漏 有依無依八
及彼二無爲

有十法欲界相應不相應色無色界亦如是
有為無漏相應不相應二種無為善及無記
問此十法智所知一一智幾法為境界答
五法應當知 法智之境界 比智七為緣
他心境界三

五法應當知法智之境界者謂欲界相應不
相應無漏相應不相應無為善比智七為緣
者謂色無色界及無漏相應不相應無為善
他心境界三者謂欲色界及無漏相應心
法境界故

有漏當知十 因果智有六 解脫一道二
餘二境界九

有漏當知十者等智行一切十法廣境界故
因果智有六者苦集智知六法謂三界相應
不相應有漏境界故法智比智故解脫一者

卷二

十七

滅智緣一法謂無為善數滅境界故道二者
道智緣二法謂有為無漏相應不相應學無
學境界故餘二境界九者盡智無生智緣九
法除無記無為四諦境界故問諸使何所使
答

自地諸煩惱 定使於自地 自種一切遍
隨使於彼種

自地諸煩惱定使於自地者彼欲界煩惱即
使欲界法乃至第一有亦如是勝故對治故
下不使上離欲身行故上不使下自種一切
遍隨使於彼種者自種諸法自種使所使一
切遍亦他種五種境界故

若定三界法 三界使所使 二界生當知
一界亦復然

若定三界法三界使所使者三界所攝五種

法彼三界一切使所使如是一切法隨所應
 說二界生當知者二界所攝法二界煩惱所
 使隨其所應謂覺觀欲色界五種彼欲色界
 一切使所使謂意根三界五種彼三界一切
 使所使如是一切法隨其所應一界亦復然
 者若定一界法彼一界使所使謂憂根欲界
 五種彼欲界一切使所使如是一切法隨其
 所應

此經牟尼說 其性已分別 識智及諸使
 當知是三門

此佛所說修多羅我已具分別當以三門通
 所謂識門智門使門如施欲界修道斷五陰
 性彼七智知除比智滅智道智欲界故除比
 智有漏故除滅智道智三識識謂眼識耳識
 意識四入攝故欲界一切遍及修道所斷使

卷二 十八

所使戒八智知除他心智滅智三識識謂眼
 識耳識意識欲色界一切遍及修道所斷使
 所使修者不放逸性九智知除滅智意識識
 三界一切遍及修道所斷使所使一切修多
 羅皆知是說隨其所應此總說義欲知攝者
 當觀界建立欲知智門者當觀諦建立欲知
 識門者當觀入建立欲知使門者當觀種建
 立如是說者此則易知

雜阿毗曇心論卷第八下

音釋

修多羅 梵語也此契經 鞞 駢迷切 擗 度官切 閱 五
切阻 數數 所角切 頓也

雜阿毗曇心論卷第九

瑟三

尊者法救造

宋天竺三藏僧伽跋摩譯

雜品第十

已分別諸法 一一定相續 於上眾雜義

是今當略說

已分別諸法 一一定相續者已說諸法展轉

相續種種品類於上眾義謂決定應相續說者已說竟即此義

上眾雜義於此品說是今當略說

有緣亦相應 有行亦有依 心及諸心法

是同一義說

此是諸心心法名差別有彼緣故說有緣於

境界轉故時依行緣事俱轉故說相應有行

者是慧智品已說彼於緣作行故說有行依

他轉故說有依

從緣生亦因 有因亦有為 說處及與道
有果應當知

此是諸有為法名差別彼彼緣和合等生故

說從緣生生餘法故說因由因力故說有因

因緣等作故說有為能生說故名說處過去

未來現在道所攝故說道彼有果故說有果

有罪亦隱沒 穢汙下賤黑 善有為說習

亦復說名修

有罪亦隱沒穢汙下賤黑者此是不善及隱

沒無記諸名差別與罪俱故說有罪是可惡

狀義煩惱上煩惱所覆故說隱沒是漏所覆

義煩惱垢所汙故說穢汙極鄙故說下賤闇

冥故說黑黑者有二種穢汙黑及不可意黑

比說穢汙黑不說不可意黑以不可意黑亦

有不善報黑故善有為說習亦復說名修者

此是善有為法諸名差別彼善法所攝及愛果故說善增長功德故說習及修此說得修及習修親近是習義種義是修義現在名習未來名修故說善有為對治修斷修者一切有漏法亦說修問何等為心不相應行答

無想二正受亦亦衆生種類二句味與名身

命根與法得

無想者彼無想衆生受生心心法滅有說無想正受果有說名第四禪眷屬果有說乃至有心是有心果無心是無心果問為前心多為後心多答有說後心多前心少樂欲速入無想如是說者此不定或前多或後多若以此威儀入無想正受即以此威儀入無想住從彼起已謗涅槃乘後報業生欲界彼報業盡不起餘業故二正受者無想正受滅盡正

受無想正受者遍淨愛盡上愛未盡先作出離想思惟心心法滅從欲界起非餘此根利故凡夫起非聖人無有聖人於有作出離想方便得非離欲不退轉問無想正受無想何差別答無想正受是因無想是果此善彼無記此有報彼是報此有行彼無行滅盡正受者離無所有處欲先止息想思惟心心法滅問此正受云何答心心法滅相續中間心不相應行隨流四大諸根住是說滅盡正受餘如定品說種類者衆生身諸根支節事業飲食相似彼種類有六種三所謂界種類趣種類生種類處所種類自身種類性種類界種類者欲界衆生欲界衆生種類色無色界亦如是趣種類者於一趣生一趣種類生種類者受一生一生種類處所種類者生無擇獄無

擇獄種類乃至第一有亦如是自身種類者

同生一界一趣一生一生者四生中一也而有種種自

身如衆鳥如是比性種類者所稟性同是性

種類若六種類相似者是名種類句者集諸

名味究竟顯義味身者是字身味者是字梵音中有味聲

謂是字之模法非今形色字也名者名諸法以名顯義如名

男女命者壽謂得陰界入不壞問命行壽行

何差別答有說無差別有說宿業果名壽修

果名命問世尊何故捨第五分壽答善究竟

佛事故餘事聲聞究竟故復次住四聖種故

有及衆具盡無餘故得者得諸法得成就同

一義後當廣說

謂彼凡夫性 及諸法四相 非色不相應

說是有爲行

凡夫性者謂不得聖法四相者謂生住老無

常行品已說非色者此諸法非色性四種及

造色非分故不相應者無緣故說是有爲行

者他爲故爲他故問此諸行幾善幾不善幾

無記答

二善五種三 當知七無記 二在於色中

一在無色地

二善者無想正受滅盡正受是善修性故五

種三者得生住老無常善中善不善中不善

無記中無記生等與法一果故得者非不自

分故當知七無記者無想種類句味名命根

凡夫性問此諸法三幾欲界繫幾色界繫幾無

色界繫答二在於色中謂無想天無想正受

色界繫無想天第四禪果故無想正受第四

禪攝故一在無色地者滅盡正受無色界繫

第一有攝故

二界說有三 餘在於三界 有漏無漏五
餘則盡有漏

二界說有三者句味名身在欲色界非無色
界語非分故餘在於三界者種類得命根凡
夫性諸得相在三界普遍故問幾有漏幾無
漏答有漏無漏五謂四有為相在無漏法中
則無漏有漏法中則有漏與法一果故得者
若得有為亦如是若得數滅或有漏或無漏
共凡夫故若得非數滅是有漏無記故即以
此義說繫不繫餘則盡有漏者無想天無想
正受滅盡正受衆生種類命根句味名凡夫
性一向有漏有攝故問離聖法名凡夫性云
何捨云何斷答

初無漏心中 當知捨不得 凡夫流諸界
離欲時滅盡

卷三

五

初無漏心中當知捨不得者聖人初無漏心
生時捨凡夫性初無漏心謂苦法忍相應彼
生時捨凡夫性若言起已捨者彼住苦法忍
時應非聖人不捨凡夫故是故說生時是故
佛說二法生時究竟其事內事謂苦法忍眷
屬外事謂諸光明凡夫流諸界者凡夫流諸
界時若此地命終即捨此地若生彼地即得
彼地不隱沒無記故非究竟捨不得聖法故
離欲時滅盡者若離此地欲若凡夫及聖人
爾時斷此地凡夫性不隱沒無記故問三無
為有何相答

煩惱斷離繫 是名為數滅 無諸障閔相
是說為虛空

煩惱斷離繫是名為數滅者以智慧斷身見
等煩惱及眷屬得於此得離繫此諸離繫名

數滅謂藥病種數相對也有說唯一滅事無自分故有衆多得若此得滅得證即此涅槃是故涅槃不共毗婆沙說於此繫事即此離繫事若異者見苦所斷結種斷餘煩惱亦應斷作證一事故若爾者後諸對治則應無用但未究竟故是故事各別無自分因故說無自分此無自分因亦不與他苦法忍及眷屬雖無自分因而與他自分因彼品非分故說非品煩惱滅故說涅槃無邊說故言非說勝一切法故說最勝智果故說智不種故說無生在解脫道邊故說邊出一切法故說出離無常等過故說妙無諸障闕相是說為虛空者謂不障闕種種色以有來去等故說虛空譬喻者說虛空非色亦非非色言虛空者隨順世間故說有說非無虛空容有故若無虛空者不應

第三

六

容有容有故是故有虛空事
依於諸緣法 有依及境界 不具則不生
此滅非是明
一切有為法依緣及境界力生羸劣故彼非分則不生如眼識依眼色明空及彼憶念和合故生一一不具則不生餘識現在前時念念項餘眼滅餘眼生衆緣不具故眼識不得生若眼識應依彼眼生者則不生依等已滅故至竟不生以先無方便而滅故說非數滅如眼識一切識身亦如是又無漏者隨信行道進得隨法行道非數滅一切道亦如是隨其義盡當知問若此勝進道得何故非道果攝答為餘事故斷煩惱故勤方便不為非數滅故是故非道果攝問一切有為法說因誰為誰因答

前因相似增 或俱依倚生 二因及一緣
一向已生說

前因相似增者前法為後相似法因及增因
非軟因謂修法時若住若增非減或俱依倚
生者謂相應因及共有因二因及一緣一向
已生說者謂自分因已生說非未生前者後
因未生者無前後故一切遍因亦如是次第
緣亦已生說因緣義行品已說問報當言眾
生數非眾數耶答

報謂眾數 有為解脫果 有緣說俱行
謂於他相轉

報謂眾數者報說眾數不共故不以他
眼見亦不成就餘報義亦如是衣食等眾具
當知是功用果增上果非眾數以共故問
果云何答

有為解脫果 一切有為法 說果有因生
故及數緣滅

亦說道果果義業品已說問心心法云何於
緣轉答有緣說俱行若有緣法俱於緣中轉
辦一事故問於何緣轉答謂於相地轉心心
法緣他法非自性何以故無二決定不自行
故亦不緣相應一行一緣故亦不緣共有同
一果故此義擇品當廣說問心心法為有方
處為無方處答

普因無方處 生時心解脫 煩惱在道心
乃至滅時捨

普因無方處者心心法普因生謂因二眼生
一識耳鼻識亦如是若有方處所者應於一
眼中轉若然者應一眼見色不應俱見此義
界品已說若言二識俱生者不然何以故第

二次第緣非分故一識住二眼見色者不然無分故若一識住二眼中者應有分生若住左眼者非右眼方處別故此則非說無色無分故若復一識住二眼者彼二眼間身根中亦應生若爾者眼識即身識若中間不生者應斷作二分非一前已說無二識俱生故問何世心解脫答生時心解脫道生時是煩惱滅時是故道生時心解脫如堤塘漏近水先出彼亦如是又說一切未來心解脫非獨生時但以初解脫故說生時問道生時斷煩惱為不答煩惱在道心乃至滅時捨道滅時滅煩惱事究竟故生時是未來云何未來道能究竟事是故說無閔道滅時斷煩惱問有愛有幾種答

有愛有五種 無有唯一相 愛事餘煩惱

滅盡是三界

有愛有五種者有愛貪於有有五種謂見苦集滅道修道斷以五行種有貪故無有唯一相者無有愛謂見斷已於自報斷生樂著是修道斷何以故見貪見道斷此貪隨報無常起報者修道斷不隱沒無記故報無常亦如是與報同一果故非見道斷貪緣修道斷非一切遍故此無有愛須陀洹斯陀舍不斷而不行斷見所長養故如悔疑所長養須陀洹斯陀舍亦不行問世尊說三界斷界無欲界滅界此云何答愛事餘煩惱滅盡是三界彼愛盡是無欲界事盡是滅界餘煩惱盡是斷界取近對治故論者如是說世尊脩多羅說一切行盡名斷界無欲界滅界亦如是問十二法欲界善不善隱沒無記不隱沒無記色

界三除不善無色界三亦如是及學無學此
十二法幾穢汙心中得幾善心中得幾無記
心中得答

若得九種法 當知穢汙心 善心得六種
無記即無記

若得九種法當知穢汙心者界及地來還時
欲色界得七心 上界沒還生色界時得欲
界化無記心及色界三心及

欲界善善根續時得退時得三界穢汙及學
心餘不得者謂無色界善不隱沒無記及無
學雖無色界善少有退得謂退分但此中說

悉不成就而得此則通說非一人一心中得
九法善心得六種者善心中得六心欲界不
隱沒無記色界善不隱沒無記無色界善及
學無學此亦通說非一時無記即無記者不
隱沒無記即得無記非餘羸劣故問道品十

法幾根性幾非根性答

道品有六法 當知是根性 諸法若相應
是說為他性

道品有六法當知是根性者信等五根及喜
覺支當知是根性得根相故餘者非根性問
相應者為自性為他性答諸法若相應是說
為他性諸法他性相應非自性無有一性二
刹那俱起故前與後不合故自性不自為故
此義行品已廣說問於何解脫答

緣中得解脫 三 大仙之所說 十 亦有斷而縛
見道及修道

緣中得解脫大仙之所說者當知緣中得解
脫不能於相應解一刹那故心與煩惱俱生
故眾生於緣中愚即彼起不愚煩惱解脫問
斷即解脫耶答若解脫即是斷亦有斷而縛

有少斷非解脫謂苦智生集智未生見苦所斷煩惱斷見集所斷一切遍使縛彼緣未斷故及修道一品斷餘八品縛乃至八品斷第九品縛一使故彼八品先斷後解脫第九品即斷即解脫餘一切亦如是問見諦云何得不壞淨答

二解於三諦 四由見正道 而得不壞淨修習於二世

二解於三諦四由見正道而得不壞淨者苦集滅無間等得法不壞淨及聖戒道無間等得四不壞淨此義擇品當廣說問何等世修答修習於二世現在者習修現在前故未來者得修不現前故得隨續故過去非修現在因非分故問何等法隨心俱轉答

一切諸心法 說與心俱轉 亦此心諸相

卷三

十一

餘相及所作

一切諸心法說與心俱轉者一切心法與心俱轉與心同一果故亦此心諸相者此心生等相亦與心俱轉亦與心同一果故餘相者此心法相亦與心俱轉及所作者作名無作戒由心故亦與心俱轉亦與心同一果故問斷法云何答

斷法謂有漏 智者亦無垢 滅未來說遠

餘則說於近

斷法謂有漏者有過故如衣有垢則浣非無垢彼亦如是問知法云何答知者亦無垢若有漏無漏法一切說知隨其事何以故除無知故問遠法云何答滅未來說遠過去未來法說遠遠現在識故此說時遠四遠義行品已說餘則說於近者現在說近與識身俱故

無為說近不繫方處故隨彼彼方得滅由道故非數滅離慙求故世義界品已廣說問定法云何答

所謂無間業 及諸無漏道 慧說名為定見處謂有漏

所謂無間業及諸無漏道慧說名為定者無間業說邪定定趣地獄故無漏行說正定定趣解脫果故餘者不定問世尊於菩提樹下於一切衆生建立三聚為建立衆生分齊耶為建立法分齊耶若衆生分齊者云何說不得衆生邊而衆生無邊若法分齊者聲聞亦應建立法云何說如來不共耶答有說衆生分齊總相非自相謂說四生除此更無衆生問若然者聲聞亦應建立如來聲聞何差別答有差別如來自力建立聲聞從佛聞此則

卷三

十三

差別又說如來建立衆生分齊聲聞緣覺建立法分齊世尊建立三聚衆生已今猶安樂衆生大悲故晝夜三時以佛眼觀察衆生問見處云何答見處謂有漏一切有漏法是見處所穢汙見俱若法穢汙見緣使及相應使彼說見處又說緣自界見力故有漏法得見處名非餘緣使非分故如是好者謂前說問若衆生成就根彼成就幾根答

說有十九根 謂成就極多 極少成就八曉了根所說

說有十九根謂成就極多者聖人極多成就十九根謂未離欲具諸根若住見道除已知無知根及一形若住修道除未知無知根及一形凡夫不斷善根具諸根及二形除三無漏根極少成就八曉了根所說者極少成就

八根謂餘謂身根漸死身根善根斷漸命終
生無擇地獄大山所迫唯有身根命根意根
及五受根若生無色界凡夫意命捨信等五
根問有幾種觸答

增語

以多名故說增語也

及有對

明無明處中

所謂得果者 是則雙道事

十三

增語及有對明無明處中者增語者若意識
身相應觸緣一切法故說增語又緣多名故
說增語雖第五觸亦緣多名彼初得名故無
過若五識身相應觸依有對根故說有對無
漏者說明觸明相應故穢汙者說無明觸無
明生故不穢汙有漏者說非明非無明觸俱
不相應故此五觸隨順不隨順相應依分別
故說十六種隨順不隨順建立者謂愛恚相
應觸相應分別故說苦樂不苦不樂觸依分

別故說眼耳鼻舌身意觸問得果者為無闕

道為解脫道答所謂得果者是則雙道事雙

道俱得果無闕道及解脫道無闕道斷煩惱

得解脫道得解脫證又說無闕道得果解脫

道護彼所作事令不失故如是說問世尊說

狀已離欲云何狀云何離欲答

若智在苦因 及忍說為狀 能離貪欲故

說四為離欲

若智在苦因及忍說為狀者緣苦集智及忍

說狀緣可狀事故苦集諦惡行煩惱所依故

說為狀事能離貪欲故說四為離欲者若忍

及智於四諦轉盡說為離欲壞貪欲故雖離

一切煩惱但貪欲是諸煩惱足是故說離欲

彼憎不樂背惡此狀之差別離欲滅解脫斷

盡此離欲之差別問阿羅漢住何心般涅槃

答

羅漢住報生 及與威儀心 隨順心滅故
趣向般涅槃

阿羅漢住報生及威儀心而般涅槃何以故
隨順心滅故善心堅住於心滅不隨順無記

心羸劣羸劣故於心滅隨順復次少過故善

心依果報果門過生故無記唯有依果門無

報果門復次背諸趣故若向諸趣者彼必善

心慇現在前莫令我生惡趣中是故彼背一

切趣故住常性心有時彼身分中善心空如

斷善根不善心亦空如離欲界欲復次漸離

生死故謂欲界離欲離不善心第一有離欲

離染汙心無記心現在前離善心命終心現

在前離無記心尊者說曰 此達磨多羅以古昔達磨多羅為尊者

者慇相續者善心彼命終時不隨轉也有說

欲令下地有不苦不樂報者彼說欲界乃至
第四禪報生及威儀心般涅槃無色界唯報
生非威儀色非分故有欲令下地無不苦不
樂報者彼說欲界乃至第三禪唯住威儀心
般涅槃餘如上說問幾種有答

生有及壞有 本有亦復中 當知二剎那
一染三有二

生有及壞有本有亦復中者生有者謂生分
五陰與生俱故名生有相續心俱生義壞有

者死邊五陰與死俱故名死有沒心俱起義

本有者除生分死分五陰彼中間有本業所

種久住故故名本有中者死已乃至未得

餘生有於其中間向受生有五陰趣所不攝

於二中間起故名中有問此諸有幾剎那幾

久住答當知二剎那死有及生有各剎那頃

不久住故以此義當知本有中久住間幾
染汙幾不染汙答一染三有二生有一向染
汙以染汙心故生相續非不染汙彼欲界凡
夫三十六使一一使令生相續聖人修道斷
四使一一亦如是色界凡夫三十一使一一
使令生相續聖人三使無色界亦如是使令
生相續非纏垢餘有染汙不染汙問修行者
幾時極爲業所障闕答

若離欲界欲 越度第一有 及與起忍法
極爲業障闕

於此三時修行者業極作障闕謂聖人離欲
界欲時彼欲界業極作障闕義言汝若離欲
我於何處受報以聖人離欲界欲不受欲界
生永得蘇息故以不退果命終故謂取阿羅
漢果時彼受後生報業極作障闕義言汝度

第一有無復生處我於何處受報謂住頂法
起忍時彼受惡趣報業極作障闕以起忍法
永離惡趣故餘如前說問事有幾種答

當知有五種 自性及與因 繫縛若攝受
一切境界事

五種事所謂自性事因事繫事攝受事境界
事自性事者若法自己性以事名說如所說
若得事是成就彼事因事者如所說云何有
事法答言有因繫事者如所說若此事愛結
繫即彼事瞋恚繫耶彼五種法以事五種法
是五行
也名說攝受事者如受邪
之受也如所說田事家事
如是此境界事者如所說一切法智所知隨
其事若法彼法緣以事名說復有異五種事
說陰即爲事 界入事亦然 及與世刹那
是名五種事

若說陰即以陰為事非餘種如是乃至說刹
那即以刹那為事非餘種如是略說同實異
名盡當知問如業品說五種果云何唯此果
復有餘耶答有欲令更有四果

育多婆提說 安立及方便 亦說和合修
是名為四果

安立果者如水住風輪水輪是風輪安立果
如是一切方便果者謂從不淨觀方便乃至
起盡智無生智彼盡智無生智是不淨觀方
便果如是一切方便 此是以因求果 趣向方便也 盡當知

和合果者謂眼色明念和合眼識生如是法
和合生法此法和合果修果者謂色界道
欲界化化及作欲界語彼化及語是色界修
道果如是一切問神足幾種 梵言粟地或言神足或言如意
足或言自在或言富滿皆 答 義出耳悉不全得本名也

卷三

十七

運身及意解 意念自在通 意念唯如來
當知二則共

三種自在運身自在意解自在意念自在運
身自在者舉身陵虛猶若鳥飛意解自在者
遠作近解屈伸臂頃至色究竟意念自在者
如眼識至色頃隨意即至此意念自在者唯
佛非餘一切智所知到彼岸故當知二則共
者運身自在及意解自在如來緣覺聲聞共
是禪果故問一切阿那含入色無色界不一
切信解脫得見到一切退法者必退不答
入色無色界 亦復增益根 及與賢聖退
生中間定無
聖人還受生者如前所說餘因緣定無 還受生者
定不至上二界亦不退也 還受生者謂欲界得果
還生欲界者馱於處胎見有之過不入色無

色界以壽長故也久修聖道故不能增進根
如下親友不能捨離彼亦如是生中間修習
聖道故不退問何時佛出世何時轉輪聖王
出世何時辟支佛出世答

劫滅佛興世 增時轉輪王 二時辟支佛
如是應當知

劫滅時佛興於世順解脫師故佛是解脫師
為捨生死出世說法增時衆生向生死見轉
勝樂故若爾時佛出世者則為空出以衆生
不能捨生死極著樂故滅時衆生背生死見
煩惱惡行極增上故能捨生死是故乃至百
歲衆生時佛乃出世非滅也若滅者爾時衆
生非法貪不正貪悉行邪法慙利煩惱非善
法器故轉輪聖王多於增時出于世間能以
十善建立衆生是故滅時不出以彼衆生向

經三

十八

惡行故是故增時易化時淳故初滅時轉輪
聖王亦出於世猶淳故辟支佛二時出世作
自事故問得為有得得為無若得復有得者
此得復應有餘得云何非無窮若無得得者
得云何成就答

若彼諸法生 二得共俱起 二得俱生者
當知有得得

若諸法生即彼法二得俱生得及得得彼得
力故成就法及得得得力故成就得以得
及得得故俱一心中展轉相得是故非無窮
彼色陰行陰一得得餘陰亦如是 初得能得一陰及小
得也有為無為一得得 初得能得無為及小得也欲界善戒
惡戒若過去者三世得若現在者現在未來
得若未來者即未來得欲界善及穢汙四陰
色界善五陰及穢汙四陰無色界善及穢汙

四陰無漏五陰變化心共生四陰三世三世得隨其類得威儀四陰多以世斷及刹那斷得若彼善修者三世得工巧亦如是無記色及報生四陰以世斷及刹那斷得過去過去未來未來現在現在問苦法忍有幾得乃至

道比忍有幾得答

三

十九

諸得有十五 得於苦法忍 其餘見增道當知一一減

諸得有十五得於苦法忍者苦法忍有十五得以見道十五心故一切心彼得生一得與

彼忍俱生十四後生其餘見增道當知一一減者見道名見慧增上故餘見道漸度一心中得轉減苦法智十四得一俱生十三後

生無前生未曾得故苦法智俱生得今始起故無前生故十四餘無漸少也苦比忍十三得一俱生十二後生苦

比智十二得一俱生十一後生乃至道比忍一得俱生無後生者見道究竟故無前生未曾得忍故既無後起又無前生故唯一也問解脫得何地攝

答 若於彼地中 斷及壞對治 即攝解脫得

法智比智品

若於彼地中斷及壞對治即攝解脫得者有說若彼地斷對治彼解脫得即彼地攝由斷對治故如是說者謂欲界見道修道斷解脫得禪未來攝初禪地未來初禪及中間攝第

二禪四地攝即前三地及第二禪第三禪五地攝即前四地及第三禪第四禪見道修道斷及無色見道斷六地攝即前五地及第四禪空處修道斷七地攝即前六地及空處識處修道斷八地攝即前七地及識處無所有

處及非想非非想處修道斷解脫得九地攝
 未來中間根本四禪及三無色又有說者若
 彼地攝斷對治及壞對治此說欲色界見道
 修道斷無色界見道斷解脫得六地攝無色
 界修道斷如前說法智比智品者又復有說
 若地法智品欲界見道修道斷解脫得即彼
 地攝若地比智品色無色界見道修道斷解
 脫得即彼地攝此說欲界解脫得六地攝色
 無色界解脫得九地攝問若道俱起得彼得
 是俱起道因不唯除所作
因餘通問答
 與道俱起得 俱起而非因 道亦非彼因
 後起或有無
 與道俱起得俱起而非因者俱起道與得既
非共因又無餘
因故和與
無因也 道俱起得彼非道因不一果故不
 一果則無共因義道亦非彼因者得俱起道

亦非得因亦不一果故問後起得云何答後
 起或有無前起道於後起得或有因或無因
 與後相似增道得相似增解脫得因非軟道
 得軟道解脫得因此是自然因故不為
中上因非中上下因謂苦
 法忍一得俱生彼得非忍因忍亦非得因苦
 法智三得俱生二道得一解脫得苦法智非
 彼諸得因彼諸得亦非苦法智因彼苦法忍
 三得因苦比忍四得俱生三道得一解脫得
 苦比忍非彼諸得因彼諸得亦非忍因苦法
 智三得因非苦法忍得因以忍劣故比忍比
智及解
得脫苦比智六得俱生四道得二解脫得苦比
 智非彼諸得因彼諸得亦非智因苦比忍三
 得因非三得因謂法智品中得乃至道比忍
 二十二得俱生十五道得十解脫得道比忍
 非彼諸得因彼諸得亦非忍因道法智三得

因法智自於未來得解脫得及此忍非餘因得作自然因下諸得劣故得因也

問空空何行何自性何緣何地攝耶答

空行有垢住 是說為空空 說無學境界

在於十一地

空行生已空空後起空行觀五盛陰空彼空

空起於彼空思惟空如人燒死屍時執杖轉

側然後燒杖彼亦如有垢者謂有漏義繫

聖道故空空繫聖道不以聖道繫聖道以無

漏馱行不緣無漏故住者三昧自性空空者

於空行空義無學境界者以無學為緣義謂

無學空行是彼緣又說緣空行俱生五陰十

一地者有漏故普境界故空空十一地欲界

乃至非想非非想處問云何無願無願答

行於無常行 是無願無願 俱在於不動

欲界餘如前

行於無常行是無願無願者無常行相應無

願觀五盛陰無常於彼後起無願無願思惟

無願無常苦苦行者則為顛倒聖道非苦性

故亦非因等行與聖道相違故以無願無願與聖道相違

故不作因若作因等行者應順聖道然彼繫

聖道以違聖道故亦不作道等行以道等行

樂道故俱在於不動者謂前說空空及無願

無願此二是不動法阿羅漢能現在前三昧

有勢力故離煩惱故見到者雖利根得自在

三昧然未離煩惱故時解脫三昧雖離煩惱不得

自在三昧鈍根故不時解脫者得自在三昧

利根故離三界欲故是故能現在前非餘欲

界者欲界現在前多從說力起故非餘除鬱

單曰餘三方餘如前者餘事如空空說

謂無相無相 彼行於寂止 行於記無滅

餘則如前說

謂無相無相彼行於寂止者無相者於數滅觀寂止於彼後起無相無相行義言汝非數滅亦寂止問彼何緣答行於無記滅非數滅是彼緣是無記亦不起非數滅不起如前說以是義故不說滅行以有二種滅謂非數滅無常滅若言行滅行者不知何等滅亦非妙出行以無記非妙非出故非三相所成故止餘如前說者餘如空空說又彼三昧利根者盡智生時得後方便現在前佛不方便辟支佛少方便聲聞或中或上空空無願無願法智比智苦智後現在前無相無相法智比智滅智後現在前若欲界三昧禪未來所攝聖道後起若非想非非想地無所有處聖道後起餘者自地次第問超越三昧云何正受答

卷三

五三

超越三摩提 上下至第三 及不念思惟

於緣超亦然

超越三摩提上下至第三者謂超越三昧正受時有漏初禪次第有漏第二禪現在前如是次第乃至非想非非想處然後次第還乃至初禪於此諸地善修習已起無漏初禪次第乃至無所有處又復次第還至初禪又此地善修習已復起有漏初禪正受從初禪起超入有漏第三禪第三禪起已入空處空處起已入無所有處逆超亦如是此地善修習已然後起無漏超正受是名超越方便然後能有漏初禪起次第入無漏第三禪正受無漏第三禪次第有漏空處有漏空處次第無漏無所有處逆超亦如是是名超越正受成就也相遠故不起第四正受也三方不時解

脫能起非餘何以故離煩惱故自在三昧勢力故如前說及不念思惟於緣超亦然者若不穢汙而斷境界者彼因不憶念思惟境界有聞名為聞名為斷或有染心而緣斷境界又舉不染以別之因不念思惟者率爾能緣超至也亦至第三謂初禪緣欲界次第上緣初禪也

二禪而正受

此中明境界起而文言唯次第將先後起如上三昧中故舉始

以明終耳緣初禪次第下緣欲界次第上緣第二

第三禪也初禪緣二禪次第下緣欲界及初

禪上緣第三第四禪如是一切地盡當知無

色不緣下前已說雖苦法智次第苦比忍生

乃至緣第一有此不斷境界故相接不斷故雖遠非起也

淨背捨次第雖緣自地心起或緣上地但彼

染汙問佛語當言善為無記耶答

佛語善無記 如彼初心轉 究竟亦復然

無記或清淨

卷三

三十四

佛語善無記者若調伏處方便而說是善如說一切行無常一切法無我涅槃永滅如是比若彼不方便說是無記如問阿難何故園中高聲大聲如是比如彼初心轉究竟亦復然無記或清淨者世尊以善心發語即以善心究竟無記心發語或無記心究竟或善心究竟無有善心發語無記心究竟說時轉增不減故問聲聞云何答

聲聞則不定 究竟及與轉 說時不退減

唯是佛世尊

聲聞則不定究竟及與轉者聲聞善心發語或善心究竟或無記心究竟無記心發語或善心究竟或無記心究竟問何故世尊善心發語善心究竟聲聞善心發語無記心究竟耶答說時不退減故唯是佛世尊唯佛世尊

說時不退聲聞者舍利弗等說時猶退問幾
入可燒幾入能燒答

諸入中有四 可燒亦能燒 可稱亦能稱
斷能斷無或

諸入中有四可燒亦能燒者色香味觸可燒

亦能燒不相離故有說此四入可燒不相離

故更有一入能燒謂火大得燒相故可稱亦

能稱者即前說四入可稱亦能稱不相離故

有說四入能稱一種可稱得重相故斷能斷

無或者即前說四入可斷亦能斷此中無或

說問地地界何差別答

地謂色形處 堅相說地界 餘二亦二種

風即風或異

地謂色形處者色形處是地色入所攝眼識
識此世間名地界說堅相者堅相是地界觸

入攝身識識此則第一義餘二亦二種者水

及火亦二種色形處是水濕潤是水界色形

處是火熾熱是火界餘如前說風即風或異

者有說風即風種以非世間立名故有說此

亦世間立名有塵風無塵風如是比問善根

有幾種答

福分說一種 及與解脫分 於福決定分

第四離諸漏

福分說一種者若欲界聞思慧勝進施戒等

俱生得轉輪王帝釋及餘欲界大力自在身

報及色無色界勝進善根能得有果者是名

福分及與解脫分者解脫分亦是欲界聞思

施戒等俱生背諸有向解脫殖此諸善根者

中間雖斷善根猶名逆流何以故必得涅槃

故是故如是說寧為調達不為外道鬱頭藍

子調達雖造三逆斷諸善根滅善根滅善種

子入無間地獄阿毗至阿者無毗至者擇也

無種餘二地獄罪畢於四萬歲壽人中得辟

支佛證諸根猛利勝舍利弗等鬱頭藍子雖

離八地生第一有於彼報盡命終來生於法

林中作著翅飛狸殘害一切水陸衆生死墮

無間地獄世尊不記得解脫時種解脫種者

有如是相處聽法坐若聞法時悲泣流淚身

毛為豎見生死過涅槃善利敬信正法及說

法者於福決定分者觀察真諦暖等善根於

諦決定故於諦滿足故順向聖道故名決定

分彼賢聖品已說第四離諸漏者無漏善根

謂學無學彼前已說問云何於惡趣得非數

滅答

當知布施等

能轉於惡趣

必定與忍俱

施等同或異

當知布施等能轉於惡趣者或有施不墮惡

道或戒或聞或思或暖或頂若見生死過涅

槃善利故背生死向涅槃而行布施如此施

者能轉惡道餘善根亦如是布施能轉惡道

而非頂若謂不爾者不能何以故背生死故

或有未得決定善根而能極厭生死非得決

定善根者復次施與惡趣煩惱業極相違非

頂是故無過問若諸善根不必定離惡趣者

何者必定答必定與忍俱頓捨惡道必在於

忍忍與一切惡趣煩惱業相違故捨忍者惡

趣煩惱業尚不起況不捨施等同或異者從

施乃至頂或時離惡趣或不離以非一切施

能違惡趣煩惱業故餘善根亦如是已說轉

惡趣因緣謂意識不共今當說

意識有六事不與五識共

離欲及退時 受生亦命終 斷善及相續

當知是意識

此六事說住意識思惟故普緣故世尊雖說
眼見色耳聞聲身覺觸退彼亦牽意識現在
前故退問住何等受命終及受生答

謂一切衆生 悉住於捨受 命終及受生
以不捷疾故

謂一切衆生悉住於捨受命終及受生者一
切衆生住不苦不樂受命終及受生問何故
答以不捷疾故一切分中生分死分不明了
不覺悟故於諸受中不苦不樂受最不捷疾
不明了故是故一切衆生住不苦不樂受命
終及受生問若然者不苦不樂受應無無漏
聖道捷疾故答非不苦不樂受無無漏聖道
力能令利故如水在辛則辛在苦則苦甜醋

鹹淡亦如是

雜阿毗曇心論卷第九

音釋

羸劣 羸力追切瘦也 沆 胡玩切而充屍
書之 殞 常職切鬱頭 藍 梵語也此云猛
獸名 支切 醋 倉故鹹 胡讓切 豨 紆勿切
豨 紆勿切

豨

豨

雜阿毗曇心論卷第十上

瑟四

尊者法救造

宋天竺三藏僧伽跋摩譯

擇品第十一之一

雖已說多法註明決定眾雜義於彼無量處

當復擇其要註明牟尼說見道疾故名法輪

或說學八枝轉至於他心

牟尼說見道疾故名法輪者滅二種癡故說

牟尼寂滅滿足故說牟尼說者顯示也彼見

增故說見道以慧增故求爾炎故至非品故

說道疾者速進也見道是捷疾道不起定故

一品道頓斷九品結是法故說法離眾生故

捨此至彼故說輪謂捨苦至集乃至捨滅至

道復次似輪故說輪如輪下轉至上上轉至

下如是見道輪下忍轉至上智復轉至忍復

次上下義故說輪如輪下至上上至下如是見道輪緣欲界已上緣第一有緣第一有已下緣欲界復次降伏諦方故說輪如聖王輪或說學八枝轉至於他心者尊者瞿沙說學八枝轉至他心名轉法輪是故說如來於波羅柰仙人住處轉法輪以是義故別於二乘聲聞辟支佛自力轉法輪雖拘隣等自轉法輪自修道非他然由開悟因緣故說世尊轉法輪雖苦法忍起已轉但道比智起說名為轉以彼處具五因緣故所謂捨曾道得未曾道結盡得一味頓得八智一時修十六行拘隣等五人及八萬四千諸天見諦彼先見諦故以拘隣為因緣世尊及拘隣起世俗心地神知故於大力尊天所聞故踊躍歡喜故本常守護故近住地神舉聲大唱遠住地神展

轉宣告非彼自力知見是常勝心非劣心境
界故如是須臾頃虛空神天展轉唱聲乃至
梵天不至上地以彼自地耳識非分故有說
以梵名名阿迦膩吒天聲雖念念滅而相續
起故言聲至梵天轉輪王出世以十善業道
化導衆生以十善業道欲界受報是故轉輪
王出世聲至他化自在天以未離欲故不至
離欲地梵天勸請世尊轉法輪故是故聲至
梵天淨居天勸發成無上道故是故聲至淨
居天成稱業故聲有齊限問云何爲梵輪答
佛說具足道 廣大名梵輪 齊輻輳具足
對治非梵行
一切八聖道共依廣大故名爲梵輪彼正語
正業正命不壞故名爲齊齊轂也正見正思
惟正方便依戒立故廣緣故名爲輻正念正

定攝正見正思惟正方便輻故名爲輻煩惱
名非梵不愛果故道者對治非梵煩惱是故
名梵輪已說梵輪賢聖八支成就齊本音優
波婆素如下釋今當說

謂優波婆素 受時他二說 具足一日夜

離嚴飾威儀

優波者近婆素者住近盡壽三婆邏住故說

近住三者等婆邏者護謂等護一切衆生一切

經論中言律儀者悉應言等護也是故說隨一切衆生慈心

住得律儀彼若作是念於此受不於彼受不

得律儀心不淨故別受不得律儀律儀離增

減故受者受取由作故非發心而得時者謂

明相出時受他者從他人受從衆生故不從

非衆生數不言語故非嬰孩非眠非癡非狂

不解齋法故彼此和合故得受若得犯戒及

煩惱起能見過者從彼受二俱說者授者受者二皆說授者先說受者隨說若授者不說則不成授授不成故受亦不成若受者不說則不成受無受說故非無說而作業生作不生故無作亦不生無作不生故則無餘識俱生功德若二人一時說者亦不成受無授故具足者聖八枝成就如比丘不具足律儀則非比丘此亦如是一日一夜者第三分齋非分故有二分齋如前說齋律儀得日夜分齋餘律儀得盡壽分齋離嚴飾威儀者謂瓔珞被服為嚴飾故著者悉應捨雖住威儀受以莊嚴為放逸足故調伏住則不放逸放逸者不應作而作壞威儀者不恭敬故不得律儀黃門時黃門無形二形不生律儀何以故貪欲增故無慚愧增故在人趣依三方非餘捷

疾知覺故五種清淨因緣修多羅品已說問齋幾是尸羅枝幾是不放逸枝幾是持枝答尸羅枝有四 不放逸枝一 餘則是持枝齋枝慧所說
 前四是尸羅枝 尸羅譯言修習亦言正願捨三昧亦言清涼亦言安眠
 性罪自性戒故不飲酒是不放逸枝飲酒是放逸足令心失念故是故離彼名不放逸枝餘則是持枝者隨順戒故有說離非時食是齋餘者齋枝復有說離非時食是齋亦齋枝餘者是枝如等見是道亦道枝擇法覺是覺亦覺枝彼亦如是若說九枝者不然何以故離高大牀塗身香華共立一枝俱莊嚴處起故如老死立一有枝俱熟故彼亦如是問離兩舌惡口綺語等是離性罪何故不立齋律儀耶答難護故常習近故出家者尚難護以

常行故況復在家如是難護者諸威儀除不飲酒餘遮罪亦不立齋枝問已知惡戒熱所燒齋律儀桺檀塗今當說何故無不具足律儀優婆塞何所疑俱見其過若有不具足優婆塞律儀優婆塞者何故無不具足沙彌律儀沙彌耶若無者何故說一行等優婆塞何得所說非無義答

具律優婆塞 比丘律儀一 以彼缺減義 牟尼說少分

具律優婆塞比丘律儀一者有一說具足優婆塞律儀名優婆塞非不具足沙彌比丘亦如是如說我某甲歸依佛兩足尊歸依法離欲尊歸依僧諸眾尊我是優婆塞當證知盡壽捨眾受歸依心清淨乃至第三口作得優婆塞律儀問此是離殺生口作云何得餘

五

五

律儀耶答當知除等故應說我盡壽捨眾生等如戒等取除等故名戒取彼亦如是復次捨眾生者謂捨自眾生故從今乃至捨自眾生所受戒終不毀犯復次波羅提木叉律儀於眾生處得彼作是說我從今日不殺眾生亦於彼不盜不邪淫不妄語以護彼故不飲酒是故一切遮罪中離飲酒立優婆塞律儀以飲酒一切放逸足故自所受難護故是故說離他姪當知兩舌惡口綺語亦如是說以彼聖人經生猶故知而不說犯若言無一行等優婆塞者不然實有一行等優婆塞建立此云何以彼缺減義牟尼說少分佛以缺戒者故說少分優婆塞具戒優婆塞若持一不持四是名一行持二不持三是少分餘亦是謂所得戒令知故為說非無義問若人九

歲十歲受優婆塞律儀然後取妻以彼女人為妻分先於彼女人所為得律儀不若得者云何不犯戒若不得者何得非少分答得枝非具足得不他姪處不得離非梵行處謂為妻分已不起他姪所不應作亦如是優婆塞受沙彌戒不捨優婆塞戒得沙彌戒以勝為名故不名優婆塞若彼沙彌還俗時說言我作優婆塞當證知即是優婆塞若異者應更受優婆塞律儀比丘亦是已說律儀律儀比類今當說

二律儀妙行 業道初解脫 說業及尸羅如是七種名
波羅提木又律儀作時即彼刹那無作凡有七種名一名律儀二名波羅提木又律儀三名妙行四名業道五名波羅提木又六名業

卷四

六

七名尸羅彼一切惡戒對治故名律儀防護惡戒故入七眾故名波羅提木又律儀於一切眾生所得故善作故名妙行得愛果故思願道故名業道思願從彼道轉故彼最初隨順解脫故名波羅提木又隨一切眾生慈心得故業者作所起作故言是思者不然是說波羅提木又故以此當知亦非後三業道尸羅者淳善義不害心起故後諸無作有五種名除波羅提木又及業道除波羅提木又者非前故除業道者在業起思願後故已說律儀比類名謂身身業成就不成就今當說成就身非業 或說業非身 或有身業俱或亦不俱說成就身非業者謂或有凡夫人處卵胎迦羅羅胞肉段堅厚前身作已捨此身未成未能

起作無羸心現在前故羸心現在前能起身業而彼細心現在前如是內向外向內事外事盡當知復次彼分中極苦逼迫故不能動轉何能起作若生欲界不住律儀亦非不律儀處身無作若眠若狂若醉無求無方便捨作因緣業品已說或說業非身者謂聖人生要四無色界彼成就道共身業非身彼色非分故或有身業俱者聖人處母胎迦羅羅胞肉段堅厚若生欲界處律儀波羅提木叉禪無漏住不律儀不住律儀亦非不律儀身有作有作不失若生色界此諸身色衆生居故身業者或有說律儀或說不律儀或不捨作故或亦不俱說者無色界凡夫非身無色故非身業凡夫故口業亦如是問世尊說四種入胎此云何答

謂入不正知 及住與出胎 乃至入正知 住出亦復然

彼少福衆生入母胎顛倒想轉顛倒解所謂風飄雨雪大寒大闇多衆擾亂聲入華間林中草窟華窟樹下墻間住於母胎亦顛倒想及顛倒解所見如前說出胎亦顛倒想解所見如前多福衆生見園林浴池殿堂樓閣踞跌端坐餘如前說是名第一入胎第二入胎者自知入胎不顛倒想不顛倒解而住出顛倒如前說第三入胎者自知我如是入胎如是住胎出則顛倒如前說第四入胎者自知我如是入胎住時自知我如是住胎出時自知我如是出胎問此諸入胎者說何等人答初者不淨業 亦復不求智 中二各成一第四俱成就

彼初者善業不清淨亦不求智第二者業清淨而不求智第三者求智業不清淨第四者俱成就又說初入胎者一切衆生第二轉輪王第三辟支佛第四如來問須陀洹有不善業耶若有者何故不墮惡趣若無者應離欲離欲者無有是處答

住於初果者 一種不淨業 而不墮惡趣業不具足故

須陀洹唯有修道斷不淨業無見道斷業無對事故是故不墮惡趣故不具不具足故如車二輪具能有所運一輪壞則無所堪彼亦如是鳥譬亦然愚者墮惡趣非智者凡夫墮惡趣非聖人犯戒墮惡趣非持戒惡心墮惡趣非善心如修多羅品說食擇品今當說

四食在欲界 四生趣亦然 三食上二界

搏食彼則無

四食在欲界者欲界有四食四生趣亦然者四生五趣亦有四食地獄中鐵丸洋銅雖復增苦壞飢渴故名食及冷風觸身亦名為食三食上二界搏食彼則無者色無色界無搏食身輕微故無色故問諸趣一一趣何食增答

於彼餓鬼趣 意思食為增 及與諸卵生三無色亦然

於彼餓鬼趣意思食為增者餓鬼趣意思食增以彼意行多故及與諸卵生者彼亦意思食增以彼處卵生常念母故得不爛壞三無色亦然者除非想非非想餘三無色亦意思食增意行多故

胎生搏食增 謂彼人趣中 地獄識食增

第一有亦然

胎生搏食增謂彼人趣中者胎生者人趣中搏食增多以搏食持身故地獄識食增第一有亦然者地獄識食增識持名色故非想非非想亦識食增以識持名故

欲天如人趣 色界觸食增 及與畜生趣

濕生亦復然

欲天如人趣者欲界天搏食增色界觸食增者色界天觸食增受修禪故及與畜生趣濕生亦復然者畜生趣中濕生者觸食增持義是食義如枝持瓶安住不壞如是以食持身身則不壞牽有故說食問若然者一切有漏法是食牽有故答增上故說力能牽有故說食有二事故名食謂前方便牽牽已復長養問何故說四是食答此不應問一切難趣但

隨量所應故說四彼搏食者長養諸根四大

故說食觸者長養心心法故說食意思者長

養當來有故說食識者長養名色故說食是

故說四食問若歸依佛法僧者為何所歸三

寶各二種佛有二種身謂生身及法身法亦

二種謂第一義涅槃法及一切無我法僧亦

二種謂第一義僧及等僧為歸何等 梵音中三寶名

覆護歸依趣向義應云歸趣佛覆護法僧亦如是也 答

歸依彼諸佛 所得無學法 涅槃無上法

僧學無學法

諸佛所成就無學法名為佛歸者歸佛所得 十

無學法名歸佛不歸佛所成就無諍等諸有

漏法自性不解脫故以是故當知亦除生身

若言於如來所起惡心傷足出血不得無間

罪者不然何以故起惡心故謂於佛所得無

學法起惡心而傷足故得無間罪復次壞佛所得無學功德所依故所依壞故依者亦壞如瓶壞乳亦壞歸依愛盡名歸法善故常故當知除餘法以餘法無善及常故歸依僧所得學無學法名歸僧不歸僧所成就非學非無學法及生身以有漏故亦非等僧可壞故問歸依以何為自性答有說口業自性言說假合故復有說亦身口業自性戒自性故問歸依有何義答覆護義是依義安慰義是依義以是因緣故歸依是受律儀問修多羅品說四不壞淨言擇品當廣說今當說緣覺菩薩道 及與三真諦 於彼無垢信是法不壞淨辟支佛所得三根及眷屬一切菩薩所修行道及苦集滅諦緣此諸法起無漏信是名不

疑四

十一

壞緣法不壞淨壞緣後當說隨生清淨戒 佛僧如歸說 此事有二種說有四種名隨生清淨戒者謂無漏隨生身口業是賢聖所重戒是名戒不壞淨佛僧如歸說者佛及僧當知如前歸依說彼緣佛法無漏信是於佛不壞淨緣僧法無漏信是於僧不壞淨若緣佛所得無漏法及菩薩所得學法是名壞緣法不壞淨如是緣佛辟支佛法聲聞法乃至一切學無學法是亦名壞緣法不壞淨問不壞淨有幾事答此事有二種謂信及戒信者心淨戒者四大淨說有四種名者事緣建立故有四以信緣別故為三種知淨者若知若得若持清淨問何所知答四真諦復有說者名不壞淨如首羅長者復次勇猛故不斷

有說者名不壞淨如依長者初二長者皆得初道魔不能壞

不能斷各依已自說為名問云何次第答佛知淨在前佛

是根本以說故問佛何所能答曰覺法問誰

持法答曰僧問彼僧云何得一味答曰聖戒

復次能說者為佛何所說謂法為誰說謂僧

誰持法謂戒復次良醫者佛治病者法看病

者僧藥者聖戒是名次第說彼於苦集諦及

下根於道諦一因緣得不壞淨謂信也三根於苦

集盡生信狀下根於道未能愛樂惟信也彼於滅諦及上中根於

道諦二因緣得不壞淨謂信及欲樂三根於滅悉皆

愛樂中上根於道能愛樂信俱有也乃修多羅品說沙門果擇

品當廣說今當說

所謂沙門果 無為亦有為 有為學果三

無學果第四

二種沙門果有為及無為有為學果有三有

號四十二

為無學果第四一切無為悉非學非無學

八十九聖人 沙門無為果 亦說於有為

一切沙門道

彼見道八忍是沙門八智是沙門有為果八

種煩惱斷是沙門無為果欲界修道離欲九

無礙道是沙門九解脫道是沙門有為果九

種煩惱斷是沙門無為果如是乃至非想非

非想離欲盡當知顯現故世尊說四以此處

五因緣具故謂捨曾道得未曾道結盡得一

味解脫頓得八智一時修十六行以此處道

決定及決定究竟故若斷者所作及所作究

竟問頗一念頃一智知一切法耶答無也何

以故

雖知一切空 而非知一切 除其共相應

自性亦復然

若此智生知一切法空及無我而不知自己
 若性不自顧如指端不自觸此亦如是又無
 二決定故無有一智二決定自知知他亦不
 知相應法共一行一緣故一切相應品法同
 行同緣不知共有法一果故同決定轉故此
 智聞慧思慧非修慧何以故修慧者分段緣
 故是故說欲界色界無色界聞思非分故問
 對治幾種答
 所謂斷對治 壞持及遠分 此四應當知
 是名對治種

有四種對治所謂斷對治壞對治持對治遠
 分對治斷對治者無礙道斷煩惱得故壞對
 治者於緣中作過行故謂無常苦空非我等
 如是比持對治者與煩惱斷得合謂解脫道
 及後諸餘與煩惱斷得合遠分對治者解脫

道為首苦法忍是見苦所斷煩惱斷對治及
 壞對治於餘欲界繫法壞對治若欲愛盡超
 昇離生苦法忍亦是遠分對治如是一切道
 隨其義盡當知修多羅品說修義擇品當廣
 說今當說

初得若習行 對治及斷修 當知此四種
 是名為修義

四種修謂得修行修對治修斷修得修者謂
 初得未曾得有為功德習修者謂曾得善法
 相續生對治修者謂修四種對治名為對治
 修是有漏法敵對治道斷修者謂斷煩惱故
 修道是斷煩惱得義上取能治能斷為修今
 取所治所斷為修依下
四句有法得修及習修非對治修斷修作四
 句初句無漏有為法第二句不善法無記有
 為法第三句善有漏法第四句無為法有說

六種修前四及分別修防護修分別修者如修多羅說謂此身上髮毛爪齒如是比防護修者謂根如所說善調御六根如是廣說如是好者謂四種修如前說此二種修斷修對治修所攝已說見道修道決定相差別義今當說

十四

十四

煩惱通三界 若見斷二種 二斷則三種 俱見道前行

若煩惱三界繫見諦道斷謂五見及疑此見

道前行二種 五見疑定見道前斷愛慢無明與見俱滅實雖未盡名已悉攝

隨見受名名為前行下修道不待見道故修道前行或見道斷或見道

修道斷云何見道斷若結非想非非想處繫

隨信行隨法行無間忍斷彼非想非非想處

繫此以地定故說隨信行隨法行此以人定

故說無間忍此以對治定故說斷者此以所

作定故說云何見道修道斷謂八地若凡夫斷修道斷若聖人斷見道斷問何故凡夫斷煩惱一向修道耶答凡夫不能部分捨煩惱如是見斷如是修斷復次凡夫不能一種道斷九種故若三界五種謂愛慢無明此見道前行三種或見道斷或修道斷或見道修道斷若彼煩惱非想非非想處繫隨信行隨法行無間忍斷是見道斷若九地學見迹修道斷是修道斷餘八地若凡夫斷修道斷若聖人斷見道斷

十四

十五

若欲界煩惱 五行有二種 彼修齊限故說修道前行

若欲界五行彼修道前行二種或修道斷或

見道修道斷若學見迹修道斷是修道斷餘

若凡夫斷修道斷若聖人斷見道斷彼決定

前斷是故說前行問前說緣此諸緣何時作
事答

次第緣所作 說彼法生時 緣緣所作業
彼法滅時說

次第緣所作說彼法生時者生時是未來與
轉俱故亦應說轉時彼法生時次第緣為作
業與處義故名次第緣彼法生者得處故若
言色及一切心不相應行亦得而生應說次
第緣者不然彼事行品已說緣緣所作業彼
法滅時說者法滅時緣緣為作業以法滅時
是現在能攝受境界非未來未起故非過去
已滅故

三因所作業 謂彼法生時 二因之所作
當知滅時說

三因所作業謂彼法生時者法生時三因作

業所謂自分因一切遍因報因自分因力故
法生相似相續是故法生時自分因作業一
切遍因報因隨順建立生法故彼法生時作
業總說故說法生時三因作業除初無漏餘
善除報餘不隱沒無記自分因作業染汙者
自分因一切遍因作業報者自分因報因作
業二因之所作當知滅時說者有緣法滅時
相應因共有因作業業同故一果故不相應
法共有因無緣故增上緣者一切時不障礙
住是故不說不待說故所作因亦如是問云
何一切眾生等心起等心住等心滅為不耶
所以問者有眾生身或大或小為身大則心
大身小則心小耶為一切等又眾生進止遲
速不同為遲行心遲速行心速為悉等耶復
次眾生或有安靜知覺如山或有不住動若

風塵爲靜者心運動者心速爲悉等耶答

一切衆生類 心起住滅等 貪欲等相應

不相應亦然

一切衆生類心起住滅等者一切衆生心等

起等住等滅時無多少何以故刹那故亦無

大小非色故四大所起差別故身大小身輕

者速身重者遲心轉多緣故則覺飄動心止

一緣則念安靜貪欲等相應不相應亦然者

若心有貪無貪彼一切心俱起俱住俱滅刹

那故貪心不作業故現重無貪心作業故現

輕乃至有解脫無解脫盡當知有貪無貪如

界品說

音釋

膩

女利切

輻

方六切

輞

文兩切

邏

郎佐切

胞

胎交切

衣也

雜阿毗曇心論卷第十上

卷第十

十七

雜阿毗曇心論卷第十下

瑟五

尊者 法 敬 造

宋天竺三藏僧伽跋摩譯

擇品第十一之二

問已說有心分一切眾生心俱起俱住俱滅
第五
 無心分復云何等謂入無想滅盡正受者此
 心滅餘眾生心起還從定覺此心生餘眾生
 心滅云何等答當知此說有心者然無心者
 亦同謂入無想滅盡正受者彼餘眾生心起
 此初正受剎那亦起從定覺時餘眾生心滅
 此後正受亦滅若住定時餘眾生心亦起亦
 滅此正受亦起亦滅復有說言一切心起不
 必同或有心起不滅作四句初句從無想滅
 盡正受起第二句入正受時第三句有心者
 第四句住正受時此無有小火無形故已說

諸心起滅廣心義今當說

欲界中有四 色無色各三 亦學無學心

說此次第生

欲界中有四色無色各三亦學無學心者有
 十二心所謂欲界繫善心不善心隱沒無記
 心不隱沒無記心色界繫善心隱沒無記心
 不隱沒無記心無色界亦如是及學心無學
 心問十二心云何建立答繫不繫界種建立
 繫及不繫立二心繫者界種分別立十心不
 繫者種分別立二心是故說十二心說此次
 第生者此諸心一一次第生諸心今當說
 欲界善生九 亦復從八起 二穢汙生四
 亦從十心生
 欲界善生九者欲界善心次第生九心欲界
 四自地故色界善心謂初方便入正受時彼

隨順故此則總說非色界一切有說未來禪攝非餘又說未來及初禪又復說中間禪尊者瞿沙說乃至第二禪如超越正受從四禪起越第二禪及眷屬第三禪現在前此亦如是色界穢汙心謂受生時此善心命終彼穢汙心相續生無色界穢汙心亦如是及學無學心彼亦隨順故色無色界不隱沒無記心不次第現在前心縛自地故無色界善亦不現在前極相遠故此亦從八起者欲界善心亦從八心次第生欲界四自地故色界善及穢汙善心如前說穢汙者謂初禪地煩惱所惱即依欲界善心防護故從學無學心起欲界善心現在前二穢汙生四者欲界不善心及隱沒無記心次第生自界四心非上地相違故亦從十心生者彼欲界二種穢汙心從

十心次第生自界四色無色界六謂受生時無記次生七亦復從五起色界善十一亦從九心生無記次生七者欲界不隱沒無記心次第生七心自界四色界善謂變化心次第生隱沒無記謂受生時無色界亦隱沒無記心亦復從五起者欲界不隱沒無記心從五心次第生自界四色界善次第生謂變化心色界善十一者色界善心次第生十一心除無色界不隱沒無記心亦從九心生者色界善心從九心次第生除欲界二穢汙心及無色界不隱沒無記心亦從八心起無記次生六從三次第生色界穢汙六者色界隱沒無記心次第生六

心自界三欲界三除欲界不隱沒無記亦從
 八心起者色界隱沒無記心從八心次第生
 除欲界二穢汙及二無漏無記次生六者色
 界不隱沒無記心次第生六心自界三欲界
 二穢汙無色界穢汙從三次第生者從自界
 三心次第生
 無色善生九 亦從六心起 穢汙心生七
 彼亦從七生
 無色善生九者無色界善心次第生九心除
 欲界善不隱沒無記心及色界不隱沒無記
 心亦從六心起者無色界善心亦從六心次
 第生自界三色界善及二無漏穢汙心生七
 者無色界穢汙心次第生七心自界三色界
 善心及穢汙欲界二穢汙心彼亦從七生者
 無色界隱沒無記心亦從七心次第生自界

三欲色界善及不隱沒無記心
 無記心生六 亦復從三起 學心生於五
 亦從四心生
 無記心生六者無色界不隱沒無記心次第
 生六心自界三下界穢汙三亦復從三起者
 無色界不隱沒無記心從自界三心次第生
 非餘報數故學心生於五者學心次第生五
 心二無漏及三界善心非穢汙性相違故非
 不隱沒無記性不捷疾故亦從四心生者學
 心亦從四心次第生即學心及三界善心非
 無學是因故亦非餘如前說
 無學心生四 亦從五心生 已說十二心
 二十應當說
 無學心生四者無學心次第生四心即無學
 心及三界善心非學是果故非餘如前說亦

從五心生者無學心從五心次第生二無漏
及三界善心已說十二心二十應當說者已
說十二心次第生如此十二心分別為二十
今當說

二善二穢汙 報生及威儀 工巧諸禪果

欲界中八心

欲界八心謂方便生善心及生得善不善及
隱沒無記不隱沒無記無記有四種報生威
儀工巧變化心

除不善工巧 餘則在色界 離禪果威儀

餘四在無色

除不善工巧餘則在色界者色界有六心除
不善及工巧餘如前說離禪果威儀餘四在
無色者無色界有四心除威儀及變化心色
無色界除工巧無事業故除不善離無慚無

疑五

五

愧故無色界除威儀往來非分故除變化心
枝所攝禪非分故
學與無學心 此則為二十 彼心次第生
各隨其義說

學與無學心此則為二十者學與無學心及
前十八是為二十心繫不繫界種分別此差
別者前總說善及不隱沒無記今亦種分別
彼心次第生各隨其義說者謂此心展轉次
第生今當說

欲方便生十 亦從八心起 生得次生九
亦從十一生

欲方便生十者欲界方便善心次第生十心
自界七除變化心以彼淨禪次第生故色界
方便善心及學無學心亦從八心生者彼欲
界方便善心從八心次第生自界二善心及

二穢汙心色界方便善心穢汙心及學無學心生得次生九者欲界生得善心次第生九心自界十除變化心色無色界穢汙心亦從十

一生者欲界生得善心從十一心次第生自界七如前說色界方便善心穢汙心及學無學心

二穢汙生七 亦從十四起 報生威儀八是亦從七生

二穢汙生七者欲界不善及隱沒無記次第生自界七心除變化心亦從十四起者此二穢汙從十四心次第生自界七除變化心色界四種除方便善心及變化心無色界三除方便善心報生威儀八者欲界報生及威儀次第生八心自界六除方便善心及變化心色無色界穢汙心是亦從七生者此欲界報

卷五

六

生及威儀心亦從自界七心次第生除變化心

工巧心生六 亦復從七起 變化生心二亦即從二生

工巧心生六者欲界工巧心次第生自界六心除方便善心及變化心亦復從七生者彼

亦從自界七心次第生除變化心變化心生二者欲界變化心次第生二心欲界變化心

及色界方便善心亦即從二生者亦即從此二心次第生

色方便十二 是亦從十起 生得次生八亦從五心生

色方便十二者色界方便善心次第生十二心自界六欲界三方方便善心及生得善心變化心無色界方便善心及學無學心是亦從

十起者色界方便善心從十心次第生自界
 四除威儀及報生欲界二方便善心及變化
 心無色界二方便善心穢汙心及學無學心
 生得次第生八者色界生得善心次第生八
 心自界五除變化心欲界二穢汙心無色界
 穢汙心亦從五心第五生者色界生得善心七從自
 界五心次第生除變化心
 色穢汙生九 亦從十一起 威儀心生七
 從五次第生
 色穢汙生九者色界穢汙心次第生九心自
 界五除變化心欲界四二善二穢汙心亦從
 十一起者色界穢汙心從十一心次第生自
 界五除變化心欲界三生得善威儀及報生
 無色界三除方便善心威儀心生七者色界
 威儀心次第生七心自界四除方便善心及

變化心欲界二穢汙無色界穢汙從五次第
 生者色界威儀心從自界五心次第生除變
 化心
 當知色報生 亦如威儀說 謂彼諸禪果
 當知如欲界
 當知色報生亦如威儀說者色界報生心次
 第生七心亦從五心生如威儀說謂彼諸禪
 果當知如欲界者色界變化心次第生二心
 色界方便善心及變化心亦即從此二心次
 第生
 無色初生七 是亦從六生 生得亦生七
 當知從四起
 無色初生七者無色界方便善心次第生七
 心自界四色界方便善心及學無學心是亦
 從六生者無色界方便善心從六心次第生

自界三除報生色界方便善心及學無學心生得亦生七者無色界生得善亦次第生七心自界四下界三穢汙當知從四起者彼從自界四心次第生

穢汙生八心 是從十心起 報心生於六

是亦從四生

疑王

穢汙生八心者無色界穢汙心次第生八心自界四欲界二穢汙色界方便善心及穢汙心是從十心起者無色界穢汙心從十心次第生自界四欲界三生得善威儀及報生色界亦如是報心生於六者無色界報生心次第生六心自界三除方便善心下地三穢汙心是亦從四生者彼報生心從自界四心次第生

學心次生六 從四次第起 無學心生五

是亦從五生

學心次生六者學心次第生六心三界方便

善心欲界生得善欲界生得善強而利二界弱而鈍也及學無

學心從四次第起者學心從四心次第生三

界方便善心及學心無學心生五者無學心

次第生五心三界方便善心欲界生得善及

無學心亦從五心生者三界方便善心及學

無學心問何故方便善心次第生威儀工巧

及報生心此諸心何故不次第生方便善心

耶答威儀工巧自樂所作故報生心羸劣故

無所作故疑五謂威儀心樂習威儀故是故次第

不起方便善心出心不勤方便故方便善心

次第生威儀心工巧心亦如是報生心羸劣

無所作故本業所種故是故入彼心者不能

出心不勤方便故從方便善心次第生若言

穢汙心樂著境界及羸劣故不應從穢汙心境界次第生方便善心者不然何以故境界不異故見過故不羸劣故於彼境界過惡轉即彼起功德是故彼境界不異於彼行煩惱疲厭故即彼境界觀察生長夜習煩惱故穢汙心不羸劣是故彼應次第生方便善心欲界生得善心雖捷疾而非方便以捷疾故從彼色界方便善心及學無學心次第生以非方便故不能次第生彼諸心色界生得善心不捷疾亦非方便不捷疾故不從學無學心及無色界方便善心次第生非方便故故不次第生彼諸心無色界亦如是色界穢汙心次第生欲界生得善心以捷疾故無色界穢汙心不次第生色界生得善心以不捷疾故問云何正法答

經律阿毗曇 是名俗正法 三十七覺品是說第一義

經律阿毗曇是名俗正法者修多羅律阿毗曇是言說正法依名處起故前已說佛語是語自性語則依名轉以他處轉故是故名俗數顯第一義故名正法以名顯義故三十七覺品是說第一義者三十七覺品是第一義正法離名起故有漏修慧雖離名轉有垢故不說第一義正法如正法有二種行法者亦二種修法及修第五修法者謂誦習修者謂修禪十彼俗數正法者是修法十是持義第一義正法是修是故謂修行法者住則正法住修行者滅則正法滅世尊勸發修行者故不說分齊如前說金剛三昧擇品當廣說今當說五十二及餘 亦復說八十 或有說十三

是金剛三昧

有說五十二金剛三昧禪未來所攝若依禪
 未來苦比智得阿羅漢果於非想非非想處
 四陰無常苦空非我思惟若集比智得者集
 諦四行一一行思惟若滅法智欲界繫行滅
 滅諦四行思惟若道法智斷欲界繫行道
 諦四行思惟若滅比智或初禪地繫行滅思
 惟或乃至非想非非想繫行滅思惟若道比
 智於彼九地比智品道四行思惟得阿羅漢
 果如是智行緣分別則五十二苦異故滅異
情隔故觀別
 是以八地滅有三十二行道則類爾通異地
 同性情無礙故觀通通地唯有四行合前
 四諦十六行如禪未來乃至第四禪亦如是
 為五十二也自地苦集八行四空滅諦十六
行九地道四行於上滅漸少故
 空處二十八隨處識處二十四無所有處二十以無色無
 法智法智緣欲界故非無色下地行滅緣下

卷五

十一

地苦非境界故下地對治緣展轉因故有說
 禪未來八十金剛三昧是中差別者說道比
 智亦一一地對治緣得阿羅漢果觀七地道
比智地各
 四行有二十八合前如禪未來乃至第四禪
 五十二為八十也亦如是空處四十識處三十二無所有處二
 十四尊者瞿沙說禪未來所攝金剛三昧十
 三見道四比忍相應四三昧修道非想非非
 想離欲九無礙道相應九三昧彼一切第一
 有對治金剛三昧世俗道非境界故乃至第
 四禪亦如是空處九乃至無所有處亦如是
 此是總說若說忍智行種緣分別禪未來所
 攝則有一千四百九十二金剛三昧乃至第
 四禪亦如是空處四百六十八識處三百二
 十四無所有處二百一十六問彼智品所說
 神通彼神通為一切善為非答

三通則說善 餘二是無記 當知依欲色
世尊說慧性

三通則說善者神足智他心智宿命智此三通說善何以故愛果故極方便所起故調伏他故不信樂者今信樂故此三通令他極調伏故歡喜歡喜心相應慧是善信心相應故餘二是無記者謂天眼天耳此二神通是無記愛果及極方便非分故又受色聲起是故無記問何處現在前何等性答當知依欲色世尊說慧性此神通欲色界現在前非餘依色故彼先欲界起故後色界能現在前彼非初業堪能非分故是智慧性從分別起故依成依者故此釋通有眼名由眼起故如施設經說爾時色界四大造眼處周圍天眼淨如修多羅品說諸根事言擇品當廣說今當說

第五

十二

當知彼諸根 慧者善分別 名有二十二
事則說十七

佛說諸根名有二十二事有十七以男女根及三無漏根無別事故不立事餘根攝故男女根離身根更無故是故說云男根身根少分女根亦如是又一識依故若識依身根起即依男女根無異相根共生一識三無漏根九根合成故九根者意根樂根喜根捨根信等五根此九根道及人分別故立三根道分別者見道說未知根修道說已知根無學道說無知根人分別者隨信行隨法行說未知根信解脫見到身證說已知根慧解脫俱解脫說無知根問等及第一義有何相答若事分別時 捨名則說等 分別無所捨是則第一義

若事分別時捨名則說等者若事分別時捨

名者此則等事等事梵音云三比粟提譯言等集也非第一義決定事不可得故如瓶分

別色香味觸時捨瓶名非捨色香味觸別有

瓶名是故名等事如是一切分別無所捨是

則第一義者若事分別時不捨名是第一義

如五盛陰名苦諦若分別五時亦不捨苦名

以色是苦故乃至識亦如是彼色復十一種

一一入皆苦乃至剎那及極微分別時亦不

捨苦名彼得相故如是一切如雜品說中陰

擇品當廣說問為定為不定答

界趣地必定 中陰五無礙 說名為香食

求有乘意行

界趣地必定者中陰界趣地不轉欲界中陰

必生欲界色界生色界如是地獄趣生地獄

乃至人趣生人四天王生四天王乃至阿迦

膩吒天亦如是乃至地獄亦如是中陰五者

中陰五陰性有去來故非離色有去來是故

欲色界有中陰非無色界色非分故無礙者

極微故一切形障所不能礙業力故住母胎

若異者不應住胎名為香食求有乘意行者

以香為食故說香食若薄福者食諸穢香若

大力者食諸淨香求於生有故說求有從意

生故說乘意行此諸衆生或業生謂地獄如

所說彼諸衆生業所縛或煩惱生謂人及欲

天或報生謂飛鳥或從意生謂無色界天及

劫初人化及中陰二有中陰起雜趣故是故

說中陰問中陰幾時住答

七日或七七 乃至彼和合 或裸形食香

諸根悉具足

七日者有說中陰七日住身羸劣故問若和合者應爾若彼父母異處者是人命終當云何答當觀是衆生業轉不轉若於母可轉於父不可轉者彼父則從他女人令中陰會於父緣可轉者亦如是若二俱不可轉者此人未死而彼先和合此說常行欲者若時節行者彼衆生業因緣故令彼非時亦行有說或於相似處生謂若應生時行處者非彼時故則於相似常行處生隨其類說七七者有說七七日住乃至彼和合者復有說不定乃至未和合間常住問中陰有衣無衣答或裸形色界中陰有衣色界慚愧增故如彼法身不裸形生身亦爾欲界菩薩及白淨比丘尼中陰有衣餘衆生無衣無慚愧增故問中陰何食答香食欲界中陰以香爲食前已說色界

離搏食貪身極微故唯三種食問具諸根不答諸根悉具足中陰具諸根何以故中陰報淳故又彼衆生求有故於六入門常求有問形爲云何答

隨行量不定 或有見不見 入則從生門 或生顛倒想

隨行者各如其趣地獄中陰如地獄形乃至人天如人天形問中陰云何行身量云何答行量不定中陰行及身量不定地獄中陰足上頭下而行天中陰上升如箭射空餘中陰側身傍去如畫人飛量者色界中陰量如本有欲界菩薩中陰亦如本有三十二相莊嚴其身是故菩薩中陰光明徹照百億天下言白象身入母胎者不然已離畜生故菩薩從九十一劫來常離畜生順相書故令菩薩母

見如是夢欲界餘衆生中陰身量如有知小
 兒形諸根猛利故以顛倒想入胎間中陰中
 陰為相見不答或有見不見或中陰以中陰
 為境界不一切有說地獄中陰見地獄中陰
 如是一切又說地獄中陰見地獄中陰畜生
 見二趣餓鬼見三趣人見四趣天見五趣生
 陰眼則不見若天眼極清淨者能見問從何
 處入胎答入則從生門從生門入是故雙生
 兒後生為長問以何想入胎答或生顛倒想
 非一切衆生顛倒想入母胎除近佛地菩薩
 彼近佛地菩薩於母母想於父父想餘衆生
 悉顛倒想入胎若男中陰者於母染想於父
 恚想彼作是念若無此男者與此女會想見
 男去而與女會見彼精時而謂已有即生歡
 喜生歡喜故陰則漸厚陰漸厚已依母右脅

向背蹲坐女則相違說中陰因緣後當說

雜阿毗曇心論卷第十下

音釋

捷疾葉切裸即果切脅虛業切蹲徂尊切
敏疾也 赤體也 腋下也 踞也

雜阿毗曇心論卷第十一

瑟六

尊者法救造

宋天竺三藏僧伽跋摩譯

擇品第十一之三

問知法識法明法此云何答

知者一切法瑟六識明亦復然智及意識明

彼各隨事說

彼苦智知苦乃至道智知道無漏智分段緣

故善等智者亦知苦乃至虛空數非數滅普

緣一切法故識者亦識一切法彼眼識識色

乃至身識識觸攝受自相故意識識眼色眼

識如是一切普緣故明者亦明一切法隨其

事彼苦忍苦智明苦乃至道忍道智明道分

段緣故善有漏慧亦明虛空非數滅問劫云

何過答

刀兵病饑饉 說名中劫過 除地餘三種

說名大劫過

刀兵病饑饉說名中劫過者三種中劫過謂

刀兵疾疫饑饉刀兵劫者謂乃至人壽十歲

時貪麤惡境界行諸邪法各住害心手執草

木皆成刀劍更相殺害如是經七日刀兵中

劫過疾疫劫者亦壽十歲時多諸疾病無有

醫師方藥瞻病薄福德故遇病輒死如是經

七月七日疾疫中劫過饑饉劫者亦壽十歲

時飢渴增上體極羸劣普天亢旱種殖不收

數米而食煎煮人骨以飲其汁如是經七年

七月七日饑饉中劫過如是說者若於今世

一日一夜持不殺戒終不生彼刀兵劫中以

一呵梨勒果施僧福田終不生彼疾疫劫中

若以一食施僧福田終不生彼饑饉劫中此

閻浮提惡劫互起餘方則少有相似如此間
 刀兵劫起彼唯瞋恚增上如此間疾疫劫起
 彼唯羸劣少力如此間饑饉劫起彼唯增飢
 渴問云何大劫過答除地餘三種說名大劫
 過三大種說大劫過謂火水風非地種何以
 故不利故利者壞大劫復次地種壞劫者壞
 劫應至第四禪而未曾至第四禪問何故壞
 劫不至第四禪答淨居天故彼無上地生即
 彼般涅槃故亦不下生地非數滅故若彼
 住經壞劫者亦不然增上福力生彼處故內
 擾亂非分故若彼地內有擾亂者則外有災
 患彼初禪內有覺觀火擾亂故外為火災所
 燒第二禪內有喜水擾亂故外為水災所漂
 第三禪內有出入息風擾亂故外為風災所
 壞問第四禪未曾有擾亂者何得不常答刹

那無常所壞故如是說者第四禪地不定相
 續隨彼天生宮殿俱起若天命終彼亦俱沒
 問何等劫盡最初答
 七火次第過 然後一水災 七七火七水
 復七火後風
 七火次第起者謂最初火劫起如是說言若
 火劫將起爾時人壽八萬歲地獄命終者不
 復還生當知劫盡乃至地獄無有一眾生住
 是名地獄劫盡如地獄劫盡畜生餓鬼亦如
 是若畜生於人有用者與人俱盡是時閻浮
 提唯有一人無有教者能入初禪從初禪起
 已舉聲唱言離生喜樂甚為快樂如是音聲
 展轉相告遍閻浮提諸餘眾生亦無師教悉
 入初禪乃至閻浮提無一眾生住是名閻浮
 提劫盡唯除鬱單曰欲界一切善趣亦復如

是鬱單曰命終無得禪者離欲非分故又於彼時初禪一衆生無有教者而入第二禪從禪起已舉聲唱言定生喜樂甚爲快樂如是音聲遍至梵天餘諸衆生亦復如是乃至初禪無一衆生住是名衆生世劫盡是時世界久遠虛空乃至七日出問曰從何處出答有說劫成時由乾陀山後有七日輪住從彼而出有說一日分爲七分復有說一日七倍熱復有說從無間地獄火出如是說者衆生業力故增上果器世界起彼業盡如是擾亂生乃至梵天燒然如是七火次第過然後一水災者七火災過已然後一水災乃至壞第二禪問水從何處起答有說從第三禪際雨熱灰水復有說水輪涌出擾亂起如前說七七火七水者七火災次第過然後一水災如是

七七火災一七水災復七火後風者後復七火災過然後一風災水災風災從火災次第起此則善說是遍淨天六十四劫壽也水災所漂乃至第二禪風災所壞乃至第三禪百億四天下一時俱壞十九中劫世間空一中劫器世界壞一中劫器世界成十九中劫漸次第住若處最初空是處最後住若處最後空是處最前住問云何心亂答
錯亂本業報 恐怖及傷害 若彼解肢節
聖說水火風 卷六
錯亂本業報怖畏及傷害者四因緣心亂謂
四大錯亂本業報恐怖及傷害身四大錯亂者飲食不適故四大錯亂四大錯亂故令彼心亂本業報者本造心亂業報已熟問何者是答好傳衰禍令他愁苦或復罵言汝癡狂

心亂驅迫衆生令墮嶮處焚燒山澤強與人酒或以妄想倒說佛語如是比業得心亂果恐怖者見非人形來驚畏恐怖故彼則心亂傷害身者爲非人所打故彼以不淨汙大衆會處及佛僧塔故彼處非人瞋節節打故彼則心亂此說凡夫人聖人無本業行報心亂若先種定報業者先受報已然後超升離生若種不定報業者若超升離生彼業則滅心亂者在欲界彼地獄不心亂常亂故畜生餓鬼及人則心亂除鬱單曰欲界天亦有心亂問何等聖人心亂答須陀洹斯陀舍阿那舍阿羅漢辟支佛唯佛心不亂聲不壞髮不白面不皺不漸般涅槃世尊擾亂業久已滅盡行妙行故亂者意識非五識心不分別故有漏心亂非無漏眞實行故是故若說心狂亂

卷六

五

是散亂也作四句初句謂狂者善有漏心不隱沒無記心第二句謂自相住者穢汙心第三句謂狂者穢汙心第四句謂自相住善心及不隱沒無記心問何等能解支節耶答若能解支節聖說水火風三大能解支節非地大不利故火大解支節者謂命終時火大增遍燒筋燒筋已節節解節節解已不久命終水大解支節者謂節節解時先令筋爛筋爛已餘如前說風大解支節者令筋碎筋碎已餘如前說支節解已不過日夜命終四大錯亂故地獄無解支節支節常解故業報故不死畜生餓鬼及三方解支節除鬱單曰無罪業故天亦如是凡夫聖人解支節唯除佛罪報者解支節佛無罪報故已說解支節退今當說

退法有三種 得未得習行 或一人一退
 未得退說二 謂彼習行退 三聖俱亦然
 退法有三種得退未得退習行退得退者所
 得功德遇退緣則退未得退者應得功德放
 逸故不得習行退者已得功德有因緣故不
 得習行問何等人何事退答或一人一退若
 得退者是鈍根聲聞非利根利根者三昧力
 故是故說問云何知有得退答以說二種阿
 羅漢故謂退法不退法若言道退果不退者
 不然何以故斷得與道合故得者道諦攝是
 故道退非斷者不然若言離煩惱種云何生
 者應說如初無漏心無前因而生彼亦如是
 彼次有自分因分故從無際生死煩惱自分
 因分生言煩惱於三處起非說者不然何以
 故爲起煩惱具滿故說衆生起煩惱具有三

卷六

*

因緣謂因力境界力方便力彼欲愛使未斷
 未知是因力斷者無礙欲愛纏所著法是境
 界力彼不正思惟是方便力是彼說意若從
 彼說不正思惟者前不正思惟非分則不起
 若有前不正思惟此則無窮又復善無記心
 至竟不生若不正思惟相續無窮則餘念不得生也若不生者解
 脫亦非分燒諸煩惱不應還生如火燒木爲
 灰至竟爲灰不復爲木如是阿羅漢以智火
 燒煩惱薪不應復爲煩惱彼不應如何以
 故譬不合故云何如燒薪有灰若如是阿羅
 漢煩惱有餘如灰耶若有餘者非阿羅漢有
 煩惱故若無者不如上譬然非彼聖道如火
 燒薪但聖道起斷煩惱得解脫得作證彼若
 離聖道亦捨解脫得繫得還起如諸退相違
 經說當知說不時解脫故未得說退二者若

彼未得退者謂聲聞辟支佛非佛住一切最勝根故聲聞者不得佛辟支佛勝根辟支佛不得佛勝根是故有未得退略說一切衆生若修行皆應得聖慧眼若不修行入名色者是爲未得退問云何知有未得退答信佛說故如世尊說諸天及世人退於智慧者深著於名色不見聖諦故謂彼習行退三聖俱亦然者若習行退者謂聲聞辟支佛如來三聖悉有以中間諸因緣故所得功德不能常現在前問云何知有習行退答說心心法退故如世尊說於此四種心心法得現法安樂住我說彼一一退如修多羅廣說又復說不動意解脫身作證成就遊者彼不退以是故知世尊亦有習行退是故說世尊多遊未至非根本地何以故近欲界故雖不動意解脫有

習行退然彼成就修得故彼一切現在時得常隨轉彼心心法者現在修謂不現在前者名爲退習行退最多者謂世尊何以故功德無邊故如轉輪聖王廣受境界又說攝他故名不動自攝故故名心心法世尊多攝他少自攝如是世尊大悲大捨問何處不退答諸天則不退 果退終不死 亦不造彼業住果所不爲 諸天則不退者諸天不退以利根天得果故利根者則不退若鈍根人得果然後生天亦不退經生故聖人經生不退此前已說退具非分故世尊說五退具多事業等五退法彼天則無是故不退以天不退故當知退者必人中以退具可得故果退終不死者果退者終不死要還得果何以故下地生非數滅故

非數滅法終不更現在前不生法故以果所攝道決定及決定究竟故以果道蘇息處故彼人得蘇息又果處善自護故以果處具三因緣及五因緣故前已說彼三果退非須陀洹果見道斷煩惱非對事故見道斷煩惱依我處轉而無有我修道斷煩惱是對事修道斷煩惱淨處轉彼有淨想不淨想彼思惟諸行不淨得離欲淨思惟於見不淨退無有法我我所思惟於非我見退復次須陀洹果方便廣前施戒修等向解脫如是比又須陀洹果見道得故無有見道退速道故利故非想非非想處對治故若阿羅漢果退至須陀洹果當知退三果彼對治煩惱得成就故亦不造諸業如彼住於果者若得果人所不爲彼退果人亦不作何以故得不作律儀故聖道

已滅惡行故如曾服藥復次希望具足故彼人希望滅果對治惡行故問齊何當言菩薩答

若修諸相好 方便起彼業 從是轉增進 說名爲菩薩

若有衆生以一食施起決定心發無畏言我當作佛能起相報增長彼業齊是名菩薩以能從此作相似相續業故若不如是但有空名菩薩雖有初起不退心是則菩提決定非趣趣應言到決定謂造相報業已是則俱決定是故齊相報業爲名以彼離四九因緣故謂離惡趣離非男離卑姓離不具根得一因緣謂生性識宿命以生識宿命故聞即受持眷屬信受離衆生過度三阿僧祇劫於百劫中種相報業除釋迦牟尼釋迦牟尼菩薩精進

故除九劫餘九十一劫有說二三阿僧祇非劫阿僧祇謂劫阿僧祇生阿僧祇善行阿僧祇問相報業爲何等性答身業口業增上意業又是思慧性非聞慧以劣故非修慧欲界不定故閻浮提種非餘方男子非女人佛出世非不出世見佛非不見佛緣造業非緣餘有說一思願種三十二相業後種種業滿又復說一定心一行一緣衆多思願現在前有願足下安平佳果有願乃至肉髻彼一一相百福眷屬福量者有說一轉輪聖王福是名一福量又復說一帝釋福有說劫成時一切衆生業增上器世界生是名福量有說除近佛地菩薩諸餘衆生福樂自在業是名一福量佛無學法是菩提謂盡智無生智薩埵求此故名菩提薩埵得此菩提覺一切法故名

爲佛唯相報業後得轉輪聖王而聖王相者當知是餘業報問幾種薩婆多答
一種異分別 或有說相異 或說分分異 或復說異異
此四種薩婆多一種異分別者彼說諸法隨世轉時分異非事異如乳變爲酪捨味力饒益不捨色如金銀器破已更作餘器捨形不捨色法從未來至現在亦如是當知此是轉變薩婆多相異者過去法與過去相合不離未來現在相如人著一色非不著餘彼亦如是此說有過若過去諸法不離未來現在相者竟何所成亦成合義若爾者則世亂如人著一色於一色愛著亦行亦成就於餘成就而不行是故彼說世亂譬亦相違分分異者說諸法隨世轉時分分異非事異此則不亂

建立世何以故業別故謂法未作業說未來
 作業說現在作業已說過去彼異異者彼說
 諸法隨世轉時前後相待非事異亦非分異
 如一女人亦名女亦名母前後相待故謂觀
 女則知母觀母則知女此最亂建立世彼說
 過去世一刹那有三世說言觀前起相名未
 來觀後起相名現在問諸師說諦無間等各
 各異薩婆多及婆蹉部說次第諦無間等曇
 無得等說一無間等何者為實答今當以五
 支如實說五支者一曰宗二曰因三曰譬四
 曰合五曰結六曰義如下偈說

次第無間等 智諦異相故 見瓶不見衣
 是故彼亦然

修行者先苦無間等後乃至道問何故答智
 諦異相故苦集滅道智各異相行別故若行
 是苦智此行非餘智若不爾者無四智建立

第六

十一

諦亦異相彼逼迫是苦相生起是集相寂滅
 是滅相出離是道相非不異智異相諦一無
 間等譬如見瓶時不見衣以瓶衣異相故以
 異相故見瓶不見衣見衣不見瓶彼亦如是
 於異相諦見苦時不見餘如是一切是故次
 第無間等說一無間等者彼說於諦一無間
 等何以故信聖賢故如世尊說比丘於苦無
 疑集亦無疑滅道亦如是如燈俱作四事熱
 器燒炷油盡破闇如是一智知苦乃至修道
 是故一無間等彼說智諦異相者不然一相
 故一切慧一智相於一切法境界作無我行
 如世尊說一切法無我智慧者能見彼厭於
 苦時是即道清淨諦相亦是說瓶衣異相
 者此亦不然何以故自相無間等非分故共
 相境界無間等非自相謂色等五陰壞相壞相

常即無共境界智一無間等若異者則自生過
 次第無間者言汝言賢聖說者此則密語此
 說有餘義如世尊說若苦無疑於一切無疑
 為彼疑行故說若彼苦無間等生彼疑至竟
 不行非數滅故為除有餘說故世尊說給孤
 獨修多羅如是說言長者於四聖諦次第無
 間等如是廣說所說如燈者燈有多性多業
 過我不取燈事若分別時燈捨自名前已說
 彼明色入攝力能破闇彼熱觸入攝能作餘
 事若不爾者壞決定義慧不如是若言同者
 則有過若言一相者此亦不然行別故無常
 行智異苦空無我等行智亦各異如是比若
 不爾者無解脫門不壞行是解脫門離觀名
為壞三
脫異觀
故不壞如汝說緣一切法作無我行以頓觀
 一切法故此則不定思惟分定思惟行各別

卷六

十三

諦緣是故不應說彼厭於苦時是即道清淨
 不可以厭行緣於滅道滅道是可樂事故一
 切緣者不通一切相違故以無我行不即行
 此無我行故自性不自觀故亦無二決定性
 亦不觀相應共一行一緣故亦不觀共有共
 一果一決定故又說一切行無常者亦非無
 常行作滅無間等滅者常故當知彼行遠以
 向真諦故說如所說觀此衆生長夜成就身
 口意惡行言此衆生即是地獄及餘惡趣實
 非此人即是地獄以向地獄故說彼亦如是
 又復是空無間等者則非無願無相彼一切
 法境界非分故莫言有過是故一切法無我
 行是不定思惟定思惟者有漏緣若不爾者
 解脫門滅若言自相無間等非分者不然何
 以故以觀故是自相共相謂逼迫相是苦相

觀三諦故是自相觀陰故是共相如是一切當知皆以觀故說自相共相言不爾者不然何以故以不壞觀故前已說前說中陰後當說今當說問為有中陰為無答

當知有中陰 世尊之所說 譬如村間道

彼則有俱過

第六

十三

此說有中陰何以故世尊所說故如世尊說七士夫趣有中般涅槃若無中陰者則無中般涅槃若言有中天從彼般涅槃者不然天趣中不說故世尊修多羅說四天王天乃至非想非非想處不說有中天餘亦有過若說生般涅槃復有名生天耶如是一切阿那含亦應如是說過是故彼是妄想說若言壽命中間般涅槃者不然除鬱單曰及後邊菩薩多有衆生不盡壽而死此皆是中般涅槃耶

是故此皆有過問此云何答譬如村間道如從一村至一村如是死陰生陰從死陰趣生陰亦如是如阿濕波羅延經說若彼處處來如是廣說若無中陰者則無去來是故應有中陰若言為除有餘說修多羅故世尊說修多羅及偈言五無間罪作已次第生無間地獄中又復為梵志說偈言少為老病漂到於閻王所梵志無住處亦無有資糧是故無中陰者此不然何以故業趣無間故說修多羅及偈謂作無間業已必先受無間報然後受餘業報亦必生地獄趣中非餘趣如汝所解世尊說修多羅五無間業作已次第生地獄中為要五無間生地獄中為二三四耶為更餘罪生地獄中耶當知此經及偈意若言如影者如月極遠影現水中非彼月來至水中

如是死陰生陰如影衆生生何用中陰為者
 此亦不然何以故彼則有俱過月及水俱死
 陰生陰不俱是故有過眼識足下身識譬亦
 如是若先取生陰而捨死陰如折樓蟲者不
 然何以故趣不別及二識合過故是故說有
 中陰如所說四種薩婆多問為有一切有為
 無答

當知一切有 非有一切相 一切無一切
 無有他相法

此有是薩婆多所立一切者謂十二入彼諸
 入有自相非餘一切相所作別故作業別前
 已說一切無一切者謂學法中有學法無無
 學法無學法中有無學法亦無學法如空中
 亦無有跡如是比問此說有云何無有答無
 有他相法如眼相是眼入無餘入相相別故

以是故說一切法不雜
 一切世悉有 不違其所應 牟尼之所說
 聲聞僧無佛

有三世薩婆多此薩婆多所立問何故現在
 世者觀過去未來故施設答若無過去未來
 者則無現在世現在世無者亦無有為法是
 故有三世莫言有咎若言久遠是過去當有
 是未來非是有唯有現在者此不然何以故
 有業報故世尊說有業有報非是業報俱現
 在若業現在當知報在未來若報現在當知
 業已過去若言俗數說者亦說作者不可得
 若言俗數說有業有報者此亦不然世尊亦
 說作者不可得此亦俗數說耶神口所說第
 一義空修多羅而汝妄想說此有故彼有如
 是比當知如汝說久遠是過去當有是未來

非是有唯現在是有者莫作是說我亦能說
現在者於既往是未來於當有是過去此非
智者說如所說若無信等五根我說是凡夫
輩若學人纏所纏信等五根不現在前道與
煩惱不俱故是故應知有過去未來若異者
聖人應是凡夫若言得隨生此亦不然無法
得非分故依處非分故聲聞僧無佛者聲聞
僧不攝佛何以故三寶不減故若世尊聲聞
所攝應有二寶非三佛無別體故歸依及不
壞淨念等亦如是莫言有過是故聲聞僧不
攝佛如世尊修多羅說憍曇彌施僧亦是供
養我當知是說比丘僧聖僧福田僧世尊者
彼三僧所攝破煩惱故聖故第一義福田故
非聲聞僧自覺故
設令廣章句 群生大恐怖 無勝甚深相

我今但略說
若廣說者衆生怖畏是故我今不廣說章句
深遠阿毗曇明淨智慧所解諸論音聲妙義
於此略說
古昔諸大師 演說無量義 我今隨所解
分別說少分
我於尊者法勝所說中以少智慧思量撰集
造立章句將以申述助宣遺法悲欲憍慢求
名稱故如彼所說若生諸煩惱是聖說有漏
滅道亦生煩惱而非有漏增煩惱非分故無
漏緣煩惱減而不增前已說是故我說增也
無漏緣輒中上不增者不然依增故
決定知此論 章句微妙義 於彼智慧衆
勇猛無所畏
於此論章句義味能決定智善分別說者於

諸智慧衆生中心無怯畏善解法相故

今我增益論 其心無所貪 為令智者樂

疾得寂滅樂

經本至略義說深廣難可受持如虛空論難

可了知前已說是故增益論本隨順修多羅

義令易了知以知義故煩惱則斷

論品第十二

已說擇品今當略說諸論令智者欣樂

雜律不律儀 而得於律儀 不因彼致勝

能決定者說

答有謂無色界沒生色界時無色界凡夫名

非律儀非不律儀無色界善惡律儀非分故

從彼命終生色界時得善律儀色界律儀與

心俱故非勝進無色界勝故

頗得沙門果 賢聖離諸過 得有為善法

卷六

十七

不名為修習

答有謂果所攝聖道滅已然後退不增進根

還得彼先過去果所攝道先滅故非修現在

因非分故離諸過者非世俗故有為者非無

為故善者非不善無記故

道未興起時 遠離諸過咎 解脫時離惡

能決定者說

答有謂修行者住金剛三昧除初盡智諸餘

無學法是未起時不向故解脫時者一切無

學道頓解脫初盡智生時是生時是解脫時

離諸過惡者非有漏故

頗光音纏起 是彼定相應 清淨初禪退

而得於退法

答有謂阿羅漢第二禪纏退時盡智所得初

禪退與盡智合故有退熏修初禪與第四禪

合故阿那舍亦爾言淨者明所退非無學故
頗於見諦道 得彼諸善法 彼法是有緣
聖智不見緣

答有謂與苦比智俱欲界等智苦無間等邊
修亦不見彼智緣以彼緣欲界而苦比智不
緣欲界故集滅無間等邊亦如是道比忍得
緣三諦智而不觀彼諦住異境界故如住學
法得無學法得無學法非學法如是從法智
品至比智品比智品復至法智品

頗果有漏慧 無漏慧所斷 彼果所因起
謂不離欲慧

答有謂聖人離欲界欲未離初禪欲欲界初
禪果化心離欲欲界愛盡故初禪慧未離欲
彼愛未盡故一切化心亦如是隨其義除自
地果

卷六

十八

頗住無礙道 而得於諸滅 此相違煩惱
非彼無漏見

答有謂凡夫人修神通時無礙道斷神通相
違煩惱而得諸滅非無漏見相違何以故聖
人離欲時法忍現在前得忍相違煩惱滅故
頗諸煩惱滅 離欲者獲得 不斷於煩惱
而得無垢盡

答有謂上地命終生梵天時得欲界煩惱滅
而不斷彼煩惱先已斷故餘一切地亦如是
頗無垢淨地 未曾得而得 非離欲非退
不依於見道

答有謂初禪離欲依初禪及眷屬超昇離生
道比智生成就三地阿那舍果從彼定起入
第二禪得第二禪無漏得彼無漏時非離欲
先離欲故非退勝進故非見道見道究竟故

當知上地及增益諸根亦如是

頗獲未曾得 而得於寂滅 不捨彼不得

若能知者說

答有謂除苦法忍眷屬得得餘無漏道得彼

初無漏捨一切凡夫性不得餘不捨先已捨

故

卷六

十九

若成就八忍 亦成就七智 此諸無漏見

不見何無漏

答有謂此人住道比忍成就一切見道慧見

一切滅一切道唯除道比忍眷屬彼忍不見

自性不自觀故無二性故亦不見相應一行

一緣故不見共有一果一決定故

頗法未曾得 有漏邊境界 唯有不動者

彼能擊善法

答有謂無相無相於無窮生死未曾得而得

空聖道故說有漏緣非數滅故說邊境界餘

非分故說唯不動空聖道故說擊善法

已起無漏慧 於彼未起者 前生非後因

若能知者說

答有謂前增非後輒因彼果相似及增故

頗離六地欲 聖亦成彼果 不成無漏禪

若能知者說

答有謂空處離欲依禪未至超昇離生苦法

忍生道比智未生以八十九沙門果故故言

成彼果以苦法智是苦法忍依果及功用果

見苦所斷煩惱盡是解脫果及功用果而不

成無漏禪未得故

頗諸無漏法 而為果所攝 能生彼法者

不入彼界中

答有謂無漏戒彼界所攝非漏所攝戒者四

大所造彼果故四大者觸界所攝身識境界故

頗一大種滅 於禪地不起 二大種在前

若能知者說

答有謂聖人生欲界無漏初禪次第有漏初

禪現在前一種發六四大滅謂欲界四大二十以無漏

隨轉若於彼生現在前即彼地四大造故二

種四大現在前者謂欲界及初禪地大道共

無漏隨轉若於彼欲界生即彼欲界四大造故此四大與無漏俱起滅也

頗法因三道 是三種自性 謂三種一地

亦復在三地

答有謂無學慧以彼見道修道學道為因盡

智無生智無學等見是自性中上分別故

說三種無學地所攝故說一地有覺有觀等

分別故在三地

頗有有漏受 二成一不成 二根二種成是說為身證

答有謂身證人依初禪初禪眷屬及第二禪

增進根上地不現在前成就苦根有漏樂根

此人先得第三禪地無漏樂根以轉根故捨

復未更得以依下地增進根故不修上地學

道如得學果一憂根不成就離欲故喜根捨

根各有二種謂有漏無漏起悉成就以禪未

至中間攝捨根是故得捨根初禪二禪攝喜

根是故得喜根

九地煩惱滅發六而得於諸禪主不得無色定

或復得當說

答有謂阿羅漢能得禪定非無色諸禪亦得

亦現在前無色者成就而不行

一法眾多性 或一三有無 彼是無學法

因力所長養

答有謂無知根建立一根故說言一九根和合故說衆多性以衆多性故說非一一無學地故說一地覺觀分別故說三地有者謂有名無者無別事無學得故說無學法三因成故說因長養

頗法是有分 與彼餘有分 相似生住壞

若能知者說

答有謂色入是餘有分彼相與入俱生住滅共一果故色入者不作業故說餘有分彼相者法入攝故是有入

頗諸相應法 或說餘有分 或復說有分

若能知者說

答有謂未來不生法意入是餘有分不作業故餘心法是有分法入攝故

頗二阿那舍 共生於一地 第一法或成俱得一地果

答有謂一阿那舍依第二禪超升離生第二阿那舍依第三禪彼命終俱生第三禪彼依二禪超升離生者增進禪故捨世間第一法即依第三禪者成就不捨上諸地亦如是得一地果者謂無覺無觀禪

頗有不動法 俱受於一有 一成就九地

善有漏一無

答有謂一生欲界一生初禪生欲界者九地有漏法成就生初禪者八地除欲界地增捨卷六俱受一有故說一有有漏者以無漏生上成就下故說有漏

頗住一剎那 得捨三脫門 或復捨於二捨還復得

答有謂生無色界當得阿羅漢住金剛三昧
得無學三脫門捨學三脫門捨滅受想定及

非想非非想處捨一切退分得一切勝分念

中亦捨亦得故言一念滅受想定及非想得斷知言捨二捨退得勝故捨一得一也

頗成沙門果 成就聖非聖 而不得斷知

若能知者說

答有謂無間等苦智生集智未生爾時於八

十九沙門果分成就於四沙門果不成就亦

不得斷知

度彼無勝海 少力所不住 今我隨所能

宣說甚深義 世間貧窮人 彼可卒令富

無智則不然 要須大方便 世間寶易得

慧寶甚難獲 是故應勤學 漸入甚深智

正解涅槃路 邪惑生死徑 慧能滅癡闇

如日除幽冥 為求解脫故 當勤修智慧

癸六

二十三

薩婆多比丘莊嚴阿毗曇偈願令一切衆生
智慧漸增疾得解脫

雜阿毗曇心論卷第十一

音釋

饑饉 饑居依切穀不熟也 饉渠撞切菜不熟也 疫 營雙切 瘧疾也 皴 側救

皮縮也 筋 束欣切 骨絡也 髻 古詣切 髻髮也